

題詠

鄉志

校勘記嗣出



每部實洋三元

重印剡源鄉志序

一國之人各能洞悉其國之得失利弊及其盛衰沿革之故舉而措之其國必治一鄉之人各能洞悉其鄉之得失利弊及其盛衰沿革之故舉而措之其鄉必治鄉國之所由積也鄉之有志猶國之有史也覘國者視其史覘鄉者視其志英吉利以不成文憲法治其國而民氣發達凌駕五洲說者謂其地方自治制度之完備使然也然則一鄉之不能治又何有於天下國家治國者當自治其鄉始矣今當地方自治不日回復之際而趙君平之迺有續印剡源鄉志之舉斯誠知所急務矣夫徵文考獻物產此修志之恒例無足言者誠能進而求之於採訪撰述之餘日與鄉之父老昆弟詳究其鄉之得失利弊及其盛衰沿革之故而求所以整理之補救之光大而發揮之其成效宜必有可觀者我浙省議會方承大總統垂諭嘉獎馳譽與窮他日剡源鄉之地方自治得斯志以資考鏡吾又安知其成績且不爲我奉各鄉冠爲我浙各縣冠爲我國各省冠也哉

景百

承乏斯土與有榮施矣用書數言遺之使弁



諸簡端尤願與趙君及其鄉之父老昆弟共勉之焉

中華民國五年冬十二月署理奉化縣知事屠景曾撰

書趙醉仙先生剡源鄉志後

山川靈氣必待人而發洩崧生嶽降載在詩書者班班可考也吾浙東多奇山水而四名山尤著名道書所謂第九洞天第五十七福地者是也剡源出四明山南麓其中溪流凡九曲而以第五曲三石爲最奇丹山赤水洞天峙其左代產賢結放齋本堂兩先生之故居在焉醉仙先生居其下承累代家學儲書二萬卷以教子弟又以丹山赤水古神仙之所居採藥煉丹時以救世樂剡源山水之明秀也蒐輯古今載籍名賢著述芟蕪錄粹考核精詳爲剡源鄉志二十四卷刊印行世余取其書而讀之幽微靈秀齒頰皆香如游九曲剡溪如登四明山望石窗行過雲諸村天台志雁蕩志無以過也余惟名山大川必有高人畸士生其間靈秀所鍾爲山川生色剡源大詔故王羲之所居今得醉仙可與右軍媲美矣昔陶潛作桃花源記純屬寓言今剡源饒有山水之勝而桑麻雞犬又遠勝于武陵但未知避秦人曾來此否醉仙兼文武才既翹剡曲草堂倡文社以勗其子弟又請兵捕盜誅不率教者以勵其卿一

鄉之人奉爲泰斗惜未及大用而卒令嗣平之先生前清孝廉持躬嚴正承先志重印是書屬余爲之跋余謂山水既不負人人亦不可負此好山水民國紀元文明大啟趙氏一門有能繼先生而起者立奇功建偉業勳名竹帛俎豆湖山則王右軍不得專美于前而剡水剡山亦由茲生色矣趙氏勉乎哉余家金華北山之陰亦道書所謂第三十六洞天者愧不能與剡源爭勝讀是志輒增愧慙惟慨慕仙境不能去懷略書數言以誌景仰云示

鐵甲山樵六侯蔣彌謹跋

剡源鄉志序

古者閭師黨正各掌其條約教令考其德行道藝糾其過惡而勸戒之未聞有司職教之任者及考周制鄉有三老歲獻賢能然後知古之黨正卽一鄉之師率者也自秦漢分置郡縣田賦學校山川祀典名物風化所繫特設官以主之而所謂里老鄉賢相與維持政教於不敝者難數數覲矣壽銘承乏奉化之明年夏六月邑紳趙君醉仙挾所纂剡源鄉志二十四卷索爲序言弁諸簡首余雖踈陋安可以不文辭按鄉隸縣治西偏名曰剡源因近昔之剡縣也山海風氣之殊衣冠世族之盛徵諸舊制於奉爲最而趙紳以博聞強識之士慨邑乘年久失修懼文獻之湮滅仿宋張氏卽之元豐氏灼鄉志之作掇墜拾遺沿舊增新輯爲是編俾鄉之人士有所觀感其賢且能殆卽古時師率者歟然吾嘗聞江淹有云修史之難無出於志誠以志者大而天下萬國小而府縣一鄉疆域之沿革治亂之得失錢穀兵刑之增減典章法度之權宜以及農桑食貨風土民情關繫甚鉅非熟悉歷代掌故者不能爲也趙紳於

生長釣遊之地舉文物名蹟禮俗窮年兀兀考訂成書則亦老於典故者之有是舉也觀其例言若網在綱有條不紊其裨益世道人心夫豈獨爲一時計哉光緒壬寅季夏四品銜補用同知直隸州即補分府署理奉化縣事湘鄉沈壽銘撰



剡源鄉志例言

一 吾郡鄉志昉自鄞張禔察氏卽之桃源志豐茹菴氏灼三茅山志二志今不可得見吾邑向無鄉志往年吳可舟文江劉漁塘紹綜兩廣文創纂忠義鄉志孫玉仙司馬謂剡源多古蹟又多佳山水盍撰述而考證之遂勉從其言竊不自揣纂爲是編

一 鄞新志謂地志體例一統志省志宜簡府志宜詳縣志尤宜詳俞曲園先生序南潯鎮志亦云然則鄉志宜更詳於縣志矣故是編體例寧詳毋簡

一 奉化舊志浙江通志載自宋寶慶至清康熙凡十有一志今存者惟康熙乾隆二志且遺漏實多是編凡剡源掌故廣爲搜羅以類編入然自乾道四明圖經以至乾隆奉化縣志凡關涉剡源有舛誤者必訂正之

一 班氏漢書全襲史記之詞後人援其例者不勝枚舉緣事蹟非可憑虛而構非故襲舊文也衛正叔纂禮記集說有云他人著書惟恐不出於己某此書惟恐不出

於人是編所纂頗附竊比之列

一阮文達創國史儒林傳皆就各家紀述集句成篇仍分注所出於下彭尺木名臣儒行吏蹟述亦注明所據之本於篇末示非臆造也是編一遵阮彭之例分註所出其得之採訪者則注新纂二字若每條未注所出者亦皆本之採訪發凡於此後不復注

一志叙先正事蹟與史例不同史無論賢奸但有關繫者皆列之志則專主揚善故所錄皆粹然純詣惟附見之人其例稍寬

一人物列傳縣志強分名目頗蹈章實齋之譏茲從一統志按代爲傳惟寓賢仙釋各自爲類

一藝文上卷皆剡產所著書目按代爲次分注存佚於下中卷皆剡產所著文詩故曰內編下卷則皆非剡產所著文詩故曰外編

一寓賢著述周貞靖國難歸隱祝髮石蓮菴築瓢榭樹灣而身後返葬首邱羅臺山

避地西峯寺變姓名爲高朗作賓師於許岸三年後仍返故鄉二先生者人本寓賢故著述入之外編張武子自拱徙明康熙志云隱於大雷山乾隆志云其子孫今居高巖孫蓮峯挈女隱居許岸女適許岸張氏父亦館許岸張氏沒後又埋骨於許岸二先生者雖非剡產實與剡產無異故人列寓賢而著述則歸入內編

一網羅散佚本後死之責張武子雪窗集周文忠序之今其集不可得見而高巖許岸兩張譜有武子過清修嶺諸詩羅臺山尊聞居士集絕無關涉剡源之作而高巖許岸兩張譜有臺山所作壽序家傳各一首西隅樊譜有孫竹灣所作壽序家傳各一首亦竹灣遺稿所不載故皆一一編入藝文至孫蓮峯之著作百有餘卷本藏許岸張氏家乃歷年搜求竟不可得豈藏之非其所耶抑傳之非其人也無錫志稱著有白紵集其存亡亦不可得知今從各譜搜得詩數首悉編之以存古光片羽

一鄉志係一鄉之書本不應羈入己作然徐鼎臣同修太平廣記而全採其精神錄

蔣文肅書經傳說彙纂而全採其地理今釋是編遵用其例間登己作

一浙江水陸道里記所繪剡源水陸謬誤疊出其尤舛者巖頭之水繪出連山他如稱蹕駐曰宋村塔下曰曹村三石曰陳村何村趙村巖頭石門並曰毛村等類是蓋未見奉化縣志者是年測量新昌者爲嵛縣馮頌眉錫徵嘗言余初稿係實測實繪總局以不合格式駁之飭重測重繪蓋與四封計里圖線不能合楸故也不得已就其範圍而繪之大是違心之作夫一縣如此他縣可知是書余等之禘自既灌槩不之引

一記序詩歌有專屬者分隸各景以合比事屬詞之義故案代爲次一一編入然原稿實多遺漏其續行採得者悉入藝文因各景已先擺印無可更動也

一章實齋言志家之載選舉率以進士舉人貢生武選各分門類又以進士冠首而舉貢以次編於後於是一人之由貢獲舉而成進士者先見進士科年再搜鄉舉時代終篇而始明其入貢年甲焉於事爲倒置而文豈非復沓乎是編遵用其例

作選舉表宋以前無可考姑闕之宋元兩朝諸科爲一格進士爲一格前明則諸科爲一格貢生舉人進士府史四項各爲一格國朝貢生爲一格附以廩增次舉人爲一格因無進士故次武舉爲一格附以軍功次武進士爲一格

成之後故未入表

○按竺馨祥登進士在志

一是編序次山類以四明山爲主先後路次中路次前路水類以九曲溪爲主中路次前路次後路祠廟寺菴倣此氏族社會等以都圖爲次

一曾氏槩之序剡源八景全氏祖望之表剡源八傑其地其人不皆剡源蓋以剡源

二字槩奉化一縣也是編去取謹嚴不槩牽涉以爲光寵

一物產有爲各鄉所同者有爲吾剡所獨者茲就吾剡所有一一列之下不復注所出以徵引之書大抵相同也

一錄文昌祠說所以祛惑也錄甘藷諸說所以備荒也錄伐蛟說捕蝗記所以救害也識者諒之

一同治中見江西一優貢行卷履歷書香二十二世並無白丁可推海內第一家我剡累葉書香頗不多見故與重遊泮宮及五世同堂者輯爲一鄉佳話

一年前丁口祇採男口而未及女口今遵重修縣志條例又復逐村採訪將男女分

數及舉貢生監市民樂戶一一分別纂入

○按均以志成之年爲渠

一祠廟爲祀事所關寺菴爲古蹟所在故是編一一入之

一查閱各族譜牒凡節婦烈婦無論已未旌獎必核實守志年分並博採輿論毫無遺議者方敢錄入其有年未五十立志不二者姑俟續登

一 是編徵引圖志初見稱乾道四明圖經寶慶四明志延祐四明志至正四明續志成化四明郡志嘉靖寧波府志雍正寧波府志康熙奉化縣志乾隆奉化縣志再見卽稱乾道圖經寶慶志延祐志成化志嘉靖志雍正志康熙志乾隆志從省也他書倣此又宋元志註明卷數者恐有錯誤易於尋檢也

一 藉資考證之書俱借自孫玉仙司馬吳可舟江後邨兩廣文三君藏書頗多他山

之助惠我匪淺

一氏族有關乎世系故家喬木悉於是在而戶口爲保甲之要務亦不容略上年江後邨廣文屬戶口分士農工商名目此實非易士之子恆爲士農之子恆爲農工之子恆爲工商之子恆爲商此管子之政所以致富強者也今則不然卽如士族求一弓冶相承累葉書香之家已不多見譬如一家四子身業儒長子亦業儒次子業農三子業工四子業商將何法以註其戶籍今僅標儒幾戶生若童幾名所以表士族也自餘槩之曰農工商若干戶樂籍亦附焉

一地志之詳風俗權輿於周官職方氏發明於班史地理志然近出志書風俗一門頗同荆楚歲時記是編略載土風而詳言敝俗以資化民者毫末之助初稿多痛罵惡俗頗蹈毛西河善罵之習吳可舟廣文惠書相規因刪節太半焉

一漢儒詁經有讀如讀若之例是編間用其例以見我剡土音之別

一周禮大司徒而下職方司書司險之官俱以地圖周知險阻辨正名物故地志之

書莫重於圖宛溪顧氏謂圖以察其象書以昭其數左圖右書真學者事也余自慚不諳測繪因屬族姪文繼彷彿摹擬以成鄉境都圖二圖俾閱者得知我剡之形勢四明石窗係一郡之形勝去秋曾倩周君梅生用照相拍成而黑影模糊不可辨識亦屬文繼摹繪一圖附焉

一田地山蕩魚鱗冊已蕩焉無存非清丈不能得其實在確數雖莊書之冊可據以核算而我剡之田地有爲別鄉之產者別鄉之田地有爲我剡之產者中多膠葛斷難分析是編祇載官徵銀米之數於田地山蕩悉從蓋闕

一開方計里之法以核經緯之度數則可以核道路之里數則不可李申耆一統全圖張丹村揣籥小錄丁雲梧輿地經緯道里表雖極詳密而里至究多不合蓋度數但以直線推算而里數非實量不可也故是編所繪之圖雖列開方格式注明每方五里而於各門中仍注明距縣若干里距某村若干里

一嶧縣志於補遺一類皆分補於各卷之後此例頗善今遵用之



一黃南雷謂氏族之譜最不可信無論高門懸簿各有遺書大抵子孫粗讀書者爲之掇拾訛傳不知考究祇悟正史徒貽嗤笑我剡各族之譜殆有甚焉進士明經觸目皆是而史乘多所不載是編槩不之採以昭慎重

一編擺印紙墨經費皆蒙戚好慨助因援碑陰書名之例誌助主姓名於卷末

一編編次或有未當校讎尤未能詳訂謬校訛是所望於有道君子

一編經始於丙申孟春至己亥孟冬已三易稿嗣後歲有增入去年夏五邑侯湘鄉李公集士紳謀修縣志俾出稿本呈志局因屬新昌石美光新製三號聚珍板擺印七十部分貽同志并備纂修縣志者之採擇 壬寅五月趙霈濤識



齊齋圖

劉源鄉都  
圖分界圖

每方五里

都二十五 都二十五

五十二都  
四十七都  
粟都圖

都七十四 都二十五 都二十五 都二十五

都七十四 圖一都九十四 都二十五 都二十五

禽孝鄉界

圖一都九十四 圖一都九十四 圖二都九十四 圖二都九十四

圖三都九十四 圖三都九十四 圖二都九十四 圖二都九十四

圖三都九十四 圖三都九十四 圖二都九十四 圖二都九十四

圖三都九十四 圖三都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

圖一都一十五 圖二都九十四 圖二都九十四 圖二都九十四

連山鄉界

東

山書大

南

	界虞上	界姚餘	界縣鄆	界鄉寧禽	
	圖二都八十四	圖一都八十四	圖一都八十四	圖一都八十四	
嵯縣界	圖二都八十四	四七都一圖	四九都一圖	圖一都八十四	圖一都八十四
	圖二都八十四	都七十四	都七十四	圖一都九十四	都七十四
	圖二都八十四	都七十四	都七十四	圖一都九十四	圖一都九十四
西	都七十四	都七十四	四九都一圖	四九都三圖	圖一都九十四
	都七十四	都七十四	都十五	都十五	圖一都九十四
	都十五	都十五	都十五	都十五	圖一都十五
嵯縣界	五十都	都十五	都十五	都十五	圖一都十五
	都十五	都十五	都十五	都十五	圖一都十五
	界縣新	都十五	都十五	都十五	圖一都十五
		界鄉山連			

山陽

嵯縣界

西

嵯縣界

界縣新

界鄉山連

北

都

都

圖一

圖二

圖三


圖四

圖五

圖六

圖七

南



炎  
厥  
熙  
音  
圖

黎洲平阮共有二十三村一方中殊形接擠  
 故以黎洲平阮二村概之在界外者屬別鄉

東

每方五里









四卯后窳圖

石窗圖



丹山亦乃派子



剡源鄉志目錄

卷首

序 凡例 圖

卷一

都圖 里至 鎮市 坊表 風俗 義舉 義山附

卷二

山類 山 峯 巖 岡 嶂 灣 谷 巖 阨 洞 嶺 坡 隴

卷三

川類 川 溪 湖 堰 隄 塘 渚 池 龍 湫 井 橋 渡 水 碓 水 磨 附

卷四

氏族 戶口附

卷五

剡源鄉志 目錄

丹山 珠水 洞天

村景 旅亭 茶亭附

卷六

田賦 社倉 族塾

卷七

壇廟 宗祠 寺菴 舊寨

卷八

選舉表

卷九

人物傳 一唐徐浩 陳棠 五代陳殿中監 宋樊良忠

陳顯 弟顯 顏姪 恭 樊紱 曹粹中 劉濤 竺頌

樊康之 子邦道 曹忠 竺汝舟 子大任 孫鏞 陳伸 弟侗

竺大年 曹孝元 子說 陳德剛 弟德毅 唐敬 單欽

樊邦獲 董天麟 董斗祥 張鋈 曹說 馬之驥

樊伯馮 陳著 單庚金 陳觀 陳茵 張光遇

張先遇 戴廷節 戴方戴實與 汪灝新補 孫壽新補

卷十

人物傳二元戴表元 竺稷 陳深弟沈洵 陳泌 陳漢

陳成 董筆潭 石明三 毛良孫 陳樸 陳子輩

徐本原

明陳 經從子瑜 毛于廷 單復亨 王汝賢新補

樓穆中徐瑾戴汝舟 陳元則 曹習古 陳德成 康助繆康松 陳純來

吳奎明

卷十一

人物傳三清 毛會掌 單九翔 毛會吉 毛岳靈 毛遠棖

樊景瑞

唐文獻

弟文煥

唐禪

王世聯

陳守法

陳守濬

毛階六

單禮則

趙青照

子舜年

竺陳簡

子昌阜

毛玉佩

宋聲漢

新補

陳世葵

附孫璉陳士興等

毛榮濬

毛謙榆

弟謙杉

毛裕足

樊忠銓

附單思忠等

趙智大

附康炳才等

盧示孝

陳傳基

何文光

張立泚

何景黍

張立洪

卷十二

耆老

封陰

一鄉佳話

卷十三

列女傳一

宋至明

清至咸豐朝

卷十四

列女傳二

清同光朝

卷十五



寓賢傳 晉王羲之 南齊孔 祐 唐謝遺塵 王蜀許 寂

宋張良臣 舒 津 舒岳祥 劉莊孫 元黃正孫 戴 良

明全 整 周立本 王 翊 周志寧 李國標 舒坤翁

宗 誼 周元初 陸宇燦 萬 泰 邵以貫 王玉書

周齊曾 張廷賓新補汪 偉 清羅有高 孫廷鎬

仙釋傳 道士附

漢梅 福 吳劉 剛 晉孫 綽 唐某道士 章全素

宋太白禪師 自能 普濟 雪溪 德 麟 雪 航

陳十二 知 和 元東 玉 正 思 明道 嚴 超 觀

清奇 僧

卷十六

藝文上 書目

卷十七

藝文中一 內編文

卷十八

藝文中二 內編詩

卷十九

藝文下 外編

卷二十

古蹟

卷二十一

第宅

卷二十二

石刻 冢墓

卷二十三

物産

卷二十四

大事記

祥異

助銀姓氏

補遺

利源郡志

目錄

四

丹山赤水洞天

長男文衡校字

欽定四庫全書

目錄

刻曲草堂印行

剡源鄉志卷一

奉化趙霈濤 醉仙甫纂

里至

西至紹興府嵊縣界一百里以陸照嶺為界自界首至嵊縣一百四十里寶慶四明志十四〇

延祐四明志一府作路餘同

案嵊縣界是唐興嶺非陸照嶺陸照嶺是新昌界非嵊縣界康熙奉化縣志西至嵊縣剡嶺界一百里今有剡界嶺而無剡嶺剡界嶺仍是新昌界

西北至紹興府嵊縣界一百二十里以箬阮嶺為界自界首至嵊縣一百三十里寶慶

志十四〇延祐志一府作路餘同

案康熙乾隆二縣志嶺條作箬嶺脫一阮字查嵊縣村落有箬阮此處有嶺去剡源不遠想或是也

東至奉化縣一百四十里界陸照嶺高似孫錄

由縣治至剡源鄉公塘四十里至高畧五十里至小晦六十里至大晦六十五里至董村七十里至梨洲一百里至西晦溪一百里至康家五十里至三石六十里至

六詔八十里至雲南村九十里

康熙奉化縣志同  
乾隆奉化縣志同

案縣志里至有雲南村古蹟亦詳雲南村鄉都又別列雲門村疑門為南之訛惟遍閱各族譜牒並無言及雲南村者黃梨洲先生四明山志雲南里奉化四十八都剡源管嵩溪里非雲南里四十八都為今俞村董村棲霞院西晦溪北溪梨洲諸村其云雲南里四十八都未知所據或以九題之雲南當之據陳本堂先生集雲南指董村然里至既有董村不應一村而有二名且與九十里亦不合以九十里計之疑是石門

西晦溪以  
下之石門

今石門屬嵊縣不屬奉化豈地名隨時變更而康熙乾隆兩次重修時剡源無人採訪故沿訛而不改與

沙隄

接禽  
孝鄉

距縣城四十里徐家步

俗作  
埠

頭四十三里公塘四十五里後董四十七

里康嶺五十里茅渚五十四里西隅五十五里三石六十里塔下六十二里寺前

六十四里柳院六十五里下蹕駐七十里上蹕駐七十二里六詔八十里上六詔

八十二里麻廠八十三里晚響嶺八十五里水碓頭九十里剡界嶺新昌縣界一百里

○案寶慶志以陸照嶺為界是今之剡界嶺即古陸照嶺也牌門頭七十三里西畧八十里黃沙院八十五里

石橋頭八十七里應家山九十里大阮九十里磨石嶺新昌縣界九十五里以上中路

斑溪距縣城五十二里董家畧五十三里許家岸五十五里楊家地六十三里榆林

六十五里樟墅六十六里楊墅七十里石門六十里由長嶺而出菱湖嶺接連山鄉七十五

里巖頭六十五里界嶺接連山鄉八十里寒風嶺八十五里鐵山八十里豬頭嶺八十

里接連山鄉以上前路

高畧距縣城五十里亭下五十五里西山頭六十里馬村六十里環潭六十五里白

壁七十里大晦嶺六十五里毛家灘七十里斑竹園七十二里住嶺下七十五里

沈家巖八十里開清寺八十五里細院一百里俞村六十里畧底六十二里董村

六十五里巖院七十里棲霞院八十里篁竹八十里西海溪九十五里應家山接連

縣界 一百里北溪接鄞縣界 九十里梨洲 一百里平阮嵊縣界 一百十里以上後路

北至府治陸路一百二十里從五曲三石適中之地計算 水路一百三十五里

西北至省城水路六百四十里陸路四百里過北溪過大橫山過小橫山登羊額嶺過兩備過上虞城渡曹娥江二百里乘

船至西興一百八十里渡錢塘江至巡撫衙門二十里共四百里

東界連山鄉許家山南界新昌縣下蔡巖西界嵊縣湖潭北界禽孝鄉上山東南界

連山鄉徐馬站西南界新昌縣張家又東北界禽孝鄉新建西北界鄞縣杖錫餘

姚大俞上虞羊額嶺

東西相距八十里南北相距五十五里周二百一十里

都圖

唐貞元間為鄉一十有九宋景德三年始併為八鄉乾道四明圖經三 剡源其一也

案寶慶志剡源居第六鄉延祐至正二志剡源居第八鄉以後志書仍之

剡源鄉縣西管里一村四 嵩溪里 三石村 小晦村 陸照村 公塘村寶慶志十



案寶慶之前蹕駐有陳殿中監沙隄有樊監察御史良忠康嶺有康孝子彥中高譽有張僉判欽董村有竺耕道兄弟雖斑溪榆林石門西晦溪董聲仲陳養直毛儀卿單君範諸人未出而其祖若父皆世居此何以寶慶志僅載三石等四村耶是時主修者胡尙書仲方廬陵人作者方教授萬里羅參軍璿亦廬陵人其他編類文字者十一人或鄞人或慈谿人或不詳里貫均在郡城纂修我奉無一人預其事者亦何怪其簡略也

四十七都 延祐志八

一圖領二十五村

- 亭下 ○ 岡朗山 ○ 大船 ○ 倪家山 ○ 張家石操 ○ 烏龜石 ○ 莫家
- 灣 ○ 麻廠 ○ 弄底 ○ 松門嶺脚 ○ 毛家灘 ○ 茶溪 ○ 斑竹園 ○ 住
- 嶺下 ○ 沈家巖 ○ 石柱廠 ○ 開清寺 ○ 雞毛丸 ○ 作泉院 ○
- 蕩部魚山 ○ 大豬槽 ○ 滌水巖 ○ 韭菜坪 ○ 陳院 ○ 細院 ○

四十八都 延祐志八

一圖領一十三村

- 俞村 ○ 董村 ○ 姚家 ○ 大巖下 ○ 巖下山 ○ 劉家田 ○ 擦樹岡 ○
- 小麥地 ○ 三折嶺脚 ○ 龍潭院 ○ 冰水孔 ○ 三十六灣 ○ 棲霞院 ○

到原郡志 卷一 都圖 三 丹山赤水洞天

案唐田屬唵縣因田產寄籍於剡源故昔有跨考奉化籍者

二圖領二十九村

篁竹○西海溪○應下山○大繞○北溪○茶焙○梨洲○寺前  
大巖○溪下○巖下○蓮花○靈溪○暇孔○蜈蚣塗○大  
茅巖○平坑○陽溝○跳丸○前甌○下慈坑○大巖下○  
板坑○龍巖岡○後湖○湖裏○前路山○油竹坪○大樹秧

案唵縣之石門雖剡源多寄籍之產曾無一人冒考者

四十九都

延祐志八

一圖領十一村

康嶺○西隅○田廠○馬村○西山頭○環潭  
白壁○大晦嶺○龍華寺○單家○巖甌

二圖領一十六村

茅渚○斑溪○董家巖○塘腦○深甌○許家岸○溪西  
西巖○大灣○楊家地○黃麻塢○榆林○中華巖○樟墅○楊

蟹  
鉗地

三圖領五村

下汪○三石○塔下  
倪家巖○寺前

案族內藏有四十九都一圖清丈魚鱗冊殘本並無年分其業主姓名俱四十九都三圖三石塔下二村人今四十九都一圖在四十九都三圖之下不知何時改隸三圖無從稽考

五十都

延祐志八

一圖領四十五村

樹阮 ○ 竺家巖 ○ 俞家巖 ○ 曹家地 ○ 下蹕駐 ○ 藥師巖 ○ 茅塢 ○ 龍塢 ○ 上柿  
 前巖 ○ 曹塢巖 ○ 水碓頭 ○ 大巖坪 ○ 塘阮 ○ 長灣 ○ 木杓頭 ○ 白巖 ○ 晚響嶺 ○ 上  
 六詔 ○ 高塘 ○ 楓樹灣 ○ 應家山 ○ 茅洋頭 ○ 清水田 ○ 大阮 ○ 石橋頭  
 小阮 ○ 撓阮 ○ 小沙阮 ○ 西巖 ○ 黃沙 ○ 雪阮 ○ 石橋頭  
 南塢阮 ○ 楓樹灣 ○ 應家山 ○ 茅洋頭 ○ 清水田 ○ 大阮 ○ 石橋頭

案高塘接嶺縣界剡界嶺半屬新昌

五十一都

延祐志八

一圖領二十三村

巖頭 ○ 茅阮 ○ 許家堰 ○ 東阮 ○ 白泥阮 ○ 茅坪 ○ 下風壘 ○ 上  
 風壘 ○ 董家坪 ○ 塔裏阮 ○ 界嶺 ○ 寒風嶺 ○ 白石 ○ 大巖 ○ 大  
 邱田 ○ 大水阮 ○ 鐵山 ○ 油茅巖 ○ 下阮 ○ 桃  
 灣 ○ 田雞山 ○ 馬鑾巖 ○ 豬頭嶺 ○ 坵謝界山

案謝界山地屬連山因居人俱從巖頭遷彼故戶籍遂入剡源焉

二圖領一十一村

石門 ○ 篋竹田 ○ 水塘灣 ○ 扁擔嶺 ○ 竹坪 ○ 孫家山 ○ 田  
 灣 ○ 高阮 ○ 深羅阮 ○ 石嶺 ○ 大阮 ○ 坵長隴頭 ○ 張家阮

案長隴頭張家阮二村地屬連山因居人俱從石門遷彼故戶籍遂入剡源焉

五十二都

延祐志八

一圖領十村

沙隄○入山亭○後董○徐家步頭○公塘○小千  
巖○爛船灣○高鼻○徐島○直隄○塍董家橋

案剡源中路之康嶺西隅宜隸四十九都三圖今隸一圖與馬村等處相去十

餘里與巖院相去二十餘里且中有五十二都之高巖四十七都之亭下相錯

徵賦役者稱難焉後之造冊籍者其更正之

剡源鄉

縣西 舊剡源隱遊石門三鄉帶管一日嵩溪管都六  
村 西海溪 三石 六詔 榆林 公塘 高巖 沙隄 大小海村 雲門  
今編一十里 四十七都圖一 四十八都圖二 四十九都圖三  
五十都圖一 五十一都圖二 五十二都圖一 ○康乾二志

元明增置方隅折爲一百四十九里里各以百十戶爲十年圖年推一人爲長領甲

首十戶不足者爲帶管琦零每十年更造冊籍五年審察丁糧上下以爲正差雜

差我朝順治十年爲均里法里各以三千五百畝爲率地無盈縮役無偏枯康熙

元年遣界後編里一百二十九里

康乾二志

鎮市

公塘鎮

縣西北三十里

寶慶志十五

唐文德元年置

寶慶志十四

案剡源直縣之正西當作縣西四十五里

公堂市 嘉靖志引永樂志 康乾二志 久廢

康嶺街 距縣五十里

康嶺廿六市 每歲十二月二十六日四方貿易者咸集於此

亭下街 距縣五十五里

亭下三市 縣西南五十里即晦亭 乾隆志 每月初三十三二十三為市日

案當作縣西五十五里

坊表

雲錦坊 縣西七十里為舉人宋璧立 雍正志

案康乾二志作縣北三里壁為董村人其先世遷自北山則建坊於縣北亦未

可知今北山所存石柱十餘處莫可識認若董村并石柱亦無之矣

又案嘉靖志雲錦坊縣北三里為舉人宋暄立無宋璧之坊名康乾二志躍龍

坊爲宋暄立雲錦坊爲宋璧立兩兩載之嘉靖志移宋暄於雲錦之下誤記宋璧爲宋暄遂錯認躍龍爲雲錦與

長春勝槩坊 在下蹕駐接引橋側

案現存石柱二兩旁小字漫滅不可讀不知爲何人而立

壽婦坊 爲三石趙有積之妻黃氏立乾隆三十六年奉敕建坊并給貞壽之門匾

額參乾隆志詳見列女傳

案當時無力建坊其子孫亦因循不果

節孝坊 董村在邑廩生竺苞之妻陳氏立

風俗

其穀宜稻周禮職方氏

信鬼神好淫祀乾道經一圖

案此條圖經引隋書地理志

右山左海土狹人稠日以開闢爲事凡山巔水湄有可耕者累石塹土高尋丈而延

袤數百尺不以爲勞寶慶志十四

詩禮曹鄭之詒延祐志引王深寧四明七

孝讓之風藹然爲鄉族望戴表元題獎

敦厚愷悌之澤今復未艾袁桷跋竺氏藏舒沈二先生書

有山可樵有水可漁有宅可以桑麻有田可以稼穡有圃可以筍茹其出者皆有廉

謹之名處者皆有節義禮讓之行戴良剡源九曲園記

### 恭錄聖訓

雍正七 years 上諭游惰之民自昔治天下者之所深惡若好爲賭博之人又不止於游惰而已荒棄本業蕩廢家資品行日卽於卑汚心術日趨於貪詐父習之則無以訓其子主習之則無以制其奴鬪毆由此而生爭訟由此而起盜賊由此而多匪類由此而聚其爲人心風俗之害誠不可以悉數也大凡爲不善之事者雖千犯

公令猶可得微利於一時而獨至賭博則今日之所得明日未必能保若合一年數月而計之勝者與負者同歸於盡此天下之人所共知者而無如邪僻之人一入其中卽迷而不悟且甘爲下賤而不辭亦大可悲矣數年以來屢次降旨嚴禁而此風尙未止息者則以製造賭具之尙有其人而有司之禁約未曾盡力也百工技巧之事可以獲利營生者何事不可爲而乃違條犯法製此壞風俗惑人心之具其罪尙可言乎嘗思賭博之風所以盛行父兄爲之子弟在旁見而倣之家主爲之奴僕在旁見而倣之甚至婦人女子亦沈溺其中而不以爲怪總因習此者多故從風而靡者衆也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司均有化民成俗之責而乃悠悠忽忽視爲泛常安辭溺職之咎今特定本地方官員勸懲之法以清其源嗣後拿獲賭博必窮究賭具之所由來其製造賭具之家果審明確有證據出於某縣將該縣知縣照溺職例革職知府革職留任督撫司



道等官各降一級留任如本地有私造賭具之家而該縣能緝拏懲治者知縣著加二級知府著加一級督撫司道等官紀錄二次將此勸懲之法永著爲例於雍正庚戌年爲始著該督撫通行曉諭咸使聞知特諭

雍正十三年上諭朕聞外省百姓有生計稍裕之家每遇喪葬之事多務虛文侈靡過費其甚者至於召集親朋鄰族開筵劇飲謂之鬧喪且有於停喪處所連日演戲而舉殯之時又復在途扮演雜劇戲具者從來事親之道生事死祭皆必以禮得爲而不爲與不得爲而爲之者均爲非孝是知各循其分乃能各盡其孝而初不在以奢靡相尚也况當哀痛迫切之時而顧聚集親朋飲酒演劇相習成風恬不知怪非惟於理不合抑亦於情何忍此甚有關於風俗人心不可不嚴行禁止著各省督撫等通行明切曉諭嗣後民間遇有喪葬之事不許仍習陋風聚飲演劇以及扮演雜劇等類違者按律究處務在實力奉行毋得姑爲寬縱特諭上諭朕聞吉凶異道不得相干故娶在三年之外而聘在三年之內者春秋皆以爲

非禮記稱大功之末可以冠子可以嫁子父小功之末可以娶婦己雖小功既卒哭可以冠娶妻三年之喪創深痛鉅苟有人心者必宜於此焉變矣乃愚民不知禮教起於阜隸編氓之家有慮服喪之後不得嫁娶乘父母疾篤及殯殮未終而成婚者其後商賈中家多有之士大夫亦間爲之而八旂效之朕實憫焉自今伊始自齒朝之士下逮門內有生監者三年之喪未終喪不得嫁娶違者奪爵褫服其極貧阜隸編氓父母臥疾呻吟牀褥必賴子婦以供薪水治饗餐者聽其迎娶盥饋俟疾餘喪畢而後成婚古者禮不下庶人其斯之類與曾子問親迎女在途而壻之父母死女改服布深衣縞總以趨喪亦此義也其商賈中家不以士大夫禮繩之然人性皆善朕知其必有觀感興起而不忍自同於氓隸者矣特諭

凡喪三年者百日薙髮在喪不飲酒不食肉不處內不入宮門不與吉事期之喪二月薙髮在喪不婚嫁九月五月者踰月薙髮三月者踰旬薙髮在喪均不與燕樂

大清  
會典

夏禮谷曰聞之昏禮不用樂幽陰之義也昏禮不賀人之序也今則置酒高會而澆弛無行之徒沈湎喧呶甚且以媒嬾之詞相軋以爲笑樂此又俗尙之偷有力者宜亟挽之也

徐健菴曰親死不葬此人子莫大之罪况律有明禁而世人往往犯之何哉以爲無其財耶則斂手足形還葬無槨固聖人之所許也以爲無其地耶則暴棺於中野而風水是求又君子之所不爲也且爲士大夫者於一身之居處服食無不窮其財力以爲之獨父母之遺骸反不獲一抔之土而掩蔽焉卽旁觀者尙且爲之歛歎太息而彼乃安焉不顧何人心之漸滅一至於斯也然則欲振救此弊者將何術而可曰有國典在一舉律文以治之彼人之不畏禮義者獨不畏刑罰乎其或仕宦之家有司不敢行法則必依周廣順之詔書親喪未葬已仕者不許榮進未仕者不許應舉且必於保狀內明書依禮葬畢方許服官赴試而所司失於覺察者並罪則凡欲求利達者無不圖速葬其親而停柩不葬之風庶幾可以少挽卽

先儒邱文莊之議亦然昭代之章程前王之法制昭昭具在何不可舉而行之哉案今福建舉人貢生等服滿縣報府府報布政司布政司申呈禮部並據本生鄰里給狀稱二十七月限內已經安葬并取地師墳丁土工結狀一并申報如無結狀不准赴試余在禮部見之嘆其風俗近古是考亭教思未墜然是篤終之禮豈可獨使閩士無憾宜推行於諸布政使司一體飭遵者也

陳文恭公風俗條約曰宴會所以合歡飲食止期適口何乃爭誇貴重羣尙希奇山珍海錯之中又講配合烹調之法排設多品一席費至數金小小宴集卽耗中人終歲之資逞欲片時果腹有限徒博豪侈之名重造暴殄之孽前撫軍徐公曾與同官紳士有五簋之約爲民倡率本部院秉臬時曾與其會一時漸有遵從近復誇多如故嗣後正事張筵不得過八菜費不得過一金親朋小集仍以五簋爲度約豐儉之宜留不盡之福物薄而情自厚費省而禮可勤亦何苦而不爲也

張清恪公飭禁昏禮華奢示曰入門之後設酒動十餘席糜費已極合昏之夕親戚

朋友夥飲徹宵擁衆入房披帷帳搜枕衾名曰鬧房藝狎瀆亂傷風敗俗此其甚也嗣今嫁女椅卓不過數張被褥全具衣服一箱過此定拏其父母以違制論并著地方保長糾察鬧房之人子衿移學戒飭小民發府縣懲治嗚呼張公此言誠整飭風俗之要務也

張考夫曰家堂香火之神名義安在至於天地君親師者以爲民生所重則有之矣而立一主以祀之則無義矣以天地爲上帝后土則郊壇之祭天子而下莫敢舉也若非上帝后土豈別有一天地爲民間通祀之者至於君謂先君乎則九廟奉之矣以爲非先君乎則皇帝方臨御矣安得而神之也親則祠堂既立四世主矣又總名曰親果何親也先聖先師則自國學各府州縣之學以及書院莫不崇祀不應家以瀆之若所受業師則固有子孫以時享况乎薄俗人心今日師弟明日路人當其生前久矣不復胸臆而謂身歿之後猶置念思有之乎尋繹斯言凡有天地君親師之主者急宜撤而去之當遵朱子到地爲始祖之說以始遷祖之主

居中亦不及遠追始祖之所自出則心安而理得矣

曾文正公曰兄妹之子女猶然骨肉古者婚姻之道所以厚別也故同姓不婚中表爲婚此俗禮之大失譬如嫁女而號泣奠禮而三獻喪事而用樂我輩不可不辨剡源向乏水患亦無劫案自嘉慶初閩台柵民相率來剡種靛青種苞蘆日闢日廣如牛山之濯濯水無所蓄迨末年大雨連旬山水驟注於溪溪不能容遂漂沒田疇無算自茲以還或五六年或三四年或連年水必一發焉漸至溪高於田田中多沙墩者寔由於此卽泉口以至徐家渡江中多沙石者亦由於此此年仙居黃巖無業貧民偕來工作寓居山廠一不得食搶劫之案層見疊出官府畏處分令其改搶爲竊差役能魚肉善良不能緝捕盜犯甚至殺人越貨逃遁而莫可緝獲大抵在唐田左溪阮一帶居多雖保甲門牌屢次舉行然而有治法無治人奚足恃乎

禮內則女子十有五年而笄二十而嫁方氏謂經亦舉其大略王氏謂二十而不嫁

則非禮素問岐伯曰女子二七而天癸至任脈通太衝脈盛月事以時下故有子

則非禮素問岐伯曰女子二七而天癸至任脈通太衝脈盛月事以時下故有子然則自十五至二十俱可嫁之年今貧家之女無慮其不早嫁而富者往往遲至廿五六歲而後嫁其中如邳子之女泉邱人之女者不可勝道揆厥所由其故有二一由於擇壻夫佳兒佳婿命實主之我非淑女而但求吉士人其許我乎況今之所謂擇壻者不過粥家許飯家之說徒擇其家之豐儉非擇其壻之賢否也一由於懼內婦人拗執成性以爲男子之婚父主之女子之嫁母主之遲遲擇配或嫌其姒娣之多或評其姑嫜之惡其父則夫綱不振一任婦人之主持又喜聽術士東四命西四命之說相去已差四歲男家更擇大利小利之年於是女之年已廿五六矣婚姻失時無怪乎其行露而懷春也

孔子曰必也正名乎名不正則言不順是孔子之正名首重父子矣古人呼父曰爹曰爺曰翁曰八八曰巴巴曰郎罷曰罷罷皆因南北語言之不同以致聲音之或異總之皆父也剡源有呼父曰叔叔曰大叔曰阿叔者其始不知倡自何人想其

子初生之時術士妄言禍福以爲命中子嗣難招非出繼與人難免受尅而爲父母者深恐苗而不秀俟能言卽以叔叔大叔阿叔教之父也而叔之將叔也而父之乎夫乾吾父也若改曰乾吾叔也其可乎經傳父母並稱若改曰叔母其可乎一推論之皆窒礙而不通農愚或沿陋俗之稱讀書明理之家亦尤而效之殊可怪也

周禮禁遷葬者與嫁殤者鄭注謂生時者夫婦死旣葬遷之使相從也殤十九以下未嫁而死者生不以禮相接死而合之是亂天倫者也欽定禮記義疏案曹操幼子倉舒卒邴原有女早亡操欲求與倉舒合葬原曰嫁殤非禮也乃止據此則嫁殤與遷葬俱是生非夫婦而死合之者今我剡多冥配之俗而不學者流動援倉舒事以自解豈知曹操雖嘗求之邴原未嘗許之乎安得知禮君子起而正之同母異父之兄弟姊妹相爲婚姻律以姦論而我剡實不乏其人昔年巖頭毛氏修譜總裁爲彼族諸生毛其炳概不收入可謂巖而正矣各村宜則效之



儀禮虞浴不櫛沐今本有沐字是虞始可以浴則未虞之時浴且不可違忍櫛沐今一遇親

喪卽薙其髮試問櫛乎不櫛沐乎不沐百日薙髮載在會典今沿二氏之說以四

十九日爲斷何耶其他應鄉試而辦降服廩生服未闕而出保者抑又何耶

剡源近今講箒之風盛行以一人念呪一人爲箒身昏仆半晌起而言之咸豐時無是事也農愚素不信醫

一旦身或妻子疾病遂以吉凶方藥問之於神神豈能憑人身而爲之言哉殆爲

箒身者假言以誑人耳此與講肚仙同治初邑侯鄭公錫濂斥爲講鬼話答責三百管押兩月何以異哉

陳本堂先生集中有公棠溪次待舅氏竺九成舟偶成詩知宋季公棠猶可行舟此

寶慶志公塘鎮所由來也今舟已難行僅通竹簰皆因開山種作以致水道壅塞

舟楫不通然其始不可究詰想必在元明之間矣

義舉

保嬰會 同治初鄞人楊懋棠助洋銀一百圓以爲之倡塔下諸生曹巨川濟向各

村募捐得錢五百一十千田一十二畝上海募捐得洋銀五百八圓半存放生息

凡生女赤貧之家報明各村首事由散董先給養費錢一千兩月後再給二千以作津貼童養媳之費嗣因給發衆多經費不繼裁其津貼之費局設於淨慈寺歲以二月望日集高巖康嶺西隅三石塔下桐阮上下蹕駐六詔晚響嶺水碓頭剡界嶺黃沙阮大院各村諸董算帳一結寺外建保嬰亭一間立碑二越十餘年存錢者無力歸償經費愈形拮据霈濤曾助田四分緣昔年趙姓向董事領錢東推西諉不得已將田收歸推與月邊橋衆承管以後趙姓應給發者亦向是衆領之此中路保嬰會之顛末也

俞村保嬰會 光緒初俞大隆立購田一畝山二畝收花存放生息凡俞氏生女貧不能育者每口給錢二千

塔下保嬰會 曹景岡文逸光緒二十二年仲冬助田一坵坐落下汪畝土名下螞蝗量計二畝五分整又一坵坐落三石隔溪畝土名癩頭山脚量計五分整共三畝交廉正董事收花存放生息凡塔下生女貧不能育者每口給錢二千

存善局 光緒九年巖頭武生毛坤木與毛小春毛信愷毛宏照毛德清毛奎生毛嘉賢捐資施棺歲約十餘具至二十五年建樓屋三間兩術樓上爲義學樓下爲局中公所又建平屋三間一披前有涼亭

義山附

墳山灣山十畝董村竺氏上宅派置

長男文衡校字

炎源集

刻曲草堂印行

剡源鄉志卷二

奉化趙霈濤 醉仙甫纂

山類

四明山

今名鑊鑿山

新纂

縣西一百五里

康熙志

高一萬二千丈

嘉靖志

四十二引洞  
天福地記 ○案 縣

志作高萬八千丈

千岡萬崖巍與天敵

刻錄

四面各產異木而皆不雜又山頂有池池中有

三層石臺石樓一名石柱云是四明山纜風處

福四山記

綿互明越台三郡之境周回八百里二百八十峯峯峯相

乾道圖

東接句章西連舜窟南嗣

天台北包翠碣

福四山記

次上擬於莽蒼中頂五峯狀如蓮花疑近星斗

辰之光故曰四明

志成化

由鄞小溪以上為東四明由餘姚而上為西四明由奉化

寶慶志

雪竇以入者則謂之四明山

西南有五朵峯狀如芙蓉峯相望各去六里中為四明山心五朵峯東一峯高六

延祐志

里周十里峯南一巖高一丈深七尺中有石穴通泉流於梨洲穴生甘草又多古

里周十里峯南一巖高一丈深七尺中有石穴通泉流於梨洲穴生甘草又多古

延祐志

雪竇以入者則謂之四明山

雪竇以入者則謂之四明山

延祐志

即仙家第九洞天第五十七福地

即仙家第九洞天第五十七福地

康熙志

里周十里峯南一巖高一丈深七尺中有石穴通泉流於梨洲穴生甘草又多古

杉柏瑞雲西一峯高四里南有石室下有石枰相傳劉阮居之南一峯高二里有石壁壁出數穴生石乳北一峯高四里峯頂有天井雲氣吐吞

嘉靖志

其山頂極平正山南聳七十峯狀如驅羊其峯蹲者曰蹲羊水源十丈有神蛇居之吐靈氣如樓閣可禱雨山足一澗南出一百二十里水歸鄞江

嘉靖志

案以上二條多屬剡源故另錄之

又案康熙志綿互本郡之奉慈鄞紹興之姚虞新嶸台州之天台其云天台者此山發脈自天台也乾隆志改天台爲寧海寧海去四明山一百七十餘里似乎牽涉太遠

又案黃梨洲謂後割天台而別爲四明則四明之周回亦止一百八十里然祇就四明主山而論約不及百里若合計四明之支山則不止一百八十里也

又案康熙志周回八百餘里有七十二峯是指四明山之南面而言但提綱旣曰四明山自當就山之全體言之不得僅據一面以立說也宜從寶慶志二百

八十峯爲正

又案徧詢梨洲北溪居民無專名一山爲四明山者查遠近二三十里以鑊鑿山爲最高東屬餘姚南屬奉之剡源西屬嵊縣北屬上虞天晴望之可見曹娥江石窗卽在是山西南之腰覆厄山次之北屬上虞南屬嵊縣相量岡半屬鄞縣半屬奉之禽孝又次之是鑊鑿山正四明之主山也嘉靖志言其山頂極平正恰與鑊鑿之命名相似擬將登臨絕頂攜羅盤以正其所屬之方向也

明沈明臣四明山遊記略土人前道者砮荆棘取徑南入二三里許山俯而復昂崖窮壁立蓋幾千仞下視潭水黑隴廐不取窺窺輒眩厂稍西南向者亦骨立水滴垂腰穴而岫者四即石窗也號稱四明者無徑路隨道者縱橫下上援竹樹匍匐至厂下石礮稍峻陀凸受手縮回納趾蹠橫上十步達岫口是時日正亭午光不中入中岫稍深丈闊如之中臥石爲兩岫乃俯首入躬曲不伸出厂口伸右岫僅容臥一二人者左岫容三四人臥石五色錯仰視老經狀亂石珠綴大者鼓如中者斗如小者丸如細者粒如中岫石一鼓如而平者題曰懸鼓厂口石一磐如而折者題曰垂磐中臥者題曰片雲厂口平立如壁者而不下盡題名及歲月右岫半壁陷者尺題曰藏書處余擬著一家言寫副本託是以藏之第恐山靈不我呵護矣字皆汪生手書分篆楷行草具惟懸鼓仰書滴石乳竹墨澹云下視溪壑雖斗絕淫鬻然石藜藜草樹以故不甚怖愕第力罷少啖果餌氣稍充志所稱青巖子鞠侯俱尋不獲靴侯猴也見人或深匿此士人雖老死亦無識青巖

子者鹿亭樊榭亦不可尋又云樊榭即白水宮蓋在西四明志稱二百八十峯  
 四面各生一木東生梓西生松南生杉北生檉今亦無所辨莽榛榛蒼翠雜植  
 無不有也無慮二百八十峯也為巒為嶂為潭為淵為崎為崖為坻為陵為阜為窪  
 嶠為嶺為壑為壑為壑為壑為壑為壑為壑為壑為壑為壑為壑為壑為壑為壑為壑  
 為壑為壑為壑為壑為壑為壑為壑為壑為壑為壑為壑為壑為壑為壑為壑為壑  
 之望斗絕懸者峇拔高者嶙峋而節級者崎嶇深遠者巖壁中止者戴立而崔嵬者  
 屢巖岬者下修上銳者上蓋下哆者首昂足斂者身縮手足舒者腰細而股大者  
 稜層而峭削者端委而尊嚴者奔騰而去不留者怒發中止者戴立而崔嵬者  
 石而岬者土石半者多草木而岬者無草木而童者蒼壁者赤而復者黃白而上  
 下截者紫翠左右坳者曠而屬蜀而獨者上正章者宛中隆者卑而大扈小衆歸者  
 岌者垣者堂者室者盛而防者墮而困者重巖而隙者厝而漂疾者淳澗淵墨者澎  
 澄而紆譎者鎗鋸澗澗者噴灑泄者滂瀌沸者汨瀾而漂疾者淳澗淵墨者澎  
 旬盪者盤紆下尺瀑垂半壁忽內陷窮復突削廉故瀑濺作烟霧狀飛灑殊一曰  
 徐無巖陡下三尺瀑垂半壁忽內陷窮復突削廉故瀑濺作烟霧狀飛灑殊一曰  
 若白日走怒雷三面壁匣句廉側窺而頭目眩暈堞警神悸矣強起策而臨廁風  
 倒激珠雨射霏霏溼人衣帽思從陔中仰視四山環阻谷口南入三十里回遠矣  
 躊躇而去十里復得一隱潭潭視徐冕巖三面亦壁匣小較徐冕四之一級石  
 而山下視殊快心目云下復有二潭潭俱龍伏稱靈焉石鬻人足不能去又十  
 里而為雪竇山曠然四豁紆紆城也闕其南闕外青峯屹起若芙蓉撲翠是為小  
 晦山千丈巖瀑亦視徐冕巖而下深過之半石忽作盤仰承瀑至盤碎擊而玉  
 屑飛聲吼空谷不雨而雷日光蕩射恍恍電上有飛雪亭瞰崖之阻故太守雲間  
 沈公作遊記作詩碑焉風厲不可亭亭碑亦仆由亭西上為妙高峯臺如峯名今  
 毀有平地昔僧院云僧有道術虎伏求食嘗結藤龕棲其中陰晴互異色幻變  
 盡處壁削奇峭望之巖巖也四面諸山欽嶽險塞交錯如繡時陰晴互異色幻變



賦妙且高矣南望為大小晦近丹崖青壁信當界之仙都記有寺為萃  
 為桃花俱不及尋從妙高遠由瀑上而東兩山坳中亭碑宋理宗應夢名山御書  
 入寺路由此山南轉下白泥岡下陘中臥對瀑布勝益奇視隱潭宏而肆哉潭  
 受瀑黜然沈沈廣可畝餘水滄芙蓉生又曰生雷公藤白泥岡土獨聖餘士丹  
 清黃宗義四明山九題於是願四明非九題所得盡而尋九題者又往往不  
 明名勝者莫不淵源於是願四明非九題所得盡而尋九題者又往往不  
 故宋施安所謝遺塵所稱及陸皮諸詩世雖競傳之願今四明山中居人乃不知  
 靖間除姚岑原道求遺塵九題止得所謂石窗者鄞人沈明臣以大關山志與山  
 奉化戴洵以仗錫為石窗皆以意相卜度宜乎其遠也余創四明山志與山  
 君木客爭道於二百八十峯之間而知所謂九題者陸皮之詩以求九題其不  
 言鑿空擬議故在陸皮已不得九題之實後人憑陸皮之詩以求九題其不  
 塵之實又何怪乎迷山遲響之惑則有間矣一曰石窗能與魯望美爭秀然憑虛  
 撫實使好事者無迷山遲響之惑則有間矣一曰石窗能與魯望美爭秀然憑虛  
 削成石室高五尺深倍之廣如深而六之中界三石窗者凡石穴多在平地故稱  
 賦註云方石四面開窗不知其總在一面也其謂之窗者凡石穴多在平地故稱  
 之為洞為室此獨懸空半出有似乎窗也二曰過雲奉化雪竇山有嶺名二十里  
 雲故遺塵云山中雲不絕者二十里因此嶺而言也三曰雲南在桃花坑山  
 下其里至今名雲南里陸詩之巴賓越鳥皮詩之無雁到峯前豈可點綴以滇楚  
 事乎四曰雪北蓋雪竇之北也陸詩金庭如雲北則懸隔矣五曰鹿亭在大關山南  
 是四明之西南言之於雲南差近言之於雲北則懸隔矣五曰鹿亭在大關山南  
 史孔祐至行通神隱於四明山有鹿中箭來投祐為之養創愈然後去故於祠  
 字觀側建鹿亭陸皮不原故事汎稽物態引辭穿行又何當也皮詩為在石窗下  
 失其地矣六曰樊榭元會堅云劉樊從大關飛昇建祠其所祠側為樊榭皮詩石

洞聞人笑大闌未嘗有石洞也七曰潺湲洞側師事白君因其故居也八曰青鱗子今亦無  
 移祠宇觀於此始劉樊居潺湲洞側師事白君因其故居也八曰青鱗子今亦無  
 識之者所謂陸詩環岡次第堅不可卒破者九曰鞠侯雪竇西十五里為徐冕山之種類  
 亦有絕歟陸詩環岡次第堅不可卒破者九曰鞠侯雪竇西十五里為徐冕山之種類  
 侯巖以其象形鑿字名之攢峯割日哀瀑崩雲誠奇地也皮陸以連臂斷腸當之  
 何山無猿而以此私名一四明哉有以知其不然矣是故文生於情情生於身之所  
 歷文章變哀徒特其聲采之千年且暮同是江淹之雜體作矣承虛接響甯獨此九  
 題哉遺塵發之而余考之千年且暮同是江淹之雜體作矣承虛接響甯獨此九  
 徐碗四明山遊記略由入山亭斜上雪竇觀應夢名山碑度瀑上橋下與二人扶  
 而涉千丈巖俯窺瀑布南上妙高峯上藤龕有石奇老人塔龕前巖平衍廣三  
 丈深過之盡處俱壁立高倍千丈巖去此南下嶺四尺許徑右山龍嵒起左  
 云鞠侯巖有鐫字不及見又越百餘步徑廣僅三四尺許徑右山龍嵒起左  
 斗絕千尺復旋而左石壁峭拔嶢岫如萬鳥攢狀飛瀑懸垂沈山入所謂三面壁  
 匣句廉處一俯臨已頭眩神悸矣是謂徐冕巖其西南面山又環相聳翠徑盡而  
 下登山行詩而去嶺下眺山非帖非童僅草長半尺經霜後一變皆蒼乃朗誦  
 樊川山行詩而去嶺下眺山非帖非童僅草長半尺經霜後一變皆蒼乃朗誦  
 西折至北溪復北折至大俞取徑上山至一險窄峻削處每一與加二人前緒  
 後推相遞上盡其顛無路又下坡忽走沿山窄徑忽入榛棘叢中又忽  
 遇陂陀巖石并無樵可循以兩手提與人肩緣行如凍蠅略旋左即見小石  
 蓋岫穴也土人俱呼四巖壁立數十尋窗在山腰窗下左右棧棧疊大石  
 唐施肩吾同諸隱者夜登四明山詩半夜披幽上四明手攀松桂觸雲行相呼已  
 到無人境何處玉簫吹一聲四明山詩半夜披幽上四明手攀松桂觸雲行相呼已  
 下視不知幾千仞欲曉不曉天雞聲又鷄鳴在四明山詩愛彼山中石泉只在千峯  
 落落虛窗裏至今憶得臥雲時猶是涓涓在四明山詩愛彼山中石泉只在千峯

裏塵世望君那得知長憶去  
年風雨夜向君窗下聽猿時

孟郊送蕭鍊師入四明山詩  
千尋直裂峯百尺倒瀉泉絳雪  
為我飯白雲為我田靜言不話  
俗靈跡高棲四明巔

劉長卿詩四明山絕句  
自古說登陸蒼崖倚天立覆石  
如覆屋玲瓏開戶牖落

半幅白雲本無心悠然作幽獨  
對此脫塵鞅頓忘榮與辱能笑  
天地寬仙風吹佩玉

陸龜蒙四明山九題詩并序  
謝遺塵者有道之士也嘗隱於  
四明山之南雷一旦

訪余來語不及世務且曰吾得  
於玉泉生知子性誕逸樂神  
仙中書探海岳遺事

以期方外之交雖銅牆鬼炊虎  
獄劍餌無不窺也今為子語  
吾山之奇者有峯最

高四穴在峯上每天宇澄靈望  
之如戶牖杜傳謂之石窗即  
四明之目也山中有

雲不絕者二十里民皆家雲之  
南北每相從謂之過雲有鹿  
亭有樊榭有潺湲洞

木實有青藜子味極甘而堅不  
可碎破有猿山家謂之鞠侯  
其在圖籍不足道

也凡此佳處各為我賦詩因作  
九題詩四十字謝省之曰玉  
泉生真不誣矣好

事者為予傳之因呈襲美○石  
窗○石窗何處見萬仞倚晴  
虛積靄迷青瑣殘霞

動綺疏山應分嘯臺隨日辨樵  
斧帶風聞曉著衣全涇寒  
銜酒不醒幾回歸思靜

雲綺深路僅分嘯臺隨日辨樵  
斧帶風聞曉著衣全涇寒銜  
酒不醒幾回歸思靜

到煙蘿早晚歸乳帶懸松嫩芝  
臺出石微憑闌虛目斷不見  
羽華衣○潺湲洞○

連壇當星斗下樓抄翠微邊  
一半遙草細眠應久泉香飲  
自庭如認聲來月塢尋迹

先拂見蘇君○雲南更○有溪  
丹磔盡無泥藥有巴賈枝  
多越鳥啼夜清

○鹿亭○鹿亭下巖置時領  
白麋過草細眠應久泉香  
飲自庭如認聲來月塢尋迹

說時駕玉麟歸乳帶懸松嫩芝  
臺出石微憑闌虛目斷不見  
羽華衣○潺湲洞○

山頽

四

丹山赤水洞天

石淺洞門深潺湲萬古音似吹飛羽管如奏落霞琴倒穴漂龍沫穿松濺鶴襟何  
人乘月弄應作上清吟○青熨子○山實號青熨環岡次第生外形豎綠殼中味  
敵瓊英墮石樵兒拾敲林宿鳥驚亦應仙吏守時取薦層城○鞠侯○何事鞠子  
名先封在四明但為連臂飲不竹斷腸聲野蔓垂纓細寒泉佩玉清滿林遊宦子  
誰為作

皮日休和詩○石窗○窗開自真宰四達見蒼涯○過雲○粉洞二十里當當紗繭中  
空吐月扉際不局霞未會通何處應連玉女家○薄明經時未得過恐是入層城  
行雲南○雲南背一步隔人聲以杖探虛翠將襟惹人家發白泉兒童皆似古婚嫁  
○氣如仙共作真官戶無由稅石田○雲北○雲北畫冥空疑背壽星○鹿亭○鹿

羣多此住因構白雲楣待侶榜花久引麝穿竹遲經時飲玉潤盡日嗅金芝為在  
石窗下成仙自不知○樊榭○主人成列仙故榭獨依然石洞闕人笑松聲驚鹿  
眠井香為大藥鶴語是靈篇欲買重樓隱雲峯不售錢○潺湲洞○水流萬丈源  
盡日寫滌浚敲碎一輪月鋒銜半段天響高吹谷動勢急歎雲旋料得深秋夜臨  
江盡古仙○青縹子○山風熟異果應是供真仙味似雲腴美鞠侯國玉腦圓銜來  
多野鶴落處半靈泉必共玄都奈花開不計年○鞠侯○堪羨鞠侯國玉腦圓銜來  
重烟蘿為印絞雲壑是提封泉遺祖公護  
果教猱子供爾徒如不死應得躡玄蹤

鄞縣志案曰陸序明言有猿山家謂之鞠侯黃梨洲九題考以徐龜巖之象形  
當之誤也聞志敬止錄句餘土音俱不從其說

釋佛引雲北詩到來雲北裏寒吹逼洞口逢漁父相邀問姓名  
 烏自鳴雨痕連海白石氣與天清洞遠行遊迹謝聲利牽心與巖壑謀東征泛滄  
 宋樓鑰四明山詩平生抱遐尚撫劍關愁匡廬挽歸轡巫峽紆行舟劍閣最險壯  
 海南鷺逾丹邱西登岷峨嘯北望關隴憂臥燭湖清夢吾仇忽近益可笑投名  
 龍門更奇幽門宛在野欲往輒不酬人事好乖山靈苦吾仇忽近益可笑投名  
 字橫九州出門宛在野欲往輒不酬人事好乖山靈苦吾仇忽近益可笑投名  
 空自尤辰正芳春會心得良儔羸車幸已足快策遂所求中宵雨聲斷透曉  
 色浮天容極淨風氣亦和柔瘦筇挾籃與野服兼輕裘遙遙指林麓欣聽  
 流試履清賢嶺樵歌道白水湫飛湍響淙淙千里森雙眸峯巒何縣連脈絡相  
 醵石助歲期負樵歌道白水湫飛湍響淙淙千里森雙眸峯巒何縣連脈絡相  
 釣妙融結神功巧雕鏤長風動溟渤洪濤搖瀛洲巨壑出巖肩游龍繞綺繆鯨  
 怒摩盪蟲魚紛壘稠萬怪各起伏千帆送行留或坦若几案或義若冠旒或排若  
 劍戟或刻若干矛或舞若鸞鳳或驟若驪騮或戲若猿猴或搏若鵝鵝然開明  
 堂玉帛朝諸侯赫然會岐陽園方大蒐廛戰臨長平壁或持鴻溝廣野列車騎  
 中軍嚴旂開闢浩茫變久悠悠愕哈不得語形容那可侔迹信所聞輕舉  
 根幾千秋老榦枯不死新葉翠相繆駭定來正桑田行驗不遺迹信所聞輕舉  
 當何由東南徑崇岡左右麥疇人家散雞犬村塢來羊牛官徵畢薪炭春事勤  
 鋤何由東南徑崇岡左右麥疇人家散雞犬村塢來羊牛官徵畢薪炭春事勤  
 梓駢巖下蒼峭別岫爭峰嶒盤磴渡方橋廣宇連飛樓珠璣錯藻繡金碧照雕  
 停雲朝漢剛風畫颺颺盤磴渡方橋廣宇連飛樓珠璣錯藻繡金碧照雕  
 鐘食千鏡版登百籌真來天上居不涉人間憂周遭富佳致徧得窮搜妙峰  
 遠色湊錦鏡波光瀏兩溪赴聒聒千丈落灑灑深漂隨冕品潭隱靈虬倒窺  
 欲眩俯窺清可漱澗草高下積巖花零亂抽挂壁見揉捷食岑聞鹿呦日長  
 睨霧暗啼鉤轉修竹奏竽瑟細溜銷琳瓊占晴喜弄鵲畏雨愁呼鳩何妨共齋鉢

刻原郡志 卷二 山類 五 丹山赤水洞天

且復薦茶甌老僧頗好事名德肯見投  
 此天一陬登臨世界闊俯仰歲月逾榮辱  
 相敵讐不念猿鶴怨望合泉石羞心期  
 阮劉時哉山梁雉落矣濠上儵聊追興  
 賦不歎柳子囚招招知音子為我商聲

董恂宿四明山詩愛看山谷景遂向山村宿山風吹我衣山月  
 隨我脚茅屋三兩間遊仙夢不作行且訪蓬萊飄然跨黃鶴  
 元戴表元四明山中絕句○楓樹院○雁飛不斷楚天長雲路霜林級級黃何處  
 人烟有墟落北風高壘散牛羊○茶焙○山深不見焙茶人霜日清妍樹樹春最  
 湧開情是巖水味甘如乳色如銀○大小橫山○小橫欲盡大橫來萬壑千巖洶  
 碧玉壺猶是春風未相棄山前吹長萬龍鬢○韓采巖○洞深煙樹碧氤氳只采  
 靈苗不采薪聞著蹤由多懶說相逢莫有姓韓人○莽廣○溪○怪石驚湍吼不休  
 時時巖果熟一村香居人祇道山深好三百年來是戰場○仙山○七里黃泥紅樹  
 岡西風果熟一村香居人祇道山深好三百年來是戰場○仙山○七里黃泥紅樹  
 易尋當時已無道是山深可憐華表標題處夜夜猿啼滿山鋪錦雲○白嶺○兩頰  
 稜額下分更無坳處可藏雲西風怕奪行人眼蓄麥滿山鋪錦雲○白嶺○兩頰  
 一去杳無蹤水白山青祇故宮欲問巖前老松樹人間禁得幾秋風○又四明山  
 中逢晴詩一岡一瀾一縈隈新歲新晴始此迴涉坂南風寅蛤出茅簷西日乙禽  
 來人迷白路半羣石水捲青天雪裏雷  
 猶是深山有寒食梨花無數繞巖開

案楓樹院

現居民

茶焙

現居民三十家

大小橫山

遊石窗由

北溪村

仙山

在村北

後俗呼 仙入山 俱在剡源韓采巖羊額嶺白水屬上虞餘姚莽廣溪不知所在木蘭是

花是木居人亦無識之者是四明十絕我剡竟居其半矣

明汪瓚天開畫歌四明之南有山去天不盈尺其山有乳峰左互太白三十六  
朵之翠菌蓄右接會稽七十二柄之金芙蓉絕頂遙見三韓東靈嶽未必專衡嵩  
蓬萊如拳海如沼三更日上扶桑紅山勢周迴隱平麓但見金仙飛樓傑閣拔萃  
乎其中靄靄西雲麓蒼蒼妙高樹層臺一何高飛鳥不能度金仙師幾千年騎虎山  
頭去至今遺下綠藤龕白雲尚鎖樓禪處臺東碧沼涵晴空炯如百鍊揚州銅棠  
梨花開燦雲錦一綉倒影春溶溶珠林夜光射明月遂科廢塚眼奸雄其西靈湫  
老蛟蟄上有雲氣日夕浮空濛山千盤路百折大樹小樹參差別巨靈劈山為  
裂玉龍蜿蜓飛出白雲之觀闕得無天瓢翻毋乃銀河決兩岸高懸劍閣雲一川  
怒漲瞿塘雪山川之秀由天成畫師不數關與荆含毫吮墨徒勞形偉化工之點  
染耿不滅之丹青煥師煥師尚真不尚假愛畫豈愛丹青寫對此太古無聲詩須  
我生平畫

「明汪瓚」余寅遊四明山詩澤國高寒氣秋晏廓落情山經標特勝仙籍侈多旌凌  
厲眇三島遵循隘九瀛剛風鼓蓬勃朗宿錯經營窈窕溪初發趨嶺欲驚翠濤  
儲萬斛紫霧繫千楹瀑迅昨宵雨雲乾此日晴牂羊愁躓僻俊鵠快縱橫珞璵開  
屏勢琮琤引吹聲八絃真汗漫五岳浪鏗鐘自作擔簦去難論戴釜征葛洪原有  
約禽慶獨何名孤嘯神霄半雙眸大華癡通太乙藜杖依長庚鳩鵲遙相劈  
鷓鴣午作鳴青菁炊作餉白襪裏為程喜劇敵氛絕多裕袂輕紆行蛇出谷小  
坐雁分坪矯首狗靈塔默默但盱衡猶隘寰中在何時海女悅來迎許寂劍何往劉綱  
榭已傾荒荒都信足默默但盱衡猶隘寰中在何時海女悅來迎許寂劍何往劉綱

剡源郡志 卷一 山類 六 丹山赤水洞天

雙瓊

郡守張瓊四明山詩七十峰巒起碧空巍然石頂四窗通光分日月玲瓏處氣吐

煙雲遠近中西拾稽山低莽蒼東臨蓬海接鴻濛自從劉阮游仙後溪上桃花幾

紅度唐之淳四明山詩會稽東南秀四明名更佳峻峭古制玲瓏吐雲霞側聞劉樊徒

初山川始萌芽六丁運神斧削如人家四牖遺古制玲瓏吐雲霞側聞劉樊徒

於此鍊丹砂耕煙種青樾結實大於瓜揮手謝衆士身登鳳皇車至今石窗月底青

天守龍蛇玉女匹五人綠髮垂髮時來聽潺湲意態靜不譁我夜闔其旁月黑

星如麻願慙無靈氣悵望空咨嗟

周立本四明山中詩幾同大聖具茨迷卻逐間樵過澗西野草無名都是藥亂山

無主目成蹊危岡路指遙天迴絕壑煙飛古寺低欲覓遺塵蹤迹舊雲南雲北總

稽難沈一貫四明山詩余好四明山向隔流蕪外醉舞清冷天嘯歌白雲界疑無后士承

聘箭一僕無賴梨洲與丹山尚流蕪外醉舞清冷天嘯歌白雲界疑無后士承

獨有皇天戴驚峯激俯漚巨海縈近紉山院罷鐘磬時禽喧梵唄緬懷秋水人歌

襲清風介戾止亦忘歸歸來懼難再○又四明山歌我昔長歌天姥吟今來飛越

江之深煙波浩蕩都在洞天蒼厓白鹿紛可尋游足未開意已窘沸如巨浪掛前村盡

適來縱入丹山赤水之洞天果爾二百八十芙蓉之峰相鈎連沸如巨浪掛前村盡

渴此飢餓崩奔前驚魂繞魄惛不定乃知世間安得無神仙際天但有淺黛半染

頂猶窮羽人翼謝公萬夫鑿不得支遁欲度空歎息黃熊近人白虎怒杜鵑半染



草花碧靛持滌釜織陰近送靈湫雨劉綱臺榭收紫綃王交瀑布懸青組二韭三  
 菁宛可拾東鳥西兔紛來舞篆煙雕霧無時休一雙白鶴飛何苦吁嗟乎劉郎誤  
 入青山園不是忘歸不得歸薛荔滿牆皆可衣胡麻滿谷何愁飢赤雲層層圍白  
 日任他渡口桃花飛百年三萬六千日古今聖賢皆永舉何為容  
 易別青山空教青山笑不還誅茅結屋弄流水溪雲與我長潺湲  
 沈明臣四明山長句李白夢天殘煙濤茫茫走東魯隨風吹墮禹穴來萬里心魂  
 挂縈圃興公賦天台赤城霞氣標蓬萊五采肝腸淮翠海九天日月披銀臺四明  
 之山誰所鑿天公為我開樓閣雙牖高看鳥兔飛四窗平見星辰落青雲冥冥豁  
 洞天使我坐閱心茫然手捫白虹不到地眼暗綠雪吹春煙九州點破黑子大滄  
 海東窺一衣帶天上銀河貼面流神遊八極吾將奈千秋闕迹人莫尋萬古靈蹤  
 此真快二百八十峰天簇青芙蓉丹山穴紫鳳赤水蟠黃龍氣雄五岳掩天柱勢  
 奪十洲凌闊風不周山崩誰所觸祖龍沙邱不敢哭騎龍跨鳳訪仙曹朝向崑崙  
 暮王屋願呼樊夫為我歌且舞手拍洪崖肩醉枕亦松股瘡房瓊室七十二恐  
 是蓬壺世難觀雙雙帝子怨蒼梧穆王馬蹄知有無金書玉簡秘不得越水至今  
 流禹都○過雲○縹緲路常封時時春氣濃看衣疑帶雨到寺只聞鐘不見高秋  
 月難捫白日峰探虛吾欲老來往藉孤筇○雲南○山陽村戶好家枕萬峰雲共  
 飲梅花水耦耕麋鹿羣土風周處記日月帝堯君世路紛豺虎區中那得聞○雲  
 北○只在白雲北重山別有家人煙散流水墟井市桃花賣藥通秦市分蜂識漢  
 衙自矜吾道拙不敢獨餐霞○樊榭○夫人仙去遠樊榭尚知名月落迷妝鏡花  
 深斷寶纓山川今喜託天地故難憑倘是吹簫處應聞有鳳鳴○潺湲洞○潺湲  
 吹古雪倒捲入銀河月色兼秋動山聲入夜多雲來溼不去雷疾響難過枕石驚  
 還起天風  
 吹大波

汪禮約發四明山中經雪竇寺登妙高臺觀瀑布杖策下溪口買舟順流朗誦盧  
 梅賦抵櫟社宿句章先生明海小遠鏡天台卑仙闕無人高步尋仙真空谷不見  
 八千丈趨剡溪道迴合西南山深尚衰草百里闕無人高步尋仙真空谷不見  
 日曉下趨剡溪道迴合西南山深尚衰草百里闕無人高步尋仙真空谷不見  
 鳥獨有煙霞親迢迢窮日景路轉開石壁寺古落松筠僧來訪形迹醉披水田衣  
 笑著登山履亂谷浴秋聲落英封斷石水薄衣欲流山空月初白獨鳥歸林煙蘿  
 桃眩行客底莫早迴清吹石轉驚飛流槎來銀漢秋又疑廣陵雪噴薄錢  
 千峰開足底莫早迴清吹石轉驚飛流槎來銀漢秋又疑廣陵雪噴薄錢  
 塘邱風中等列禦濠上誇蒙周俯仰意已適興極歸心逸數里走石關十步想  
 率逶迤盡坡陁目勢合滄波浦近漁唱起樹密村煙和似聞戴顛隱彷彿子猷  
 高躡人肌笑勝事苦蹉跎夙昔永懷情春風吹女蘿轉幾迴復出谷復入谷石淺  
 翠撲人肌笑勝事苦蹉跎夙昔永懷情春風吹女蘿轉幾迴復出谷復入谷石淺  
 祇容初影忽及江皋天賦曉鏡落遂關孤片語驚世人咄嗟楊馬曹龍兀立四  
 明山倒影隨秋濤一誦盧君詩興遂流雲翱片語驚世人咄嗟楊馬曹龍兀立四  
 坐寂奠邱園情擢頽一尊酒笑落千秋名與極一登臺何異楊雄玄余也老侯芭生  
 事南山田花遲行客五柳春風顛手持綠玉杖歸弄潺湲泉一當南雷君謂我  
 何方旋探取虎盤囊投贈道逢篇異時畢婚嫁五岳終流年○又四明山詩紫翠  
 莽縱橫行人不記名天遙平見日雪盡乍聞鶯絕壁憑雲度長風吹雨晴千秋嵐  
 氣白直擬海波生天迴路屏危巒絕可攀陰風迴大壑紫氣滿千山月彩標  
 孤白春聲起暮關幽奇探不盡煙樹水潺湲明山高鬱律一上一崔嵬石棧千  
 峰雪風傳萬壑雷扶桑天外見初日夜中迴目斷塵凡路飄飄鸞鶴來石棧千  
 煙霞春臨深畏日斜扶搖今始信莽莽竟天涯  
 驚嵐落風深畏日斜扶搖今始信莽莽竟天涯

屠隆聞沈嘉則先生與汪長文遊四明山詩四明迥奇絕能為十日游白雲度千嶺

合下見滄海浮煙霞日莽互何人窮其幽二君策高足能為十日游白雲度千嶺

青天開雙眸星帝座近得句山靈愁倦來臥

陸寶四明九題詩○石窗○石扇○石本○天○成○虛○中○透○四○明○無○礙○沾○蘇○色○有○隙○陋○風○聲

人蹤○封○雲○南○中○噴○衆○水○霧○後○失○奪○峰○難○鳥○歸○他○樹○迷○僧○聞○遠○鐘○若○驅○仙○犬○去○應○躡○羽

雲氣○封○雲○南○中○噴○衆○水○霧○後○失○奪○峰○難○鳥○歸○他○樹○迷○僧○聞○遠○鐘○若○驅○仙○犬○去○應○躡○羽

澗色○瑩○蜂○房○幾○世○留○丹○訣○同○居○不○死○鄉○乳○洞○雲○北○逢○仙○吏○集○隔○竹○峰○嵐○變○夕○暉○冰○崖

元○孤○亭○深○翠○裏○地○僻○野○麋○多○滑○想○眠○時○石○腥○聞○祇○後○望○白○雲○中○石○露○催○妝○月○戲○危○坡

埽地○風○銜○書○逢○野○鶴○守○藥○待○山○童○羽○節○何○年○降○桃○枝○委○棘○叢○○濕○溪○洞○○湫○泉○奔

洞駛○流○響○作○淚○浚○雨○細○沈○松○壑○濤○清○歎○石○關○睡○方○龍○劫○去○仙○夢○鶴○驚○還○為○近○丹○壺

月笙○簫○夜○不○開○○青○孺○子○○青○青○幾○樹○攢○繞○暉○復○臨○湍○味○釀○丹○成○液○形○標○石○作○凡

猿爭○拋○地○響○鳥○戀○啄○枝○殘○必○待○真○官○取○移○根○插○古○壇○○鞠○侯○○鞠○侯○名○最○古○封○近

地仙○居○野○果○分○公○膳○山○雲○列○簿○書○泉○香○賜○沐

後花○綻○衣○緋○餘○落○月○林○間○彌○惟○應○學○步○虛

曉朱○簾○卷○石○窗○自○從○劉○阮○後○康○樂○亦○遙○傳○○過○雲○○不○難○炊○煙○色○非○關○雨○氣○颯○開○霜

龍眠○雪○窖○山○鬼○樂○幽○篁○曳○杖○兜○羅○重○霑○衣○瀑○布○狂○相○將○過○嶺○去○二○十○里○雲○長○○雲

南○雪○窖○山○鬼○樂○幽○篁○曳○杖○兜○羅○重○霑○衣○瀑○布○狂○相○將○過○嶺○去○二○十○里○雲○長○○雲

花盤○谷○無○嫌○小○山○將○出○路○遮○○雲○北○○北○行○雲○過○盡○離○落○傍○僧○筵○竹○斲○分○猿○飲○霜

自置千古仰仁名久矣忘機  
 去長來月下鳴○樊榭○大蘭  
 疑停絳節時或得仙書此地  
 隱白君守爐同弟子洗藥委  
 虛文○青纈子○何物青纈  
 賦瓊花不別生環岡笑魯望  
 飛聲自苦前月影臂如鈎不  
 回過客醉前人賦物遺誤在  
 高士奇和詩○石窗○石登  
 雷崖藿蛇痕映碧吾欲尋劉  
 封遠覆蘭山麓橫連雪寶樵  
 雲南○居然小盤谷路已入  
 水泠泠雞犬桑麻外漁舟向  
 碧籠花月下深當門眠老特  
 亭祠孔祐遺愛古誰齊南窟  
 皆生春意春風好杖藜○樊  
 陵怪松擎雪時危石帶雲崩  
 當年白水宮無雲朝噴雨不  
 當寂霜空○青鬚子○漫說  
 風前鬪猿偷月下呼山家何  
 天猿臂如相接山形似倒懸  
 樹杪落飛泉到此塵寰隔清  
 新治荆和詩○石窗○異境  
 深冬雪榭牢萬古煙不緣公  
 好事實錄許誰傳○過雲○  
 嶺路何綿邈烟巒任簾  
 自朝開藥院秋冷侍茶縹縱  
 去長來月下鳴○樊榭○大蘭  
 疑停絳節時或得仙書此地  
 隱白君守爐同弟子洗藥委  
 虛文○青纈子○何物青纈  
 賦瓊花不別生環岡笑魯望  
 飛聲自苦前月影臂如鈎不  
 回過客醉前人賦物遺誤在  
 高士奇和詩○石窗○石登  
 雷崖藿蛇痕映碧吾欲尋劉  
 封遠覆蘭山麓橫連雪寶樵  
 雲南○居然小盤谷路已入  
 水泠泠雞犬桑麻外漁舟向  
 碧籠花月下深當門眠老特  
 亭祠孔祐遺愛古誰齊南窟  
 皆生春意春風好杖藜○樊  
 陵怪松擎雪時危石帶雲崩  
 當年白水宮無雲朝噴雨不  
 當寂霜空○青鬚子○漫說  
 風前鬪猿偷月下呼山家何  
 天猿臂如相接山形似倒懸  
 樹杪落飛泉到此塵寰隔清  
 新治荆和詩○石窗○異境  
 深冬雪榭牢萬古煙不緣公  
 好事實錄許誰傳○過雲○  
 嶺路何綿邈烟巒任簾

颺瀾漫看霧樹淺近笑風篁境幻行忘因峯奇叫欲狂飛泉何處落遙指練光長  
 ○雲南○雲南舊里在烟火動山家樹豁看才見峯岐路恐差寺鐘生竹塢洞戶  
 闕桃花勝賞玄塵外層巒面遮○雲北○雲北看雲好層層落几筵佛龕疑鹿  
 苑仙窟想芝田臥憶金庭舊遊思寶年行當相去近不異市和塵○鹿亭○鹿  
 千歲活可更向人鳴○樊榭○故榭垂名久會因仙眷居去應驂白鶴來合並丹  
 魚石有通靈竅巖藏證道書欲吟步虛曲只是愧才疏○潺湲洞○洞府開清  
 緞柳文○青繩子○木實號青豨圖經秘此名神龍嘗未得爾雅說徒爭不可  
 尋求見誰云次第生如堪資服食肯惜禱祈誠○鞠侯○不謂層巖聳居然似阿  
 侯躬縛仲詎直臂弱引仍鉤坐老披雲性  
 凝餘竊果眸支筇看孤峯千切立一面四窗開天際雲霞燦都歸石室來○過  
 李暉九題詩○石窗○孤峯不動往來二十里嶺上會無空○雲南○盤谷何妨小  
 雲○山頭若非雲靜中境不動往來二十里嶺上會無空○雲南○盤谷何妨小  
 桃花愛有阮南行雲盡處家室安康○雲北○雲北無盡家伴几筵人隨  
 雲不老那識市和塵○鹿亭○鹿因祜而生亭因鹿而名孔君還在否鹿復向誰  
 鳴○樊榭○故榭留風月夫人尚往還大蘭通窅石誰復踏苔斑○潺湲洞○洗  
 藥溪流淨何緣遇白君千年堆積雪萬壑散浮雲○青蘿子○青蘿味極美不用  
 澗山家莫道探無子何曾看有花○鞠侯○像形  
 不謬喚作鞠侯巖坐住徐冕上憑他過客瞻  
 李灼九題詩○石窗○人跪不到處忽有石窗開誰鑿乾坤羨平遊日月來疏簾  
 垂蔚荔古砌裏莓苔擬共開雲老藏書待異才○過雲○不少雲深處無過此嶺  
 長東西二十里烟霧浩茫折旋因風勢氤氳釀雨香從容覓去路仙趣滿衣裳  
 ○雲南○地名小盤谷隱士舊為家田路衝山直柴門逐水斜瞻雲依北闕測影

製南重水一片肥和氣何愁山四遮○雲北○北向依山時隱翠微日高松影  
 暗雲重水泉肥掛客詢幽勝摩碑辨是非蕭然出世心或有懷丹藥非關一素  
 人會養塵遺久駿奔○焚街○芝影○世此意兩心知自是懷丹藥非關一素  
 垂千古空山待鶴去無時歎息升仙木於今尚守雌○澗溪洞○混混來無盡  
 絲垂勢絕如殊長拖千輭玉橫噴萬寒珠力撼乾坤聲敲鐘響俱四圍沾潤處滿  
 布綠甌○青縹子○骨何從覓深山柱結茅○翰侯○兀坐乾坤內空山苞玲瓏  
 垂月牖磊落壓雲梢凡骨何從覓深山柱結茅○翰侯○兀坐乾坤內空山苞玲瓏  
 蒼四三絕巧壓雲梢凡骨何從覓深山柱結茅○翰侯○兀坐乾坤內空山苞玲瓏  
 尋茫帶遠林夷然看楚沐枉自辱纓鑿  
 蒼茫帶遠林夷然看楚沐枉自辱纓鑿  
 千歲草痕蝕五丁苔倚溼吟詩袖曹唐自有才○過去○過此何誰去雲衢廿里  
 長天○空任展布世遠隔蒼雨惹茫龍身濕晴分鶴羽香麻姑疑逐隊飄颻衆衣裳  
 ○雲南○豈是演池遠山陽住數家路晴春日正村雨北風斜合有紅雲朵應扶  
 紫帝車飄飄看北厭鳥車向遮○雲北○夜吹盡散萬象口機○微青松山背  
 老白石雪中肥斗仰頭是南雲轉眼非吹盡散萬象口機○微青松山背  
 病亭中鹿靈芝嚼到根曉行遲石路秋臥老苦痕不口成仙蹟難忘是感恩銅牌  
 曾繫否此日向誰奔○樊榭○天台好鄰女每過緜相知寶藥烘花瓣仙裙冷藕  
 絲山深留榭蹟人去少歸時料得蓬萊路騎龍合控雌○濕溪洞○此地絕凡響  
 仙都耳目殊碎彈青女淚寒撒白龍珠縹緲天紳落琮瑋古樂俱洞中坐好冰  
 雪作甌登山問古梢定應千歲熟蓄難占碩果○交翰侯○不見點頭日蟠桃何處  
 尋遺核登山問古梢定應千歲熟蓄難占碩果○交翰侯○不見點頭日蟠桃何處  
 攀躋絕口林口口口口口口口口口口空仙侶

驅羊山 南面七十峯總名詳四明山條屬嵯奉化二邑黃宗義四明山志

梨洲山 縣西一百里即四明山之西峯寶慶志十五餘詳古蹟山麓有碑記云周迴八百里

二百八十峯十道四蕃志劉綱與夫人昇仙處宋寶慶志云梨洲山下有坡曰響

石坪康熙志

案梨洲山周迴數十里其峯不過數十碑記云云誤以四明山之里數峯巒當之也或碑記為四明山而作梨洲為四明之支山故樹立於此與

明汪綸梨洲山詩蓮花紛向日邊開雲影長依斗柄回北引羣峯朝禹穴南分諸嶺上天台梨因孫綽來時見桃是劉綱去後栽風景恍然人世外但聞雞犬石巖隈

仙人山 在北溪戴表元有仙山詩見前

陳著過仙山詠孫松詞新菴詩雅懷欲友漢劉樊巧築磨麻屨大蘭磨宿白雲山氣重門無赤日樹陰寒少年自得老成趣危世誰如肥遯安下界黃塵從擾擾不妨高枕

夢邯鄲

鐘山 與嵯縣唐田接壤

烏巖山 距西晦溪八里

棲賢山 在西晦溪宋單欽居山下因名晦溪單譜

唐雲巖詩棲賢山勢氣崇雄毓秀鍾靈宛委同敷代衣冠傳理學一時才藝契宗工旌軒尚立危峯石遺像還留故宅宮屈指當年游賞處惟餘鼓時西東

白石尖山 在應家山距縣一百里

雷峯山 在棲霞院清晨望之可見郡城天封塔

桃花院山 縣西五十里四明山之上二十里雲之南也山巖壁立數仞延袤數百

尺巖色紅白相間隱映出沒狀如桃花之初發故以名之四山環繞宛如盤谷中

有平田數百畝昔太白禪師飛錫於此寶慶志元末孤峯德結菴於此四明志

案今永福菴即孤峯德所結之菴

宋張錯詩雨晴春色滿巖前誤認玄都小洞天忽訝四山環繞處中藏數頃道安田昌黎只解稱盤谷摩詰徒能畫朝川試問白雲如可借便須從此謝塵緣明王景才詩一宵夢騎鯨陵風直上雲深行雲深彷彿烟霞外一溪初入千花明路逢東方朔借問此何地但云西王母諛向瑤池會豔陽天氣蒸紅霞乃知觸目皆桃花中有樓臺絢金碧別是景象非人家我疑武陵不見漁郎放舟入指點歸路花間迷又疑天台山不見劉郎採藥處仙姝玉女迎笑乎其間但見飛花亂



落千丈之飛泉。溪雲流出紅斑斑。覺來枕席蘿月底。毛骨至今清似洗。一朝飛上  
妙高臺。想像神遊無乃是。巖邊笑指雲深處。依舊桃花滿千樹。誰知應夢在名山  
幾度春風等閒去。上人談玄坐<sub>下</sub>我亦從之入蓮社。石潭神龍聽法來。天雨寶  
花如斗大。回顧<sub>卻</sub>見徐<sub>處</sub>仙拍手招我青崖巔。他年來赴蟠桃會。石上共話三生緣

宋琰詩元原四面是桃花開落東風幾歲  
華不問仙家在何處我來非是覓胡麻

大晦山 縣西六十里卽四明山南來之兩峯左肩紅巖山下有覆盆山宋有捕魚

者恍不見日光因號爲大晦應則入山初甚秀麗既而冥晦故曰大小晦四明  
洞天記云兩峯各有大小晦是也或作悔非<sub>延祐志七</sub>相傳黃巢引亂兵過一峯下

天將暝復過一峯下天已深黑遂止嶺上故名大小晦住嶺<sub>嘉靖志</sub>

小晦山 大翹山東有一峯隱士陶源探望如樓觀號小晦山<sub>延祐志七</sub>

案延祐志鄞縣四明山條分大晦小晦爲二山是已而奉化叙山又合大小晦  
爲一山未免兩歧其引用前曰捕魚後曰應則亦夾雜不清嘉靖志康熙志忽  
引黃巢之事想因雪竇有黃巢塚而附會之與今各存其說以不沒古人之真

宋高元之大小晦山詩大晦出小晦過盡山峯翠寒雲抱幽石枯  
卉老孺瀨沿流路偏側當道屋破碎卻立重回首瀑布瀉雲背  
清孫事倫大小晦詩四明南來峯名曰大小晦中有嶺透迤日  
光不相速下有洞深奇夏暑從茲退幽人占貞吉幽光獨在內

鮎魚山 在馬村因形而名

覆船山 在高巖村前因形而名

以上後路

大湖山 峯勢入天上有赤水丹池列錄池可丈餘深不可測其水色赤勺之則其清

如鏡禱雨甚靈列錄注在剡界嶺距邑一百里南屬新昌西屬嵊縣東北俱屬奉化

其下為洋巖山中有龍湫

鯽魚山 在晚響嶺大畝因形而名

六韶山 羣峯魁壘若甃壺曲匏煙裊縷不斷四明山志

明陸鍾輝詩剡溪第一曲右軍昔居此累卻驚羽車逃名如  
敵屣尚有滌硯池風吹墨濤起先生且暫歸但恐不免爾

飯甌山 距下蹕駐五里因形而名 馬鞍山 在柏阮竺家畧因形而名 蕎麥

角山 在柏阮九溪廟前因形而名 大箬阮山 在塔下村後俗呼後中山

藥點山 在三石廟後 魚山 在三石廟下因形而名一名吳山俗呼何家山

月邊山 在三石黃洞畧口一名獨山 癩頭山 在三石村下

丹小山 縣西五十里四明山之南屬剡源鄉之三石村寶慶志 有三巨石故名三

石山延祐志 上有二洞寶慶志 有丹霞二字如朱書延祐志 洞如廣厦中可容五六十

人有深穴可容人身昔有入者行幾半日聞水聲如雷而返水涓涓巖墟延祐志

間其流迹皆赤色下有龍湫民築亭於其上為旱暵雩禱之所有巖竇風從其竇

出颯颯有聲夏絕無暑冬則凜凜不可近俗號風洞寶慶志 雲笈七籤所謂丹山

赤水是也延祐志 今名丹霞洞乾隆志 俗呼洞山

宋陳著夜酌丹山詩石路深深著梵宮綠陰截斷出塵紅春風杖履閒用外明月

山林醒醉中有酒何須白蓮社無詩可入碧紗籠歸途自有兒扶笑不忙過溪勞

遠公又九月十日醺飲丹山詩舉頭又是菊花天走遍山林命苟全忍賦庚寅

傷亂世漫書甲子記流年陶籬一醉虛拋久蕭寺重遊夢覺然今是何時成此會

教人平地說神仙又丹山酒邊詩衰老受晴光相携到上方意濃忘

灑薄話美奪塵忙天竹靜逾娟溪橋初有香危時正多事半日太平鄉

釋足菴丹小山詩煙霞籠錦石日山

明豐自孫詩萬古丹山洞今朝遂一遊瀑高寒激雪崖老晚  
宜秋馴虎隨仙去高臺有像留獨嫌歸太速未得細尋幽

清樊景瑞丹山避暑詩逃暑過丹山相將坐石閒風聲低壑度暑  
氣及時刪古木蟬聲咽新篁鳥語姦不須河朔飲心地自清開

陳錦遊洞山五律詩五曲勝天台峯巒疊障來丹山流赤水春  
鳥語空隈竹韻臨風送桃花帶雨開鐘聲寒古刹何必問蓬萊

江迥詩誰笑丹山具體微幾盤鳥道逐雲移丹霞尙惜朱書隱怪石真成磊字  
奇萬壑濤聲寒意早一溪樹色夕陽遲我來別有登臨興好任籃輿遞迥隨

孫昭謙詩丹山自古秀靈鍾約伴登臨興自濃古佛龕前黃葉滿澗龍洞口白  
雲封丈人石具崢嶸體仙子書留隱約蹤一抹炊烟林外鎖歸途遙聞淨慈鐘

烏龜山 在下汪村南因形而名 蝦拱山 在康嶺村後因形而名

法喜山 在今法喜寺下亦名一葉蓮光緒三十二年夏趙霈濤等籌建剡源中學

堂於此

公塘山 縣西四十里 康熙志 望春山 在州西五十里其右文筆峯其左展旗峯

延祐志七 案嘉靖志作六十里誤

翠屏山 今名旗山 新纂 縣西四十里左接九曲右拱四明若錦屏高展秀麗萬狀 乾隆

案乾隆志此下接云唐貞元中右相樊澤致仕卜居築隄其下故名又名沙

隄攷新舊唐書樊澤並無卜居築隄之事查沙隄樊譜以宋監察御史樊良忠爲

遷奉始祖亦未嘗牽涉樊澤不知乾隆志何所據而云然也 以上中路

大雷山 在縣西南四十里登其山可見海二百里外卽唐末謝遺塵隱處 延祐志七

案在毛氏之石門由棠輿而出距縣六十里

清手式金雷峯登眺詩暄器匪所思天光極清和幸當足力健登高頻俯仰雷峯  
何崢嶸山空絕座想瞬息千里遠近契真賞焚湖星斗落潭龍驅魍魎繁花鬪  
夕曛春茶凝朝沆清風颯然來頓忘身軀驕不盡瞻眺情滄海在指掌煙雨半濛  
濛帆檣爭來往川原何聯絡羅列千萬象輕颺灑塵襟白雲生短杖臥枕山頭石  
不知林月上又雪後登雷山絕頂詩層雲抱孤峯寒氣殊凜冽殘陽鬱不開峯  
頭堆皓雪皚皚林壑底萬籟聲逾急危哉不可上雷峰絕人迹我獨愛此游草履  
映白壁遠上最高頂離天剛數尺乘輿晚歸來露染衣裳溼

將軍山 在石門村上 琰杯山 在石門村下因形而名

鐵山 距巖頭十五里 象鼻山 在巖頭因形而名

中枝山 在三石嶺腳外黃龍元戴表元父墓在此

戴表元中枝山葬記剡源中枝山之葬起我先考府君以至元甲申季冬十有七日  
免穴震向又明年丙戌伯考府君卒以仲冬二十八日附葬先考府君墓右旁

山為穴五後壁三用鬼尙右最右穴葬伯考府君先考府君穴居中又次虛穴為左遂稍前左右各虛穴一外曲角如員形內皆盤結磚槨仍實土以待他日右男左婦而禱焉余家初絕貧來榆林又日淺又連歲遭大喪然不敢不即葬蓋既幸有中枝山而家世居喪不用醜俗禮無繼黃濫費鄉姻友奠賻所入成可取資以故僅僅得成葬具無他營以及於事又江南山稠水迫難用中原昭穆為穴自初喪即極力治葬具無他營以及於事又江南山稠水迫難用中原昭穆為穴穴多者惟以磚槨分山又不可用於葬比居喪不惜資財以供雜祀廣會以資資多買田而不蓄山蓄山又不可用於葬比居喪不惜資財以供雜祀廣會以資兒童婦女之稱譽久之心移力倦不暇能葬而昏巫謬史拘忌禍福之說緣之而入有三年五年十年不得葬又鹵莽知後有當禱而不豫為穴至於臨時穿鑿也故為記以戒吾子孫毋怠

案何義門云此文有補於末俗百日不問凶殺之說尤當使愚蔽者得聞之

紹地山 在榆林東北戴表元本生母墓葬此

戴表元伯妣袁氏夫人遷葬誌銘嗚呼我伯妣袁氏三八夫人之譜由奉化城西管山居鄞城南世遠不能詳其始所僅可知者外曾大父諱珽外大父諱伯顯皆不仕夫人歸我伯考拙逸居士府君時家方貧政出祖妣鄭夫人持綜嚴急居士府君惟豁達好飲酒寸絲勺米心籌手量然後經用猶時時闕夫人持綜嚴急居士女曰鳳娘嫁同里連山王之禮長男表元次慶孫次表元沂以後結琦謝氏姑而表元以後仲父伯妣夫人慈甚見人窮篋忘已之乏必予之乃已嘗被遺出治南山下龍潭村別業村中媪聞夫來權乙卯服役至有所須不言而如約用此生理少振然累日重竟悒悒以病歸卒于家乙卯服役至有所須不言而如約用

十五日子時年五十時新遭祖考府君憂坊郭廬金下能數堵大喪在堂小喪在  
戶仲父負重衰力貧以其歲權殯夫人張山下陳園旁以待他日得地而遷焉表  
元生年在十二越十四年入太學又二年成進士又七年仕建康又二年自建康  
歸累徙遂定居剡源榆林家始極貧何暇議遷葬事又七年居士府君卒葬榆林  
中枝山可以合祔而有所礙不得遷又十七年仕信州又五年自信州歸於是  
元年已六十三扶憊往謁陳園之殯不得封樹蕩析耕犁侵之麥芟芄然幾無以  
容拜展為之心震神悸竊自痛念先大父勤勞多艱生無以奉一日之養死又不  
得中壽所遺諸孤同氣時零丁天折無至五十者獨表元移承旁宗偶幸未死荒  
瑩單寄沈縣五紀以吾世能念之尙不免棄捐荆杞如是有如屬疏事遠何所不  
至且吾年向老早暮不可知而貧勢未止不得尚以力薄為解居之東北有山曰  
紹地近始愛而蓄之亦既卜吉規以為壽藏於專葬無所礙乃以大德十一年丁  
未十二月二十三日啓殯陳園奉遷而西二十九日改遷紹地中壙壬穴丙向趨  
迎稠重環衛秀密望居士府君中枝之麓冠標而屏几也古者子不敢銘其親懼  
以愛溢稱表元銘伯妣夫人以符幽懷以期永久銘曰生為勞母而不敢銘其親懼  
之養死為慈婦而不得與同穴之藏日吉  
辰良作茲新岡凡我剡源子孫其謹勿忘

虎山 山之南麓為榆林山之西麓為許家岸山之北麓為深院董家畧

眠狗山 在斑溪因形而名宋舒文靖墓遷葬於此

以上前路

峯

筆架峯 在董村非縣東下郝村之筆架峯也

天柱峯 縣西六十里延祐志卽妙高峯

宋樓鑰詩一峰高出白雲端俯瞰東南千  
萬山試向岡頭轉巖石不知何日到人間

鄭清之詩陸地芳洲擁翠翹巨靈穿石滾雲濤搏空蒼鳳欲飛舞奔海玉龍爭  
怒號萬象橫陳地軸富一亭平揮月輪高獨醒未覺孤清枕笑酌寒泉讀楚騷

明陸寶詩排雲入中峰層厓互林莽陟險始得平臺基覆  
如掌松下聞戒香茅茨奉金像不見驅虎僧千載空偃仰

周齊曾侍石老人過妙高峯詩一鐘聲隔外杖履無早晚偶值雲海沸高峯亦孤  
口宛似舟出波波搖舟獨穩老入別無言但呼看混沌心目深一往雨來赤腳返

清邑令但懋祺詩丹邱知何處濞慮訪禪關峭壁高千丈寒雲  
護滿山鐘聲聞斷續屐齒憚躋攀惆悵層臺上仙人去不還

石筍峯 在下隱潭旁山周遭如石城有石筍離立高與山埒參四明山志

宋梅堯臣詩巨石如龍孫莽莽煙霧裏明落  
溪口納納喧灘齒何當助齋孟菌葦徒爲美

明陸寶詩拔地凡幾尺孤撐若有根綠苔飽雲氣古釋舒  
苔痕徑截野僧指形奇山鬼捫他年參玉版法性本同原 以上後路

蓮葉峯 宋陳著 下有淨慈寺剡源羣峯皆奇而此峯獨秀麗

倪峯 本堂 下有倪畧菴

陳著倪峯避難詩衰年踏險行五賊太無情落葉滑霜路空山  
生夜聲相攜德耀隱幾喪卜商明歸計未爲是時時心自驚



文筆峯嘉靖志今名草蓬山詳望春山 展旗峯嘉靖志 詳望春山

犁洲尖 在楊墅村下 以上中

望春尖元戴表元剡源集 在二石嶺之陽 以上前路

巖

石窗 今名四窗巖在四明山南面之中屬奉之剡源由北溪行十餘里望之狀如

石室攀躋而上中室高八尺深如高倍之廣二丈可容坐十餘人偃僂而入右室

高六尺深如高亦倍之廣如高三之二可容坐三四人復偃僂而入為右室之右

高如右室深如中室廣之半廣如深五之四可容坐五六人其左室須緣崖而過

高五尺深四尺廣如深四之三無容坐處復緣崖而過為左室之左高亦如右室

深如右室之右廣如高容坐如右室之數俱據最高最深最廣處而言 其高廣深參差不齊窗

大小有五總在一面謝遺塵謂為四穴黃梨洲謂分為四窗者殆不數左之小窗

也謝康樂山居賦注謂四面自然開窗者誤詩詳四明山條

案石窗之勝鄞人爭之姚人亦爭之迄無定論但以國初丈量時山冊為憑則此山一帶錢糧俱是鄉人府學生盧質仙乃積家完納紛紛之說可以息喙獨怪戴司成以奉人奉地而移之於鄞不知何意又案大俞村名屬餘姚在石窗之背之側黃黎洲云石窗土名大俞遂據以為已有不知姚之村有大俞非石窗之山名大俞也

清方士應詩山石高突兀面面徹疏樞日月光洞達長年戶不扁先生此樓通看山雙眼青我欲從之游子身陵滄溟

船巖 在北溪 烏巖 俗名烏巖頭距西晦溪十里狀如伏獅猙獰可畏廣十丈

深二丈五尺高可三丈巖下有菴詳寺菴左有瀑布三丈如銀練

獨樂石 在左溪中嵒縣由此分界高數丈上大下小雖山水暴漲終不移動 枕

巖 在沈家巖村長丈有奇高約八尺橫眠如枕故名 鷹嘴巖 在棲霞院村

下 石棋盤巖 在巖院廣八尺長如之高一丈有奇其平如砥

徐鼻巖 在雪竇之西相距十五里重崖峭壁數百仞瀑布飛下冬夏不絕巖之下

有神龍所宅俗傳為如浮巖以巖浮澗谷上故名上為鞠侯巖有三大字刊於上

寶慶志十四 案延祐志作徐無巖而嘉靖志以為寶慶志作徐無巖誤

宋王時會詩絕壑撥空巖與平橫飛寒瀑萬年聲杖藜平過人間險獨向千山頂上行

陳著詩平揖天風一望來蒼崖萬仞兩分開是中猿鶴亦難得只有龍雲相往回

釋足庵詩蕭然上方境人稀知地僻徒聞古仙人石上有遺迹○四明山志竹僧鑿

明樓則中詩一片懸崖勢插天昔人曾道此登仙曼飛赤鳥陵銀漢鶴載瑤笙度紫煙洞口花開疑有路澗頭松偃已多年袈裟此去探靈迹須了三生石上緣

徐寅詩徐龜巖畔夕陽遲瀑水淙淙總作奇倒影盡從千地起疏鐘都向萬家披短筇到海秋蕭爽孤劍陵空夜陸離欲詰山靈緣箇雨忘年小友正論詩

宋談詩銀河一派瀉中天地勝廬山瀑布泉脫骨有仙今不返老松玄鶴自年年布

陸寶徐龜巖瀑布詩攀條俯眺石稜稜翠地球泉萬斛增忽訝青天飛雨霰空林驚起定中僧

畫字巖 詳石刻 紅巖延祐志七 在馬村 秀巖巖 在馬村旗山中高可二

丈大三丈餘緣巖而上有石椅三一側二正

千丈巖 其巖絕壁千仞故名四明志 又名飛雪巖康熙志 亦名瀑布山宋真宗敕曰東

浙瀑布也作飛雪亭於其上俯之以納奇觀二水合流而為瀑布水至半壁有石突出隔之灑若飛雪而後復為瀑布四明山志流數十丈又有石突出隔之直瀉至潭潭大可一畝深不見底案至巖下午雷亭望之方見有二層石突出若自上自旁百步階望之祇見一層石突出也然則黃黎洲此處游屐亦未到耳

明胡夢泰三遊千丈巖記裂帛而焚之當風揚其灰白塵形也初遊及之嗟爾小子虹胡偃臥於我元標之壺答以在上渴極嗟爾小子虹胡聞我天漿下民失所望渴極者深渴也吞之猶閣閣之聲再遊及之感也寂坐羣偶時耳中或聞澎湃聲正叱聲浙浙閱閱聲心閉耳也此鉤鐘磕磕者時在耳又時不在耳耳無附而成聾聲固迎時歸訥寂然不動不動故寂然於左索余記且屬以石部狹宜短篇二字單生有忠等遂劑之壁復謀鐘三遊焉於耳初遊時偶題以煙聲因數言為足崇禎十五年同遊者單生有忠等而書石者亦有忠者宋王安石千丈巖瀑布詩披地萬重青障立懸空千丈素流分共看玉女機絲挂映日還成五色紋會鞏詩玉蚪垂處雪花翻四季雷聲六月寒憑檻未窮千丈勢請從巖下舉頭看樓鑰次曾子固韻驚見銀河空外翻奔湍千丈有餘寒下流不用長勞望祇向懸崖頂上看鄭清又一首並海危峰駕六龍招提深處綠周遭樛松直上睡龍起怒瀑飛來風

虎嘯坐面亭空雲伴待看身與月爭  
 高山靈意我酬清賞為酌冰泉讀楚騷  
 宋皇子詩來訪名山登古迹一亭清秀換雙瞳  
 半空陡覺襟懷塵不染允知景物勝難窮此山即是蓬萊關四顧  
 倪復詩倚天蒼翠出崢嶸中有飛泉瀉一泓絕壑雲高巖虎嘯千  
 驚寺當絕頂丹題見徑轉迴溪素練縈陡覺塵寰異寥廓欲臨寒  
 元戴表元詩匡廬亦有千尋瀑無此陵空翠玉臺身倚老松天上  
 中來山神禁肅難投唾木落魂清得浣琰見說下巖堪對望道人  
 汪顛詩千丈蒼崖鐵削成坐看飛瀑與雲平氣同岳瀆風烟闊源  
 明端有鯤鵬奔海勢豈無鸞鶴減秋聲謫仙汗漫遊何處我欲乘  
 明孫際可觀瀑布詩孤泉匹練空中鄉綃宮玉蘭無停織緯冰片  
 片落人間亂灑明霞深莫測我來目炫雪竇泉心欲狀之豈其然  
 宋琰詩倚天絕壁無窮上引寒泉一派  
 通碎泝忽驚中激斷散成飛雪下晴空  
 徐紹先詩千丈懸巖玉練翻天風隱隱逼  
 人寒不因巡牧來幽寺那得乘間一度看  
 沈愷詩偶逢仙侶下仙關並騎披雲笑語寬夢想十年有此意興  
 看冰簾倒挂半天落玉障橫開逼斗寒華頂赤城俱在眼且憑高  
 李瀛詩翠巖何巉削地秀千丈雷雨在其下飛泉半空  
 響駐筇忘夕歸翹首愜幽賞寄語西游翁無羨仙人掌  
 鄒鳴雷詩飛流噴雪三千丈偶到危崖故  
 作奇何似在山渾不動青松白石自澹澹  
 王惟善詩勝地靈源遠傾崖勢莫收樹標銀練合天到玉  
 河流秀色看將限寒聲聽欲秋何如川上水與此共悠悠

袁德隣詩巨靈河日劈山開一道飛泉自此來盧嶽未容誇瀑布石梁無異在  
 天台光垂素練看生眩勢瀉銀河挽莫回憶與能詩陳主簿長吟同上妙高臺  
 舒文西詩乘輿入名山林壑森然秀忽聞潺湲聲矯首疑天漏巉巖峭壁間飛泉  
 與石鬪日光映水光閃燦珠光透更如雲霧噴十里迷清晝勝景不多逢奇觀非  
 移觀造物似懷私藏未忍歸月思得愚公  
 陸寶澤布詩層巒躡翠烟生耳畔轟雷不  
 住聲誰假神丁開半壁玉龍中斷一孟肇  
 周齊會詩山到斷時水不斷遙遙花影石  
 香流此去溪江無限路何嘗不接乳峯頭  
 清邑令但懋祺詩尋幽登絕頂四顧渺雲端疊障深深見層巒  
 曲曲盤蠶叢惟鳥語仙境有龍蟠千丈懸巖瀑飛流下急湍  
 金步石巔千丈巖遙翻雲外影銀河倒瀉峽中天我今欲借茅庵榻臥聽孤鐘打曉  
 煙  
 江迴詩兩崖壁立石無根泉倒瀉天河奔飛雪亭前一俯視毛髮森悚骨無温  
 嗟哉此勝知誰鑿造物之奇不可度東西湖兩玉龍蜿蜒飛向巖前落巖前皎  
 皎垂無窮中有怪石相擊沖飛珠歎玉作奇響極意擬議詞難工古人命名良有  
 取妙借形容雪與乳流液雪飛花一幅之中萬變聚我來披襟坐松風銀海  
 搖搖看難終雪耶乳耶兩莫辨見匹練懸長空安得蕭然萬  
 緣絕長共山僧伴寥寂雪與消渴乳療飢習清風生兩腋  
 趙需濤千丈巖築牆記昔梁武帝捨身同泰寺二次為漢明帝以來佞佛之尤說  
 者謂捨身者出家也若吾鄉之所謂捨身者則異是或財物被劫無顏歸家或債

負爲人逼迫計無復之往往至千丈巖捨身而死焉我剗有瀑布三千丈巖瀑  
布一徐冕巖瀑布一隱潭瀑布皆爲遊四明者必到之地彼捨身者不於徐冕不  
於隱潭而必於千丈巖者惟千丈巖之上平地數丈無畏急流隱潭由外入內巖壁  
峭立均懷悚然有懼色呼之腰者有隨流至數十里外者及家屬聞知來殮  
號哭之聲行路不忍聞嗚呼慘矣以余六十餘年所聞不下三四十人此三四  
逆者設有人從而勸阻之必不至於死此數十年幽僻無人何然則六十年以  
屬張君芝賢勸捐監造張君謂石上實以土覆之以草復壓之以石旁與同志江  
山築牆八十餘丈下砌以石上實以土覆之以草復壓之以石旁與同志江  
二百二十餘元捐資僅三之一張江兩君各出己資三之一兩君者真可謂勇  
任事者矣僧家救人一命勝造七級浮圖以百年計之兩君此舉直可救五六  
十人之命其爲功德豈有量耶張君又於每歲中秋日放焰一堂以祀數千  
來無數冤鬼亦佞佛而近於人情者余擬作記以傳其事因循不果者數年今  
志刷印將竣爰據實而追錄之  
光緒二十八年端午後二日

案築牆之次年余至其地往觀果然堅緻牢實復周視左右見石橋下水流直  
瀉恐捨身者從橋上一躍與從山崖一躍無異復向張君謂此處須用鐵闌干  
橫鎖之則絕無罅隙矣張君唯唯又次年張君謂余石橋下數丈亦可決其有  
鑿孔各一思想當初本有石闌干或鐵闌干也然則山崖之石闌干亦可決其有  
有特代遠年湮無由而知耳後張君亦因循未果不數年果有一人從石橋下  
捨身余愧力不能助又愧不克捐資以補罅隙可慨也夫然癸巳至今十年祇  
此一入張君之力亦匪細矣我刻有仁人君子慨助六七十金  
俾張君克終厥事始毫無遺憾云是余所日夕不忘者也  
以上後路

三記巖 在塔下村上溪中或誤以三石當之不知三石卽三巨石在丹小山中

汪祖經三星隱石詩○在剡源四曲五曲間與丹霞洞三石隔里許○不假越王名中流鼎足成麗天依素魄入水耀金精勢作排衙看歌誰在留廣綠溪尋古蹟  
誰與悟  
三生

塌巖 在三石廟後嘯天龍之右亦名千丈巖高十餘丈大雨時瀑布流泉聲聞數

里上有石蓮菴故址卽周貞靜先生祝髮處

風洞巖 在塌巖之上光緒紀元趙霈濤嘗築室五楹課子授徒

三巨石 延祐志七 重疊而上高十餘丈危險欲墜一縣之石無奇於此其形略如磊字

名三星石在丹霞洞前 以上中路

陽聖巖 在石門將軍山中屹然特起高十餘丈下俯峻谷險不可測水從銀陀嶺

來者環繞其下左右山壁立巉削山麓畦陸錯雜前則羣峯簇聚曠覽無際爲一

村之勝景 石門毛譜

以上前路

岡



龍洞岡 距茅洋頭七八里中有雙峯潭

風門岡 在三石廟後

嶂

龍角嶂 在北溪

火燒嶂 在三石場巖嘯天龍之上

灣

樵樹灣 周貞靜結菴於此

明周齊曾築瓢柏瓦樵樹灣詩草草溪山略肥裁松分一屋見株梅多開牖為通  
花氣不放樵因護竹胎但有石同天外立可與人話此中來飄飄羌勝林燕剩  
得香泥溼到顯綠扶遙天峯不開一峯開見數峯迴未栽五柳先培竹補種多  
黎待續梅伴我影憑月送出添人迹自鳥分來何須更事晨昏課擾擾魚聲萬木

谷

小盤谷 在兩湖元陳子翬居其中

畧

竺家畧 在柏院深五里互詳氏族

倪家畧 本堂集 在塔下村上深五里互詳氏族

陳著到倪畧回詩七十四歲已見境九千百步尚尋山暗從今日逆數轉能得平生幾日間

周家畧 在塔下村下 黃洞畧 在三石深六里

鄭家畧 在三石宋秘書監陳著墓葬於此 參鄞志

小千畧 近公塘半屬禽孝半屬剡源深十里小畧不計其數故名互詳氏族

以上中路

中華畧 深五里互詳氏族

長錫畧 天厨畧 刻源集 在三石嶺脚元戴表元祖墓在此

戴表元祭張村天厨山神文維年月日婺州路儒學教授戴表元謹致告張村天厨山之神維我祖考府君祖妣夫人實始託體長錫壘山不肖孫憑賴遺蔭幸未成居積累歲年增邊拓表延袤廣今將用閏月某日預卜壽藏於茲山瞻言長錫歸在東首祖孫相依禮惟其宜惟神尚安妥之勿震勿愆以康我不肖躬

以慰安先親之靈則幽明之間為惠侈矣是敢祇告

董家巖

詳氏族

以上前路

高巖

剡源九曲之一亦名高峯互詳氏族及古蹟

以上後路

阮

桃花阮

詳見桃花阮山

案桃花阮疑在董村方與寶慶志所云中有平田數百畝相合黃梨洲全鮎埼

以為在三曲兩湖者似誤

宋釋足菴詩地僻人居少林深路轉迷桃花流水細不異武陵溪

明李灑詩高僧飛錫地錦石多桃花吾非句漏令乃此逢丹砂雲中吠仙犬洞底流胡麻定有逃秦者人煙隔暮霞

陸寶詩桃花深淺色乃在石壁上苔黏落似遲口炙嬌相向執有既非繪觀空併無相為川悟道時半偈留方丈

柏阮

剡源九曲之一

康乾二志同

或作白阮詳見古蹟

黃沙阮

距下蹕駐八九里所產龍鬚筍極佳沙山之筍節輒而味鮮江所稱為

蹕駐筇者是也竹山所出蟬蛻尤美光亮如金潔淨而無泥漬洋莊收去以作假泥金之用價比他出者大

陳著回途望黃沙沈懷朝兒詩昨日山前扁憶兒回頭凝望更依依如今精爽如何在采得蘭花泣看歸又遊蔡峰過黃沙阮懷朝兒詩入谷崎嶇十里程更崎嶇處見沙坑幼兒曾寄如鴻影老我難忘砥憤情後日早知為死別當時寸步亦同行流今但有東風淚洒入流泉慟失聲

西院 在西峯寺西

宋陳著避難西院用淪韻詩春雨宜農耕逆旅愁坐雨雪寒飢殺人豪富雪中舞憂樂古來殊欲說頭自俯見山豈不愛身危心不武入深復入深有谷如子午生死未可知誰能問甘苦又避難西院用淪韻詩頭禿髮蕭蕭誰知生轉勞危心貪避遠老腳失高低高薄探義山獻難逢仙徑桃如何是歸日世事正囂囂

長灣洞 在三石黃洞巖長灣山中可容坐二十餘人

丹霞洞 在丹小山中案康熙志作非詳丹小山

明汪綸詩溪上栽桃滿洞花洞門石壁掩丹霞茫茫流水空仙迹寂寂秋山槎  
歲華古木垂蘿長拂地野猿生子亦成家乾坤已入昇平久莫為秦人理釣山槎  
壁○衡案劉川詩鈔  
壁作扇秋作青

釋穎詩山無鳳凰飛洞有仙人迹  
 鵝蘿苔偏上履自慙無道骨安問緣雲客  
 釋真承詩半泓源澈那能窮一勺隨潮海  
 眼通自是鍊丹人去後百千袖子飲生風  
 周齊會詩山身即大士水月涵其腹稿形青  
 黢中蠶炎如得沃嬾工搜洗禪僧苦未脫俗  
 清陳錦詩隱約丹霞古字書洞天突兀覆空虛  
 老漁石是媧爐飛到此水疑仙鼎棄將餘山間更有精藍在可許塵心與掃除  
 江迴詩為探幽勝步層巔赤水丹山別有天人識烟霞留古篆我疑秦漢有遺  
 編雲根泉涸龍方蟄洞口風寒鳥不前卻羨當年張果老居然到此夢神仙

以上中路

黎洲洞

洞有黎洲

乾道圖經黃鼎序

水東出句章

延祐志七

清孫事倫黎洲洞天詩四明三洞天黎洲居其一真人魏道微治之為仙室漠漠溪沙中仙物時會出鏗然響石坪恍自諧鐘律俯仰境界寬來往遊蹤逸移署黃

太冲仙術成儒術

金井洞

縣西七十里即茶阮

延祐志七

巖壁如削瀑布如虹瀉於潭外有石平衍可容

百餘人盛夏無暑與隱潭齊勝

康熙志

案洞在巖阮之麓康熙志以為在佳嶺之

麓誤

清王景堯詩豈倩金人持杵撞緣何媿美益  
陽岡寒泉一汲衝霄漢普施遐方作保障

設僧洞

縣西六十里

嘉靖志

距董村證道寺故址半里許

案康乾二志誤作西北

以上後路

石門洞

縣西南六十里

延祐志七

宋樓鑰詩扁舟百里連城回青山中斷立兩崖清都虎豹隱不見但見閭闔排雲  
開峯回失喜大飛瀑聲震萬壑驚春雷掀髯上極九霄外玉虹千丈飛空來一  
青女斬天雪不知聚此山之隈傳聞神龍臥其上寶藏擊碎真瓊塊胸中先自無  
塵埃到此更覺心崔嵬天風為我噴空翠春水寫入騷人懷謫仙曾來寫勝句劉  
郎又為開天台我慚筆無挽牛力醉墨滿壁誰為裁或言龍湫  
更奇絕雁山高處深雲埋我方攜筇往尋訪未知此何如哉  
以上前路

嶺

赤泥嶺

縣西四十里

嘉靖志二○康乾志同

元戴表元詩種桑三年寒得衣養積作牛堪挽車生男祇解戀鄉土五日溪船人  
父歸前行倉庚後杜宇去家漸近聞鄉語恨身不作田舍兒騎竹搏泥繞牆戶催  
生衣食取裁足阿奴碌碌徒囊獻書覓舉真下策年少  
奔馳頭已白君不見燕山萬里客更難赤泥嶺上春風寒

啤嶺

近沙隄

雪竇嶺

沙隄往雪竇之路長十餘里半屬禽孝

明宋琰詩逼人寒  
氣曉稜稜躡蘿力  
倦登十里松風聽  
盡磐聲猶在白雲層

趙家嶺 徐家步頭往小千巖之路

康家嶺 康乾二志同 今省作康嶺 西隅嶺 距縣五十五里 下汪嶺 距縣五十

六里

三石嶺 距縣六十里長五里 阜茨嶺 在柏阮村上

六詔嶺 寶慶志作陸照 縣西一百里 康乾二志同 詳古蹟

案今六詔不名嶺六詔以上五里曰晚響嶺晚響嶺以上十里曰剡界嶺然一地名至少五里多或十餘里寶慶志以陸照嶺為界是今六詔以上至剡界嶺通名陸照嶺也

晚響嶺 土人作萬鄉嶺孫竹灣集中作飯香嶺邑令韓培乾作萬象嶺 題右軍廟聯有嶺含

萬象之句

剡界嶺 與新昌接壤兩縣界石在焉

案奉化界年前被爐戶張昌順移至新昌一丈有餘

九雷嶺 縣西九十里嘉靖志其下為火燄嶺

案嘉靖志康乾二志俱載九雷嶺縣西九十里查九雷嶺屬嵎縣當時斷無以  
嵎地而收入奉化之理今六詔上又另出一火燄嶺路通九雷嶺然則火燄嶺  
即九雷嶺也當時合而為一後人分而為二亦猶石門村後下半條名扁擔嶺  
上半條名菱湖嶺云

謝婆嶺 在石橋頭長二里 銅版嶺 在西巖長十里

東赤塢嶺 在黃沙阮長八里接新昌界 老鼠嶺 在黃沙阮 沙阮嶺 六詔

往黃沙阮之路長十里

磨石嶺 距縣一百里接新昌界

白沙岡嶺 六詔往西巖之路長十里 以上中路

避水嶺 近許家岸



廓浪嶺

剡源集

今不知改名何嶺

瓦嶺

在榆林

剡源集

穀坡嶺

近董家坪長七里

下巖嶺

在巖頭長二里

寺後嶺

在西峯寺後

長五里

風壘嶺

在東阮長十里舊名東阮嶺距縣六十里

寶慶志

宋陳著次韻兒淪六月十二日登東阮嶺詩欲壽吾前酒一行走三百里火雲程熱時卻有寒時節汝母梅花臘底生

茅坡嶺

在謝監山長五里

烏龜嶺

在中華畧長五里

豬頭嶺

近界嶺長八里接連山界

張家嶺

近

界嶺長五里

界嶺

縣西七十里

嘉靖志

今名寒風嶺長七里

案由張家嶺至界嶺祇二條嶺無三條嶺今張家嶺麓有村曰界嶺從巖頭遷居於此不過百年以外又別出寒風嶺然則寒風嶺即界嶺也且所謂界者與

連山為界也以界嶺為村名起於近時以界嶺為寒風嶺不知起於何時

銀阮嶺 在石門長十里 周家嶺 在石門長十五里其陽名長嶺屬連山

石嶺 在石門長五里 箭嶺 在石門南溪廟下非連山之箭嶺也

菱湖嶺 下半條名扁擔嶺長十餘里 以上前路

百步階四明山志作街 亭下往雪竇之小徑長十里

小晦嶺 即亭下

宋高元之詩路自崎嶇心自平雲扁無鎖但徐行松風石溜含悲怨中有樵夫度嶺聲

虬洞嶺 在馬村 彈石嶺 近馬村 環潭嶺 近環潭 白壁嶺 近白壁村

毛顛嶺 縣西六十里四明山之南接大小晦崎嶇澗谷行者艱阻宋紹興初有毛

居士者鑿崖以便商旅之往來寶慶志 遂以名嶺延祐志 竺君大本題其崖曰鑿破

巖崖砥樣平要令民旅得通行為君題作毛顛嶺留取毛顛千古名寶慶志

大晦嶺 距縣六十五里在西山頭 松門嶺 在巽底

碓嶺 近住嶺 住嶺 縣西六十里嶺在山谷間早晚不見日正午可行康熙志

案六十當作七十今則早晚亦可行矣

立石嶺 在董村 三折嶺案登譜折作褶董村往北溪之路長二十里

龍華嶺 近巖院長十里

東陳嶺 九曲嶺 烏龜嶺 俱在西海溪

進巖嶺 在巖院長十五里皆鳥道

南背嶺 界牌嶺 俱近唐田 深院嶺 棲霞院往唐田之路長十里

烏巖嶺 湖潭往唐田之路長十餘里最險峻 和合嶺 北溪往黎洲之路長十

里最險峻 黃積嶺 在黎洲

脚躡嶺本堂集 在徐巖巖之北半屬禽孝

案四明山志鄞志作躡躡康乾二志作趙翹界鄞奉之間故鄞志亦收之

宋陳著詩石路崖窺雲上頭北雲南雪此鴻溝誰人題作脚躡嶺不到山心不當遊

明王挺詩秋日澹平蕪登攀與不孤翻疑盤谷道還是朝  
川圖嵐氣諸峯合溪容衆壑殊何人乘欸段四顧為躊躇  
錢文薦詩峻嶺終須陟躊躇且莫前松聲寒帶雨石氣溼  
生烟立馬崔嵬外聽鴻慘澹邊溪南舊茅屋冷落已多年

唐興嶺 縣西一百里通紹興府界 嘉靖志同 今訛曰唐塢嶺 歙縣志作堂塢更

誤

案獨樂石裏屬歙縣康熙志作一百一十里 以上後路

塢 山坳岡脊有通路者 見越諺

巖阮塢 棲霞阮往巖阮之山徑

馬鞍塢 西隅往馬村之山徑

塢

桃花塢 其菴為孤峯德所結在俞村 四明山志

薛家塢 在董村宋竺頌葬此

茅塢 在六詔山中俗稱漫塢詳龍湫

筠塘塢 有孝義菴今訛稱爲經堂塢

清宋聲雲筠塘塢秋夜獨坐有感詩彈指月光陰禪閱艾年無多豪氣散秋煙三生石  
刻彌陀佛九轉靈丹李白仙玉笛數聲吹月浪禪房小住話詩緣舉頭天外叢桂  
好遲我香  
凝畫閣前

長男文衡校字

步  
沙  
統  
元  
年  
二

刻  
曲  
草  
堂  
印  
行

剡源鄉志卷三

奉化趙霽濤 醉仙甫纂

川類

剡川 合前後中三路水總名曰剡川詳見下一邑亦以剡川槩之以剡源之水源長

發源於嵎距剡源三十里而流遠也經三江口過郡城入海

清孫培剡川懷古詩剡曲初開陸照傳俄馬六詔以王右軍得名○解組歸來賦遂先生誓墓年○剡源第一曲曰陸照今稱六詔以王右軍得名○解組歸來賦遂為公榮全氏結琦亭集有辨○百里牽絲未盡才旋從城固嶺頭回萬家士女思遺愛都道陳公此去來○本堂陳先生知縣歸百姓送至城固嶺遂改呼陳公嶺云

溪

剡源溪 縣西六十里有山夾溪而出蔚然深茂者剡源山也謂之剡源者以其近

越之剡縣名之也梅福四明山記曰一澗出南過一百二十里其水歸鄞江是四

明山南門也四明山志其溪九曲一曲在六詔二曲在蹕駐三曲在兩湖四曲在柏阮

五曲在三石六曲在茅渚七曲在斑溪八曲在高畧九曲合於公塘溪

乾隆志

逾泉

口會於三江口入北渡達於海

延祐志七

其水發源於大湖山曲折經剡界阮至真武

殿前十里東折至水碓頭五里牛阮水經通寧橋自西來注之又寺畧水自東來注之行里許前畧水自東來注之過晚響嶺火燄嶺水入之又小黃沙阮水自東來注之行三里至麻廠塘阮水經大慶橋自西來注之又單家阮水來入之過六詔茅塢水自西來注之又曹塢畧水自南來注之行三里曹家地水自西來注之行二里龍塢水自西來注之行二里俞家畧水自西來注之過上蹕駐錢家畧水自北來注之又柏塢阮水自南來注之至下蹕駐其一支發源於磨石嶺經大阮合雙峯洞水東流過黃沙阮合西畧水經接引橋孝義菴行三里與下蹕駐水會合流經仙靈橋前塢水自東來注之行里許黃阮水自南來注之行三里過柏阮竺家畧水經魁橋自西來入之行里許南畧水自南來入之行里許倪家畧水經仙人橋自西來入之過塔下周家畧水經雲龍橋自西來入之行里許黃洞畧水



自南來入之過三石風門岡水逾石井洞經三星橋自西來入之行六里過茅渚  
行三里與斑溪水會又北過康嶺經法喜寺前行二里過公塘又過徐家步頭鎮  
東橋水入之行里許乾溪水自東來入之與西晦溪水會行二里雪來水合灌纓  
水自北來注之經躲雨巖潭過上山墨斗潭至溪口是謂剡源水

鄒子喆剡溪道中詩一泓溪水弄新晴激石飛湍沸雨聲橋傍屋亭連古寺山迎  
遠水遶孤城侵衣綠樹涼風集濯足閒潭爽氣清滿目陰森看不盡前村日暮促

程歸

周志械秋夜舟入剡谿同族弟范詩俱有山南意扁舟歸夜闌草霜微  
綴白楓壑暗流丹月色淡何異林聲空欲寒高枝知鳥宿羨彼夢差安  
周時望入剡詩雪後溪山活尋春入剡溪暎波花欲笑出谷  
鳥初啼人挾浮槎快雲扶坐席低飯香梅塢裏正開午時雞

斑溪 發源於大雷山頂曲折至石門銀阮嶺水與川山洞水自南來注之又周家  
嶺水自東來注之又石嶺水自東來注之經梯雲橋過笏杯山下經迴瀾橋又經  
獅鳳橋西過楊墅又西過樟墅又西過榆林中華鑿水自南入之曰中溪其一支  
發源於雙峯洞過大水阮又過界嶺又過塔裏阮大鑿水入之至董家坪白石水

注之經東阮橋東阮水注之又過許家埠又過茅阮西阮水經西鳳橋來注之過西溪廟又過龍頭山麓至西峯寺前過巖頭與中溪水合經楊家地北流五里過許家岸曰澤溪又北流五里至斑溪又西北流三里至康嶺此剡溪前路之支流也

西晦溪

發源於嵒縣之栲阮東過湖潭

屬縣

烏巖頭水來注之又東過晦溪又東

過石門

屬縣

敏阮水來注之又東過葛竹

屬縣

又過篁竹又東至住嶺左溪水自

南來入之又北過斑竹園茶阮水注之又北折至毛家灘又北東至白璧又過環潭又東北至馬村其一支發源於三折嶺徐鼻水來注之又一支發源於南背嶺過棲霞阮經四明橋合流至董村曰董溪振衣巖水注之經廣通橋又南至俞村又東折至馬村與西晦溪水會又北折至亭下雪竇瀑布水與隱潭水自北來入之過嵩溪廟前過高畧又過後董至徐家步頭與剡源九曲水合此剡源後路之支流也

丁謙自湖潭至晦溪道中詩沿雲尋勝跡地僻少人逢路轉見茅屋  
門前多古松亂峯圍絕徑野水聚寒春漠漠村煙裏悠然何處鐘

靈溪 源出響石坪過大巖下經石窗下至大俞

北溪 發源於三折嶺顛過茶焙曲折至狗頭頸山下唐田水自南來注之經積善

橋躊躇嶺水自東來注之又鄞襄湖水自東來注之匯於合溪過北溪經仁政橋

北折至雙溪口合靈溪水東折至大俞出鄞縣

左溪 發源於九雷嶺行十餘里凡三十六曲唐興嶺水自西來注之至獨樂石迤

遷至沈家巖行二里與西晦溪水會

董溪 嵩溪 澤溪 中溪 俱詳前

元戴表元晚秋遊中溪詩淡竹岡前沙雁飛小花尖下柘丸肥山雲不見雨自薄  
天氣欲寒人正歸招伴祇須新稻酒臨風猶有舊苔磯風流鬢髮莖莖在怪石老  
松今是非經秋溪水碧洄無數曉山如鏡臺紅葉從龍疊出白雲飛向石  
門來亦逢紙戶曾相識尙有樵蹤且莫回端爲何人作風物漫山漫谷野花開  
休折山中松桂枝溪魚亦小莫垂絲沙田翻白收亢後霜樹著紅嘗柿時日落牛  
羊歸熟徑天寒鳥向人慈出雲數里成官路問事如何總不知樹淡雲濃又  
一坡招邀處處是行窩梯幾危似蟻緣木架屋高如鵲結窠水味野栽焚白瘞山  
毛人摘芋紅多行年四十不稱意更欲客遊知奈何又九日與兒輩遊中溪詩

悠悠循澗行  
磊磊據石坐  
林垂短長雲  
山綴丹碧顥  
蓼花最無數  
照水嬌婀娜  
何知是節序  
風日自清妥  
羣童競時新  
藕果間蔬蔬  
欣然為之醉  
鳥帽危不墮  
此日山中懷  
孟翁不如我

乾溪 小千畧水出焉

湖

梨洲湖 大可三畝今其地曰湖裏

汚沙龍湖 距平阮三里汚沙龍小山前大可三四十畝深五六尺中多蘆竹大旱

不竭大雨不溢亦一奇也

大湖 在大湖山頂大可數十畝深五六尺但人不能立立即陷入泥中其水旱潦

不竭不盈一出嵎縣一出新昌一出剡源

兩湖 至正續志 剡源九曲之一今土人呼曰兩頭湖

清宋聲雲月夜望兩湖詩徹底波清照兩湖月明珠盤谷認前途千秋無數珊瑚網畢竟還遺此地

堰

公塘堰

宋劉濤築

見趙敦臨洪村廟記

嶺下堰

在康嶺

涇山脚堰

近康嶺

茅渚堰

距康嶺三里

下汪上堰

下堰

俱近下汪

塘涇堰

獨山堰

沙田堰

俱在三石

三石塔堰

距邑六十二里溉田三百餘畝

仇家畝堰

在兩湖下

琰杯潭堰

在下蹕駐溉田百餘畝

鐘山脚堰

在孝義菴下溉田百餘畝

橫路頭堰

在上蹕駐溉田百餘畝

以上中路

高畧大堰

距縣五十里明隆慶元年張曾三張省齋築鑿嚴通晦溪水溉田三百

餘畝

洞潭大堰

縣西七十里明成化間里人單叔軒鑿石通剡溪水灌田八百餘畝

嘉靖

志康熙志浙江通  
志乾隆志俱同

案堰在亭下村裏七十當作六十其水一發源於相量岡過雪竇寺前出千丈巖一發源於東畧注隱潭合流至堰謂通剡溪水者非今大堰下相去半里分築堰凡四五處

又案乾隆志洞潭大堰上載大堰湖清堰二堰必俱在剡源大堰想是高畧湖清堰今莫名其處

王村堰

宋劉濤築

見趙敦臨  
洪村廟記

溉西畝田一千二百畝利賴至今

俞村堰

宋劉濤築

見趙敦臨  
洪村廟記

高大堰

距縣六十五里董村明宋璧築

康熙志浙江通志  
乾隆志作縣北世非

隄

沙隄 在五十二都

宋陳著新正過沙隄詩朝雨黃鸝靜春風暗葢低極知來令節未  
肯踏新泥狼籍桃無語侵尋草滿蹊還聞騎馬各躑躅向沙隄

塘

高公塘 卽公塘一作公棠

宋陳著公塘溪次侍舅氏竺九成舟偶成詩駐馬古溪頭期舟不見舟未知  
 來否的難決坐行謀灘遠寬飛鷺波平穩泛鷗功名在何處到此兩悠悠  
 清以得全祖望公塘辨別原有九曲而公塘為殿說者以為孫興公來山中華植棠  
 因則有黎不復有棠是以一事而附會之於地也予考之寶慶四明志本呼  
 黎塘蓋九曲之水會於晦溪而置堰於公塘未成堰之前而先有寶慶四明志  
 公塘蓋九曲之水會於晦溪而置堰於公塘未成堰之前而先有寶慶四明志  
 之曰公塘乾道四明志述形勝亦祇及興公之黎洲而無樹棠之說開慶四明志  
 吳制使於公塘置寨防盜則在當時為要地不應并其名而有誤也以塘為棠始  
 於至正四明志蓋好事者為之姚江但疑其雷同而未審其訛轉之自耳予初作  
 源至九曲辭亦循傳聞之說貽誤藝苑山靈有知當為齒冷因是正之以耳補失言  
 差之

案九曲之水會於徐家步頭之下非會於晦溪

石塘 在亭下清同治間單仁忠募資築

高塘 距晚響嶺十里大可六畝

渚

茅渚 剡源九曲之一詳氏族

池

荷花池 在亭下宅中

龍湫

龍鱗蟲之長以水為宅而據山川之勝惟其能為雨功及民物故奉以神祠 乾隆志

隱潭 縣西北五十里潭居兩巖之下兩巖相抗壁立數百仞仰以窺天僅如數尺

瀑泉如練循崖而落水寒石潔聳人毛骨每遇亢旱禱其潭有小蛇出沒旋應如

響皇朝嘗遣中使投金龍玉簡於潭以祈靈貺皇祐中杜說記之寶慶志 潭有三

由雪竇山而上見其上潭由小晦而上其中下潭皆可見俱在兩崖間泉瀑傾下

聲如震雷其下潭巖瀑尤奇潭之上有巨巖隆起半覆潭上瀑瀉潭外水深黑寒

色逼人前有平石如案方三四丈旁有石筍高七八丈人號為石筆峯至此四顧

毛髮竦然人以為真龍所宅也嘉靖志 六月十六日官致祭康熙志 二

案上隱潭屬禽孝中下二潭俱屬剡源



又案嘉靖六志潭條既出隱潭不當復出龍隱潭

宋梅堯臣詩老龍懸潭窟不雨亦不雲吐涎出溪滑吹腥隔林間疾雷驅未去欲引

房架山僧 煮春竹 郊雷突傍無塵埃蹤中有蛟龍窟寒氣不可向猛勢豈能屈安得當年旱為霖濟

樓鎗詩靈潭深入白雲堆帶雨春雲為我開亂石半空潭欲墜瀑泉千尺正中

來兩軍酣戰鼓聲急一雨生寒霹靂催中有臥龍君勿狎有時平地起風雷

陳著詩何龍能變化好將霖雨活東南

潭著詩何龍能變化好將霖雨活東南

僧重頤同於秘丞賦瀑泉詩大禹不知鑿來源亦自成色應憐素白

聲合讓孤清遠勢曾吞海飛流未噴鯨靈槎如可泛天際問歸程

明宋瑛詩婉婉中蟄水沈沈霧漲雲騰白

晝陰不是雷靈輓不醒此時未可去為霖

張時徹詩磴險愁窺壑巖開始見天衣裳牽宿霧石罅瀉

鳴泉四壁松蘿古孤峯日月偏雲雷時不歇如有白龍眠

王杏詩澄潭隱萬崖深窺裏乾坤合有心清藉日光搖五色潤移寬彩貫雙

峯鯨鱉吐氣紋迴碧泉日騰輝綺間金多少遊遊傳往事未聞靈瑞託遺音

汪綸詩隱潭路險絕再行雲去復還自遇聖朝修祝事每思霖雨出靈關

刻原郡志 卷三 川類 六 丹山赤水洞天

陳雀詩長潭切明河清洽流辰極飛泉自天下入地翻霹靂顛厓榮萬盤立壁互  
千尺隨鳥桂風藤孤猿嘯日夕下馬乘險行掘衣望空入問之巖居人云有蛟龍  
蟄歲時感禱祀神化應無迹是知山谷深乃有靈異集嗟余隱者流煩襟九折未蘇  
安得息世遊來此學仙術朝餐田上芝暮飲石中液凌海問三神御風窺九折未蘇  
遊皇初平同

作紫煙客

窟鳴雷詩崔嵬峭壁絕躋攀碧水澄泓龍

胡夢秦詩潭中何所隱有龍能

致雨帝命佐司農鱗甲皆禾黍

陸鍊詩藤昏石滑步蹒跚下及澄潭照膽

寒練影如雲天半落匡廬移作峽中觀  
姚淡詩已盡仙靈窟冥搜虹緣知能澤物膚寸起神功下龍

宮水靜沈青碧巖虛炫彩虹緣知能澤物膚寸起神功下龍

門時詩不歷隱潭水那知上寺尊萬蓮盤法界雙樹繞天

周齊會詩行逢石一斷疑無路多向奔流低處尋何如且立峯高頂只憑孤影下  
潭心此影空明水一色筆墨之外有妙流未知誰是具眼人欲看余但看潭水下

釋傳慧詩一坐松關意轉開隱潭千尺瀉  
深處白雲封○藍開靈窟信堪驚山外天光半角明最好晚來風颭候松濤礙礙  
清廓訪龍隱潭澄潭隱夾危峯飛瀑聲寒怪石銜我欲探幽訪龍窟薛蘿  
鳴作龍

江迴詩乳竇瀑布良已奇傳聞隱潭更奇絕看山早挾無厭心蟻展西行難自撥  
山行五里境更幽布色迎人互變易桃花石筍縹緲間四顧奇峯可指屈隱潭何  
處聲隆隆到眼忽驚來窮方層巒怪石孰雕鏤瑤草琪花雜羅列瀑布須從巖下  
觀俯視省冥訝無極逡巡幾負攬勝懷欲下不下未敢決輕險幸有武陵人導我  
懸崖履危石但喜得羅宇宙奇何暇向愛生平力此時臥石效淵明兩崖森森近  
相逼寒潭倒浸碧天圓飛泉傾瀉蒼崖裂圖經昔日空摩挲肺腑而今得深滌試  
問香爐及天台畢竟似此孰優劣松風謾畫常陰嵐濛濛夏亦雪初觀不覺  
興遄飛小坐輒復骨凜慄雲生不動石恐飛水激有聲龍欲出試與攀蘿屈曲升  
前後恍如蟻緣壁急拔此身力雖疲要為諸君相慶悅斯遊得此  
真奇觀山靈告我當有述惜無李白驚人詩更乏倪迂寫生筆

沙潭 在縣西六十里延祐志七馬村清乾隆初結亭三間

金井洞潭 詳洞結亭三間潭有二緣崖而過光滑如鏡俱深不見底

設僧潭 詳洞 以上後路

茅塢潭 距邑八十里在漫塢山中清咸豐閒結亭三間俗誤以連山之鎮亭山當之

謝婆潭 距邑八十里在黃沙阮結亭三間

西湖山潭 近西巖

沈阮潭 在縣西七十里延祐志七今名西游近上蹕駐

丹霞龍宮 在丹小山丹霞洞中

宋陳著詩丹山高處坐龍宮山下人歸潤  
澤中北馬一塵飛不到危時方見有神功

清陳錦遊丹霞龍洞詩隱約丹霞古字書龍宮突兀覆空虛人消俗慮忘歸路地  
勝桃源近太古木垂枝蘿拂地巉巖抱脚水成渠風雲雨露時常濟德澤旁通

懋比  
閭

石井潭 在三石廟後里許大可半畝深二三丈二面巉巖壁立潭狀如鑊非鎮亭

之石井也昔時祈禱必應今兩旁古木斬伐殆盡無甚靈驗清咸豐間天旱農人  
車水每有嘉慶道光閒禱雨之疏浮出水面真奇事也

石蒼龍潭 在沙隄裏畧阮 以上中路

石門洞潭 詳洞 聖潭 縣西南七十里在石門又名穿山洞與石門洞並顯禱

雨必應 乾隆志

戴表元觀邨中禱雨詩十里不同雲五里不同雨天公白茫茫乃爾多肺腑人言  
蛟龍神象類可以取蛇蟲當此時行路誰敢侮飛騰信有術忍待號者苦咄哉神  
禹功浩蕩流萬古昨日苗穗赤今朝洒然青頗如窮旅人百金換顏形念爾雖微  
根同稟造化靈自古有枯旱人類幾千齡恐是自生化難皆問蒼冥野草人不憐

何獨不彫零西村送龍歸東邨請龍出西村雨縣縣東邨猶日出共稱西人良或  
是窮可恤誰知所雨粟盡入東村室儒生無愛憎但喜蔬蔬實通年一飽廚猶在  
峽 兔園

周濟潭 縣西南七十里在石門與連山連界地名馬龍阮禱雨必應乾隆志 案此

潭當屬連山

西洩潭 其潭如井在縣西五十里延祐志 康志 同 斑溪

以上前路

井

古井 在三石陳本源堂前大旱不竭

塔頭井 在徐家步頭夏時行人往往取飲大旱不竭

寒井 距沙隄八里大旱不竭上覆屋三間俗呼井亭

案此處古時  
想有村落

以上中路

玉井 在巖頭水甚清冽

以上前路

大井 在西山頭

甘井 在亭下

以上後路

橋

董家橋 詳氏族

鎮剡橋 在沙隄上覆屋七間清光緒十二年重建 廣惠橋 在沙隄 竺家橋

在沙隄北 陳家橋 在入山亭下

衆濟橋 在徐家步頭曠清邑庠生蔡肇基邑人凌可三募資建經始於光緒二十

一年至明年十月二十日落成行人便之江迴爲之記

鎮東橋 宋劉濤建 趙敦臨洪村廟記 距縣四十五里公塘 康乾二志均誤 上覆屋七間

三星橋 在三石 雲龍橋 在塔下上覆屋三間 永貞橋 距塔下里許

仙人橋 在倪家畧 仙靈橋 在下蹕駐上覆屋九間清光緒二年僧靈杰募建

永安橋 在上蹕駐 太平橋 在龍塢口江加星建 永鎮橋 大慶橋 俱在

六詔

通寧橋 在水碓頭 接引橋 近孝義菴清道光初僧靜安建

定安橋 在黃沙院清道光初汪祖成建

永興橋 在黃沙院 定安橋 在黃沙院清道光初汪祖成建

永正橋 在石橋頭清光緒二十六年汪忠貞募建 夢仙橋 在茅洋頭 以上中路

西鳳橋 距巖頭三里 世寧橋 在榆林 永豐橋 在界嶺

獅鳳橋 距石門五里清咸豐十年毛乾坤等募建 梯雲橋 縣西南七十里在

石門內疊石為洞上覆屋七間 乾隆志 迴瀾橋 在石門道光間重建

大石橋 在張家院清同治七年國學生毛謙模建

常春橋 在斑溪清光緒二十三年武生董佐朝募建 以上前路

龍泉橋 在亭下清光緒九年里人沈賢卿張永清募建 隱雪橋 距亭下五里

千丈巖水由此經過清光緒初年馮光被單香有募建

西成橋 在洪村廟前清光緒十二年里人沈賢卿張永清募建

廣通橋 在董村下宋竺大年創建厥後屢圯屢修清咸豐八年邑增生竺林等募

資重建上覆屋九間 四明橋 距董村五里清同治十三年里人竺商臣募建

長安橋 在棲霞阮清同治十年建上覆屋六間 長壽橋 距棲霞阮二里清光

緒十七年六品封君王其瞰募建 眠佛橋 在棲霞阮式穀堂下清光緒二十

二年六品封君王昌法建澗中有巖頭顛手足耳目儼如眠佛橋名因之土人呼

為眠和尚惜昏口數年前為樵牧損壞其半

金井橋 在毛家灘斑竹園之間清乾隆五十三年里人俞爾孚胡贊元等募建光

緒二十七年四品封君王昌灼等募建 普濟橋 在毛家灘清嘉慶時里人王

廷建募建

從心橋 在西晦溪口清光緒十一年俞張氏建 太平橋 在西晦溪 金山橋

在西晦溪清同治八年單心從募資重建上覆屋十三間 雙魚橋 在西晦

溪

一字橋 在巖阮清乾隆間王興玉建 鎖青橋 在巖阮

永寧橋 在唐田半屬嵗縣清乾隆間郡賓唐理方例貢生唐錫宰同建 積善橋

具在唐田半屬嵗縣



水口橋 俱在唐田半屬唵縣

仁政橋 在北溪清嘉慶十四年太學生盧聖聰等募建上覆屋十一間 積善橋

在北溪清嘉慶閒節婦盧唐氏建名仁壽橋後圯光緒二十二年盧繼賢重建

改今名

鎮東橋 在黎洲廟下水口清乾隆閒建上覆屋五間 長安橋 在黎洲溪下清

嘉慶二十三年王元恆募建 惠濟橋 楊樹橋 俱在黎洲 以上後路

渡

鎮剡渡 在沙隄每屆寒露後豎立木椿如八樣橫架二木上編雜柴俗名籤橋至

次年立夏前拆去 恐山水驟發而漂沒也 以船濟之

鎮寧渡 在徐家步頭一名合江渡一如鎮剡渡之式沙隄人經理

同興渡 在康嶺村下其籤橋如鎮剡渡惟拆去後以竹籐濟之

永濟渡 在康嶺村上一如鎮剡渡之式 以上中路

光豐渡 在亭下一如同輿渡之式向亦用船清道光末船被漂去代以竹箨

以上後

附

水碓 藉水之力以舂有三制平流則以輪鼓水而轉峻流則以水注輪而轉又有

木杓碓碓幹之末剝為杓以注水水滿則傾而碓舂之唐白居易詩雲碓無人水

自舂是也陳縣志俗呼老鴉碓三路均有之

水磨 以水轉輪以輪轉磨陳縣志三路均有之

長男文衡校字

剡源鄉志卷四

奉化趙霈濤 醉仙甫綦

氏族 戶口附○案戶口數目止就光緒二十七年查明日登入

董家橋向東地屬禽孝鄉戶隸五十二都 董氏遷自斑溪十三戶男三十五女二

十三 周氏遷自長壽鄉之周村四戶男丁一女八 李氏二戶男二女三 周

氏遷自剡界嶺一戶男二女三

沙隄向東康乾二志列其名其下接禽孝鄉上山互詳川類 樊氏始祖名良忠北

宋時為監察御史自翁州遷居於此本堂集歷二十八世儒三戶附生一名儒童三

名餘二百九十九戶男五百七十一女四百五十九 單氏遷自亭下七戶男十

三女十六 周氏遷自順天府一戶男三女一 陳氏遷自三石二戶男女各六

趙氏遷自三石四美派二戶男女各四 樂戶仇氏一戶男女七

入山亭 距沙隄二里互詳旅亭 張氏遷自許家岸三戶男九女五 唐氏一戶

男六女三

後董

向東南

距沙隄四里 董氏十七戶男四十一女三十四 鄔氏遷自長壽鄉之

禾家橋一戶男女各一 俞氏遷自沈家巖一戶男五女三 馮氏遷自東山一

戶男一女二 竺氏遷自嶧縣之葛竹一戶男一女二

徐家步頭

步俗作埠

徐氏遷自禽孝鄉之白巖二十一戶男三十三女三十四 孫氏遷

自長壽鄉之蕭王廟十二戶男四十女二十八 樊氏遷自沙隄十四戶男二十

八女十八 江氏遷自連山鄉之棠巖五戶男十六女九 毛氏遷自巖頭二戶

男女各三

公塘

向東南

寶慶志有公塘村其後塘訛為棠 唐氏始祖名嘉仲號木齋貢元新昌

唐家洲人授公塘稅課巡司因家焉歷二十三世儒二戶儒童二名餘一百六十

八戶男三百六十二女三百二十二 毛氏遷自石門四戶男九女七 張氏遷

自馬村十二戶男三十四女二十四 應氏遷自禽孝鄉之日嶺一戶男四女二

康氏遷自康嶺一戶男五女二 張氏遷

汪氏遷自黃沙阮二戶男五女三 康氏遷自康嶺二戶男五女二 張氏遷  
自高巖一戶男二女四 陳氏遷自楊墅一戶男一女三 俞氏二戶男六女一  
樂戶錢氏二戶男女六 張氏六戶男女十八

小千巖 距公塘五里至十里中有澗水曲折行至乾溪互見山類東接連山鄉北  
接禽孝鄉 馮氏六戶男十二女十三 江氏五戶男十四女十二 曹氏二戶  
男五女一 阮氏一戶男一女三 鄭氏一戶男女各一 吳氏一戶男五女三  
康氏一戶男女各三 宋氏二戶男七女五 俞氏一戶男三女二 樊氏二  
戶男六女三 竺氏三戶男十三女十一 丁氏一戶男女各一 唐氏五戶男十  
六女十三 蔣氏儒一戶儒童一名餘一戶男五女二 張氏四戶男八女  
五

爛船灣 距公塘十餘里接連山鄉 江氏遷自棠巖二十八戶男一百十二女九  
十八 以上隸五十二都

康嶺南向西 古名茂林即康乾二志里至康家嶺 康氏始祖名敬字彥中宋建炎時

自鄞之茅山葬父於此因家焉集別源 儒二戶儒童二名餘一百五十九戶男三百

七十女二百九十三 張氏遷自高巖二十三戶男六十女四十五 周氏戶遷

自邑之北門十八戶男二十三女十四 竺二戶二戶男五女三 曹氏一男三女

二 王氏一戶男女各二 店鋪客民八戶男十八女十一 樂戶仇氏二戶男

女七 附襄巖術 康氏康嶺派一戶男二女一 阮氏遷自禽孝鄉之上山二

戶男女各二 樂戶一戶男女三 以上隸四十九都一圖

茅渚北向西 互詳川類 張氏乾隆時遷自許家岸儒三戶附生一名儒童二名餘五

戶男十六女二十 康氏遷自康嶺二戶男五女二 毛氏遷自楊家地一戶男

女各一 曹氏一戶男一女二 俞氏一戶男一女二

西隅南向東 實茅渚地清初名西魏 康氏遷自康嶺儒一戶儒童一名餘十二戶男

三十五女三十一 樊氏遷白沙隄儒三戶附生一名儒童二名餘二十四戶男

五十二女四十五 竺氏遷自董村一戶男女各三 陳氏遷自大陳衙一戶男  
女各三 張氏一戶男三女一口

田廠 近西隅康氏遷自康嶺三戶男六女四 以上隸四十九都一圖

下注向西距三石四里 張氏遷自許家岸五戶男十二女九 康氏遷自康嶺七

戶男三十二女十七 毛氏遷自巖頭一戶男四女六

張氏 戶寄隸四十九都二圖  
康氏 戶寄隸四十九都一圖

三石向東剡源五曲卽寶慶志三石村丹小山中有一巨石故名爲剡源一鄉適中

之地互見山類 陳氏始祖名棠吳越時自台來爲奉化尉遭亂不能還始居茅

渚後遷今址至太博著閱數世多轉徙他方今存二戶男三女二 陳家陳氏亦

棠之後至新城尉觀迄今分四五兩房儒五戶附生三名儒童三名餘一百七十

一戶男三百八十二女三百十 下趙趙氏康熙時遷自寧海之馬婆園九戶男

十八女十七 唐氏嘉慶時遷自新昌上蔡畧二戶男女各五 江氏遷自長壽

鄉之後江二戶男五女三 應氏咸豐遷自泉口之應家一戶男三女一 張氏  
 遷自馬村一戶男四丁女一 康氏遷自康嶺一戶男女各一 朱氏一戶男女  
 各一 毛氏遷自石門一戶男女各二 張氏下汪派一戶男女各三 何家何  
 氏前明中葉遷自長壽鄉之塘灣儒二戶附生一名儒童一名餘四十八戶男一  
 百八女九十五 趙家趙氏前明中葉由縣之東郊徙居康嶺後遷今址儒四戶  
 職附一員增附生三名鄉試監生一名儒童三名餘九十三戶男三十七丁女一  
 百九十二 戴氏一戶男四丁女三 樂戶仇氏一戶男女三 錢氏一戶男女  
 五 附黃洞壘 毛氏巖頭派一戶男三丁女二

塔下向東古統名三石後始分今名 曹氏始祖名粹中字純老由進士官至建寧

通判偕子盥遷自定海攻魏集并結埼亭集儒二戶附生一名儒童一名餘一百

八十戶男四百四十女三百二十七 康氏遷自康嶺二十六戶男六十七女四

十八 徐氏十一戶男二十二女十五 葛氏遷自禽孝鄉之前葛六戶男十四

女八 趙氏上一房派五戶男七女三 江氏一戶男一 竺氏一戶男一女三



女八 趙氏上二房派五戶男七女三 江氏一戶男一 竺氏一戶男一女三

樂戶錢氏三戶男女二十三

倪家畧向東距塔下二里至五里本堂集中已有倪畧之名倪氏二戶男二女一

曹氏塔下派十八戶男四十八女二十八 唐氏遷自公塘五戶男十五女十

四單氏二戶男女各五

寺前向東在淨慈寺前故名陳氏遷自柏院十一戶男二十五女二十六 竺氏一

戶男三女一 以上隸四十九都三圖

柏院向東互見川類一作白院亦曰柏溪 陳氏遷自三石儒七戶附生二名儒童

五名餘一百八十八戶男四百九十女四百二十九 俞氏遷自邑之北街一戶

男四女三 施氏遷自徽州一戶男二 江氏遷自徽州一戶男一 張氏遷自

餘姚一戶男女各二 毛氏一戶男女各二 曹氏一戶男二女三 董氏一戶

男二蕭氏一戶男一 徐氏一戶男一女二 孫氏一戶男二 樂戶仇氏一

戶男女二 張氏一戶男女六

竺家畧 距柏阮五里 陳氏柏阮派三戶男十一女五 毛氏一戶男女各二

附黃阮 陳氏柏阮派二戶男七女四

前塢北向西 距下蹕駐二里其下為兩湖地 陳氏柏阮派十四戶男四十九女三十

八

下蹕駐北向 剡源二曲盡處台人新嶸縣人呼為巖角 王氏遷自連山箭嶺儒一戶

儒童一名餘六十三戶男一百四十一女一百十 宋氏遷自禽孝北山儒四戶

訓導一員增附生三名鄉試監生一名儒童三名餘七十九戶男一百九十八女

一百八十四 陳氏柏阮派十五戶男三十八女二十九 毛氏九戶男十九女

二十三 孫氏遷自城內五戶男十一女七 黃氏遷自黃家嶸二戶男十五女

六 曹氏塔下派四戶男十二女六 氏黃沙阮派四戶男女各十三 舒氏遷

自廣平堰二戶男六女五 周氏五戶男十女十一 盛氏一戶男三女一 鍾

氏二戶男四女三 鮑氏遷自環嶺二戶男女各四 康氏三戶男五女四 俞

氏二戶男四女三 鮑氏遷自環坳二戶男女各四 康氏三戶男五女四 俞氏三戶男十女五 竺氏一戶男三 方氏一戶男女各二 董氏一戶男三女一 汪氏一戶男二女一 戴氏一戶男三女二 呂氏一戶男一 張氏一戶男一女二 蔣氏一戶男一女二 趙氏遷自三石下趙二戶男五女七 裘氏一戶男女各一 樂戶徐氏二戶男女四 錢氏一戶男女二 附大塢 王氏四戶男六女四

上蹕駐

向東  
南

剡源二曲錢忠懿王訪陳殿中監即是此處

陳氏柏阮派儒一戶儒

童一名餘 一 二戶男四十四女三十 陳氏遷自東陽五戶男十女八 曹氏塔下派五戶男十女八 孫氏遷自六詔八戶男十女十八 王氏遷自山隍橋八戶男十九女十七 王氏遷自王家店七戶男十七女二十 徐氏遷自仙居三戶男女各六 吳氏遷自新昌七巖二戶男三女五 康氏康嶺派七戶男女各十七 胡氏遷自胡坂五戶男十一女十 江氏遷自許家山十六戶男四十五

女四十三 應氏遷自六詔三戶男三女五 舒氏遷自曹家地二戶男女各四

宋氏下蹕駐派三戶男十四女十三 張氏二戶男四女三 周氏一戶男二

女一 陸氏一戶男三女一 丁氏一戶男三女六 毛氏三戶男七女九 唐

氏一戶男二 鄒氏遷自茅洋二戶男六女七 黃氏一戶男一女二 樂戶仇

氏遷自鄞之櫟社二十四戶男女七十四

牛塘向東 距下蹕駐七里 王氏下蹕駐派十五戶男四十六女四十八 莊氏三

戶男八女四

龍塢向東 距上蹕駐二里 趙氏遷自塔下四戶男女各十五 陳氏本堂先生後

裔七戶男十九女十四 陳氏遷自泉井一戶男五女三 邱氏遷自黃巖一戶

男女各一 竺氏三戶男八女六 陳氏四戶男十一女七 彭氏遷自黃巖一

戶男二女一 朱氏一戶男一

柿樹坪向東 距上蹕駐四里 宋氏下蹕駐派六戶男十八女十四 附牛角灣

康氏一戶男五女二

康氏一戶男五女二

俞家畧 宋氏一戶男四女一 毛氏二戶男十一女六 黃氏一戶男五女四

塘塢 葉氏遷自天台一戶男四女二 襄四畧 江氏一戶男三女一

曹家地向東 距六詔四里 俞氏遷自沈家巖四戶男七女九 陳氏遷自三石儒

一戶儒童一名餘五戶男二十三女二十 陳氏上蹕駐派二戶男九女五 舒

氏遷自廣平舒家八戶男二十八女十六 張氏一戶男二女一 戴氏一戶男

女各二 袁氏二戶男六女四 王氏一戶男三女四

茅洋向東 距上蹕駐十里 鄒氏遷自福建十一戶男十八女二十

藥師畧向西 距六詔二里 陳氏遷自柏阮六戶男十五女七

茅塢 距六詔十里 李氏二戶男二女三

六詔向東 剡源一曲卽寶慶志陸照村至正志作六詔後遂相沿而不改 孫氏遷

自湖山儒三戶附生一名儒童二名餘九十五戶男二百四女一百六十八 孫

氏遷自泉口儒一戶儒童一名餘九戶男三十女二十 鄭氏遷自蘭溪十二戶

男三十八女三十一 陳氏遷自柏院儒一戶鄉試監生一名儒童一名餘十戶

男四十二女三十三 江氏六戶男二十一女十四 竺氏八戶男二十二女十

八 胡氏遷自鄞之小溪四戶男十五女十 王氏遷自巖院二戶男二十一女

十一 曹氏塔下派七戶男二十一女十一 吳氏遷自嵗縣一戶男五女四

應氏遷自慈谿合田橋儒一戶鄉試監生一名餘十九戶男八十八女五十六

毛氏遷自巖頭儒一戶儒童一名餘八戶男四十七女三十二 楊氏一戶男二

女一 錢氏遷自慈谿更樓儒一戶附生一名餘一戶男六女五 張氏遷自西

畧二戶男十二女十一 石氏一戶男女各三 宋氏二戶男四女三 樂戶王

氏一戶男女五

上六詔向東距六詔半里 陳氏七戶男十二女十 張氏一戶男二女四

曹塢畧向西距六詔二里 趙氏晚響嶺派四戶男十女五

麻廠向東古統名六詔後始分今名 陳氏遷自董村八戶男二十女十一 上官

麻廠向東

古統名六詔後始分今名

陳氏遷自董村八戶男二十女十一 上官

氏遷自福建五戶男十八女十二 吳氏遷自江西五戶男十六女八 高氏一

戶男二女一 楊氏一戶男二 陳氏柏院派二戶男四女二 鍾氏一戶男二

朱氏一戶男二女一 黃氏遷自江西四戶男八女六 曹氏塔下派一戶男

三女二 宋氏一戶男一 毛氏遷自石門四戶男九女五 附塘上 張氏遷

自仙居二戶男七女六 塘下 李氏遷自黃巖一戶男女各四

大巖坪向東 距六詔五里至十里不等 上官氏遷自福建四戶男十二女八 王

氏一戶男女各二 俞氏遷自沈家巖二戶男六女四 鄭氏遷自黃巖一戶男

四女二

塘院向東 距麻廠二里 陳氏二戶男十二女六

長灣向東 距六詔五里 上官氏三戶男十女六

木杓頭向東 距六詔十里 王氏遷自仙居四戶男十六女九

白畝向西 近晚響嶺 曹氏塔下派二戶男女各五

晚響嶺向東 徐晚遊記孫竹灣集俱作飯香俗呼萬鄉嘗於將晚時經過是嶺之陰

兩山颼颼作響想此嶺當初林木叢雜至晚響徹山谷故名晚響况是處康雍時

始有村落若萬鄉之名毫無取義即飯香亦屬臆說實古六詔地觀有王右軍廟

可知 趙氏遷自三石趙家儒一戶附生一名儒童一名餘二十一戶男女各五

十二 白氏遷自忠義鄉之舍輜十二戶男三十女二十八 毛氏四戶男十女

七 施氏遷自餘姚六戶男二十四女十四 王氏雍正時遷自巖院六戶男十

五女十一 倪氏遷自天台五戶男十三女十四 陳氏三石派一戶男三女五

陳氏六詔派一戶男二女一 董氏遷自奉化鄉之大橋二戶男六女三 宋

氏遷自溪口一戶男三女二 袁氏遷自棠畧一戶男女各三 徐氏一戶男五

女二 康氏遷自康嶺一戶男女各三 丁氏遷自天台一戶男四女一 胡氏

二戶男女各二 曹氏塔下派二戶男四女五 許氏一戶男二女四 勵氏二



戶男二女三 吳氏一戶男女各三 黃氏一戶男四女三 傅氏一戶男三

葛氏一戶男女各三 樂戶仇氏四戶男女十 附竹山衙 曹氏塔下派二戶

男九女五 唐氏二戶男女各二

前巖向西南 晚響嶺對山 陳氏遷自柏院儒一戶附生一名餘十七戶男五十二女

四十六 唐氏遷自公塘四戶男女各七

高塘向東南 卽火燄嶺距晚響嶺五里至十里不等 上官氏遷自台州六戶男十六

女十 鄭氏遷自黃巖五戶男十女五 俞氏遷自沈家巖三戶男六女三 黃

氏遷自黃巖一戶男女各三 汪氏石橋頭派二戶男六女四

水碓頭向東南 古統名六詔後始分今名 陳氏遷自柏院三戶男十二女六 陳氏

遷自天台三戶男女各十 夏氏遷自崎山下十四戶男五十五女四十四 趙氏

三石四美派三戶男九女四 王氏晚響嶺派二戶男九女八 竺氏遷自後竺

十戶男三十二女二十六 張氏一戶男五女二 孫氏一戶男女各二 石氏

遷自新昌一戶男二女一 上官氏一戶男五女四 樂戶仇氏一戶男女三

寺巒向東 近水確頭 宋氏下蹕駐派一戶男二女二 汪氏石橋頭派二戶男十

二女十三 金氏遷自嶧縣二戶男女各六 楊氏遷自新昌右井一戶男女各

二 上官氏遷自台州一戶男四女二

虎狼院向東 近水確頭 賴氏遷自福建八戶男二十九女十七

牛院向西 距水確頭五里至十里不等 上官氏遷自台州儒一戶儒童一名餘十

二戶男三十二女二十九 邵氏一戶男四女二 林氏一戶男三

石橋灣向東 近水確頭 陳氏柏院派四戶男十三女六

剡界嶺向東 大湖山麓古名六詔嶺後始改今名接新昌縣界嶧縣志作東至六詔

嶺誤 張氏遷自高畧儒一戶附生一名鄉試監生一名餘十五戶男五十二女三

十九 張氏遷自天台儒一戶附生一名餘二戶男二十女十二 許氏遷自天

台十七戶男四十二女二十六 竺氏遷自嶧縣一戶男四女一 俞氏遷自新昌

二戶男二女四 徐氏遷自新昌二戶男五女四 陳氏三戶男六女二 陳氏

二戶男三女四 徐氏遷自新昌二戶男五女四 陳氏三戶男六女二 陳氏

遷自天台一戶男女各一 唐氏公塘派一戶男三女四 丁氏遷自新昌一戶

男女各一 楊氏一戶男一 朱氏遷自仙居二戶男六女四

牌門頭南向西距下蹕駐三里 孫氏四戶男十三女十二 毛氏二戶男六女三

方氏一戶男女各三 俞氏一戶男一

小院北向西飯甑山麓距下蹕駐四里 王氏五戶男十八女八 宋氏下蹕駐派二

戶男十女九 陳氏一戶男女各二 附石凸 宋氏一戶男五女二 陳氏一

戶男五女二 直畧 江氏二戶男六女五 王氏一戶男一女二

撓院南向西距下蹕駐七里 周氏五戶男十九女九

小沙院 距黃沙院四里 王氏五戶男十九女十四 張氏一戶男二女五 竺

氏一戶男女各三 樂戶仇氏二戶男女十三 附蒿豬洞 舒氏一戶男女各

四

西畧

向東

距黃沙院三里 王氏遷自下蹕駐儒一戶儒童一名餘二十九戶男九

十七女八十二 張氏遷自張村二十四戶男六十一女四十九 陳氏柏院派

二戶男九女六 陸氏遷自樟墅二戶男四女六 毛氏二戶男四女二 樊氏

西隅派一戶男二女三 丁氏一戶男女各三 賴氏一戶男一

黃沙院 向西北 本堂集已有黃沙院之名 丁氏其先由邑之惠政橋西遷居柏院越

二世定居於此儒一戶儒童一名餘二十八戶男八十八女六十九 戴氏遷自

泉口五戶男十三女九 王氏西畧派五戶男十一女十 汪氏遷自石橋頭三

戶男九女八 朱氏遷自東陽一戶男五女四 張氏遷自許家岸一戶男二女

三 樂戶張氏一戶男四女三

雪院 向東南 距黃沙院三里 江氏遷自棠畧二戶男十四女八 陳氏遷自住宅一

戶男八女七

石橋頭 向西北 距黃沙院三里 汪氏清康熙時遷自汪家村六十七戶男一百六十

三女一百三 毛氏遷自巖頭十六戶男四十一女二十九

南塢院向東 距黃沙院五里 汪氏三戶男十女六 江氏四戶男十三女十四

楓樹灣 距黃沙院五里 王氏二戶男女各九

應家山 距黃沙院五里接新昌縣界 陳氏遷自柏院五戶男九女四 毛氏三

戶男十二女六 汪氏二戶男女各三 王氏二戶男四女三 鄔氏一戶男女

各三 沈氏一戶男三女五 徐氏一戶男五女四

茅洋頭向東 距黃沙院七里 毛氏遷自巖頭二十九戶男七十三女五十六

清水田附蛟川 距黃沙院八里 毛氏遷自巖頭四戶男十五女八

大院向東 接新昌縣界又接連山鄉 金氏清康熙時遷自鄞之張斌橋十五戶男

五十七女五十二 方氏清康熙時遷自大橋三十五戶男九十五女八十四

吳氏遷自黃沙院二戶男六女五 毛氏遷自巖頭二戶男三女五 張氏一戶

男二

以上隸五十都一圖

以上中路通共儒五十七戶職附一員訓導一員武舉一名增附生二十三名鄉試監生五名儒童四十二名農工商三千四十一戶男七千五百八十三女六千一百二十五客民八戶男女二十九樂籍五十四戶男女一百九十三

斑溪 劍源七曲互見川類 董氏遷自三石董家村本新昌郡馬禎之後裔因譜牒被燬無從稽考儒一戶附生一名儒童一名餘一百一戶男二百四十四女一百七十五 田氏遷自田盛十八戶男二十女十八 毛氏四戶男七女六 單氏遷自溪口四戶男女各六 張氏遷自馬村三戶男五女四 陳氏遷自石嶺一戶男女各三 康氏遷自康嶺六戶男十四女十二 徐氏遷自大步頭一戶男女各二 樂戶一戶男女二 附 細田 毛氏五戶男十六女八 大巖院腦 康氏四戶男六女三

董家巖 距斑溪一里互見山類 康氏遷自康嶺儒一戶附生一名餘二十三戶男六十二女四十一 應氏遷自黃巖二戶男六女一 張氏遷自許家岸三戶

男女各六 毛氏一戶男女各二 徐氏遷自鎮海一戶男女各二 唐氏遷自

新建一戶男二女二 趙氏三石四美派一戶男四女一

塘腦 近董家畧 張氏遷自許家岸三戶男九女六

深院 距斑溪三里 毛氏遷自石門十七戶男三十八女三十七 張氏遷自許

家岸儒一戶儒童一名餘七戶男二十五女二十一 徐氏遷自連山之西堡畧

一戶男二

許家岸 剡源集已有許岸之名 張氏遷自新昌之拔茅儒四戶附生一名儒童

三名餘一百四十二戶男三百十七女二百五十六 樂戶仇氏八戶男女二十

四

溪西畝 近許家岸對岸 葛氏遷自前葛四戶男十女十三

六西畧 近許家岸 張氏許家岸派十三戶男三十八女三十三

大灣 近許家岸 張氏許家岸派六戶男十四女九 附大畧 張氏許家岸派

三戶男七女十

楊家地向西距許家岸六里 毛氏巖頭派十六戶男二十七女十八

附方下畝

毛氏一戶男女各七 戶寄隸五十一都一圖

黃麻塢向西距榆林五里 毛氏巖頭派五戶男十九女十三

戶寄隸五十一都一圖

榆林 剡源集已有榆林之名康乾二志列於鄉都 陳氏遷自三石儒一戶鄉試

監生一名儒童一名餘六十一戶男一百四十一女一百十 上陳陳氏遷自新

昌之礪頭儒二戶儒童二名餘四十五戶男九十五女六十七 毛氏巖頭派十

五戶男三十女二十四 毛氏石門派儒一戶儒童一名餘八戶男二十二女二

十八 康氏遷自康嶺六戶男十二女八 柯氏三戶男女各四 姚氏一戶男

四女二 徐氏一戶男女各二 陸氏遷自樟墅一戶男二 樂戶王氏四戶男

女十八

中華器向西俗呼中毛器有外四分中四分裏四分三處距榆林四里至十里不等

毛氏巖頭派四十一戶男九十五女七十七 陳氏遷自榆林上陳十一戶男三



毛氏巖頭派四十一戶男九十五女七十七 陳氏遷自榆林上陳十一戶男三

十五女二十二

毛氏戶寄隸五十一都一圖

樟墅 古統名榆林後始分今名 陸氏遷自郡城三戶男十女九 毛氏遷自石

門儒二戶儒童二名餘八十四戶男一百七十八女一百五十 俞氏遷自新昌

大市聚九戶男十八女十六 鄭氏一戶男三女一 李氏遷自新昌三戶男三

女一 王氏遷自小萬竹二戶男五女二 江氏遷自許家山二戶男五女三

康氏遷自康嶺一戶男女各一 曹氏遷自塔下一戶男女各二 樂戶仇氏一

戶男女六

楊墅 距樟墅五里 徐氏明嘉靖時遷自新昌莒根儒一戶儒童一名餘六十九

戶男一百七十女一百二十 俞氏遷自樟墅二戶男四女三 周氏遷自周村

二戶男七女二 毛氏石門派二戶男五女三 孫氏遷自慈谿陸家步一戶男

二女一 樂戶二戶男女七

蟹鉗地 楊墅村後山中 王氏遷自牌嶺頭十六戶男四十一女三十八

以上隸四十九都二圖

石門向西

大雷山麓 毛氏唐季由衢之江山縣石門村隨任慶元卜居於此故仍

其名儒八戶廩附生七名儒童六名餘三百五十戶男八百十八女七百九 康

氏遷自康嶺一戶男四女三 樂戶六戶男女十九

金竹田 距石門四里 毛氏儒一戶附生一名餘五十六戶男一百三十六女一

百十二

水塘灣 距石門五里 毛氏儒一戶附生一名餘二十一戶男六十九女五十

扁擔嶺 距石門四里 毛氏十八戶男四十二女三十五

竹坪 距石門四里 毛氏十六戶男四十五女二十六

孫家山 距石門五里 毛氏十六戶男五十二女三十七 袁氏遷自袁家壘三戶

男八女六

距石門一里 毛氏十三戶男二十五女二十四

田灣 距石門二里 毛氏十三戶男二十五女二十四

高院 距石門四里 毛氏七戶男十三女十二

深蘿院 距石門五里 毛氏六戶男十三女十一

石嶺 距石門五里 毛氏二十九戶男四十六女三十五

大院 距石門六里 毛氏十八戶男六十三女二十八

案毛氏自金竹田至此俱石門派

長隴頭 距石門五里 毛氏石門派三十一戶男一百五女八十四

張家院 距石門十里 毛氏石門派九十八戶男二百五十一女一百七十 陳

氏三石本堂先生之後九戶男二十三女十六 董氏一戶男五女四 樂籍一

戶男女四 附後院 毛氏石門派八戶男二十一女十七

以上地屬連山戶隸五十一都二圖

巖頭向東 古無是名明初始著 毛氏由石門遷居楊墅明洪武三年復遷今址儒

二十一戶歲貢生一名例貢一名廩附生九名鄉試監生三名僉生二名儒童十  
六名餘五百六戶男一千三百三十一女九百八十一 樂籍四戶男女十八

茅院向西 距巖頭三里 毛氏十一戶男三十一女三十二

許家墳向西 距巖頭四里 毛氏儒一戶儒童一名餘十六戶男五十五女四十六

東院向北向西 距巖頭八里 毛氏十八戶男六十八女五十五

白泥院向西 距巖頭十里 毛氏四戶男十女九

茅坪向西 距巖頭十二里 毛氏九戶男二十二女十八

下風壘向西 距巖頭十三里 毛氏十戶男二十二女十五

董家坪向北 烏龜山 石夫人附 距巖頭五里 毛氏十六戶男九十六女四十五

塔裏院向北 距巖頭八里 毛氏十戶男二十二女二十三

界嶺向北 向東 嶺之陽屬連山界故名 毛氏五十六戶男一百六十一女一百十二

寒風嶺向北 卽界嶺距今界嶺村五里 毛氏三戶男七女五

白石向 距巖頭十里 毛氏六戶男二十二女十二

白石北向 距巖頭十里 毛氏六戶男二十二女十二

大畧西向 距巖頭七里 毛氏二十三戶男五十五女二十五

大邱田東向 距巖頭十三里 毛氏八戶男十七女九

大水院北東向 距巖頭十五里 毛氏四十三戶男一百六十四女一百十二

鐵山北東向 距巖頭十四里 毛氏十二戶男三十六女二十

油茅畧東向 距巖頭五里 毛氏十六戶男五十三女三十六

下院北向 距巖頭七里 毛氏十三戶男三十二女二十五

桃灣東向 距巖頭七里 毛氏三戶男十女六

田雞山東向 距巖頭十二里 毛氏十七戶男四十九女二十七

馬鑿畧北向 距巖頭十六里 毛氏十戶男二十五女十二案毛氏自許家墳至此俱巖頭派

豬頭嶺南向 距巖頭十五里 王氏三十戶男五十八女四十二 馮氏遷自雪竇之

大廠二戶男九女七

以上隸五十都一圖

謝界山東向地屬連山鄉戶寄隸五十一都一圖 毛氏巖頭派二十七戶男七十四

女三十二 毛氏石門派十二戶男三十二女二十 單氏遷自亭下二十九戶

男九十六女三十六 陸氏清乾隆時遷自樟墅儒一戶附生一名餘三十九戶

男一百五十女七十一 董氏遷自涼浪溪一戶男五女二 樂籍一戶男女四

以上前路通共儒四十七戶歲貢生一名例貢一名廩附生二十二名鄉試監生

四名份生二名儒童三十四名農工商二千四百四十戶男六千二百二十八女

四千六百四十一 樂籍二十八戶男女一百一十六

高巖南西剡源八曲互見山類 張氏宋乾寧間遷自張村儒一戶儒童一名餘一

百二戶男二百四十二女一百七十七 王氏遷自巖院十二戶男二十八女二

十二 高氏一戶男一女二 金氏二戶男三女二 張氏遷自馬村一戶男二

女一 樂籍一戶男女四

亭下南向即寶慶志小晦村康乾二志統言大小晦村誤 單氏遷自東陽儒五戶附

以上隸五十二都一圖

生一名儒童四名餘二百六十四戶男七百四十三女六百八十四 徐氏遷自

生一名儒童四名餘三百六十四戶男七百四十三女六百八十四 徐氏遷自

大步頭三戶男八女五 沈氏清康熙間遷自郡城大廟前十三戶從九品一員

男三十六女二十四 俞氏俞村派儒二戶附生一名儒童一名餘六戶男十七

女二十 店鋪客民二十五戶男一百十七女十九 樂籍二戶男女八

岡朗山向東 距亭下三里 李氏五戶男十四女九

大船向北 距亭下四里 單氏亭下派六戶男十七女十五

倪家山向北 距亭下七里 單氏亭下派二十一戶男五十五女二十八

張家石操向東 距亭下十里 單氏亭下派三戶男九男五

烏龜石向北 距亭下十里 張氏十三戶男二十女十五

莫家灣向南 距亭下七里 單氏亭下派八戶男三十女二十四

麻廠向東 距亭下三里 嚴氏遷自江西南豐縣二十五戶男六十四口女五十口

附 洪村廟 吳氏二戶男二女二

鑿底 距亭下六里 俞氏元至正間遷自斑竹園四十一戶男九十一女七十

六

松門嶺腳 距大晦二里 王氏毛家灘派四戶男十女七 竺氏董村派四戶男

八女五 俞氏俞村派五戶男十一女八 周氏白璧派一戶男三女一

毛家灘 距大晦五里 王氏其先世自萬竹徙篁竹後復遷今址儒三戶附生一

名儒童三名餘一百五十九戶男三百六十八女三百十八 陳氏遷自周陳一

戶男女各三 俞氏斑竹園派一戶男女各一 樂戶一戶男女三

茶溪 本名茶院距毛家灘五里 王氏毛家灘派七戶男二十女十八 陳氏開

清寺派一戶男六女三

斑竹園 距毛家灘二里 俞氏遷自新昌五峯山四十八戶男一百一十一女八十

八 陳氏開清寺派二戶男五女三

住嶺下 嘉靖志已有住嶺之名 胡氏明弘治時遷自松林鄉之簿溪儒四戶廩

生一名鄉試監生一名儒童二名餘六十五戶男一百九十三女一百五十一



生一名鄉試監生一名儒童二名餘六十五戶男一百九十三女一百五十二竺  
氏董村派二戶男四女三 單氏亭下派二戶男六女四

沈家巖 俗作枕江巖非是剡源祇可謂之溪而不可謂之江 俞氏儒一戶附生

一名餘一百一十一戶男三百三十六女二百八十九 張氏馬村派二戶男女各

三楊氏遷自鄞之楊家堰一戶男二 章氏遷自黃巖一戶男五女三

石柱畈 距沈家巖里許 陳氏四戶男十三女五

開清寺 距沈家巖四里 陳氏四戶男七女五 張氏遷自仙居二戶男二女一

黃氏四戶男十三女五 傅氏三戶男八女三 姚氏四戶男九女五

雞毛阬 距沈家巖三里 俞氏六戶男十六女十一 附龍王堂 俞氏沈家巖

派一戶男五女二

作泉阬 蕩部魚山麓 傅氏開清寺派五戶男三十三女二十 馮氏遷自福建

二戶男四女六 俞氏沈家巖派一戶男一女三

蕩部魚山 距沈家巖四里 俞氏斑竹園派二戶男九女四 俞氏沈家巖派一

戶男女各二

大豬槽 距開清寺二里 齊氏二戶男十二女五 陳氏二戶男九女四

滯水巖 距開清寺四里 俞氏沈家巖派十戶男十八女九

韭菜坪 距開清寺五里 張氏遷自黃巖四戶男十女七

陳阮 距開清寺八里 俞氏三戶男十二女六 牟氏一戶男三女二

細阮 距開清寺十五里 俞氏三戶男六女三 附桃樹灣 陳氏一戶男三女

一

以上隸四十七都一圖

馬村 距亭下五里 張氏明天啟時遷自新昌之盛橋歷十五世儒五戶訓道一

員附生二名鄉試監生一名儒童三名餘二百五戶男五百四十八女四百八十

三 俞氏一戶男女各三 周氏一戶男二女一 虬祠樂籍三戶男女十五

洪村廟樂籍一戶男女五

西山頂向東 距馬村二里 陳氏譜牒遭兵燹遺失莫知其所自出相傳遷自新

西山頭

向東北

距馬村二里

陳氏譜牒遭兵燹遺失莫知其所自出相傳遷自新

昌之南門外儒一戶侑生一名餘二十五戶男四十七女四十一 胡氏明正德

時遷自排溪二十戶男四十四女二十九 單氏亭下派六戶男十六女十四

樂戶王氏十三戶男女六十三

環潭 距馬村五里 王氏遷自連山之大堰八十五戶男一百九十六女一百五

十九

白璧 距環潭五里 周氏遷自周村六十三戶男一百八十五女一百三十五

康氏遷自康嶺二戶男五女三

大海嶺 互見山類 周氏白璧派十九戶男三十五女二十三

龍華寺 龍華嶺下龍華寺故址側 竺氏三戶男十二女七 單氏一戶男三

單家 龍華嶺裏總名巖院 單氏亭下派三十戶男六十四女三十六 王氏巖

院派十六戶男二十六女二十

單氏戶寄隸四十七都一圖

巖阮 石家地王氏遷自嶧之敏阮儒二戶附生一名鄉試監生一名儒童二名餘  
 一百四十三戶男四百六女三百三十四 俞家地王氏儒一戶儒童一名餘十  
 三戶男二十一女十五 新屋裏王氏二十五戶男八十四女七十 田屋王氏  
 十五戶男三十六女二十四 官山王氏四戶男十一女七 樂戶一戶男女五

以上隸四十九都一圖

俞村向東

俞氏遷自斑竹園一百二十八戶從九品一員男二百五十七女二百十

八 唐氏一戶男女各一 王氏四戶男七女三 毛氏遷自巖頭儒一戶儒童

一名餘一戶男三女五 單氏一戶男女各二 石氏一戶男女各一 陳氏一

戶男一 樊氏一戶男四女一 應氏一戶男二女一 樂戶一戶男女二

董村 桃花阮山下古名董溪雲南卽是此處據本堂集竺氏北宋時遷自泉口儒十戶

舉人一名拔貢一名廩附生二名高郡城附生三名鄉試監生一名儒童四名餘五

百六十五戶男一千三百八十八女一千三百十七 宋氏遷自北山儒一戶附

生二名餘五十八戶男一百八十七女一百六十二 毛氏儒二戶儒童二名餘

生一名餘五十八戶男一百八十七女一百六十二 毛氏儒二戶儒童二名餘

一戶男十女八 范氏一戶男三女二 潘氏一戶男二 錢氏一戶男二 唐

氏一戶男女各一 許氏一戶男三女一 單氏一戶男一女三 張氏一戶男

女各二 陳氏一戶男三女五 蔣氏一戶男二 康氏六戶男十三女十一

王氏三戶男三女二 趙氏一戶男三女一 樂戶三戶男女七

姚家向東南 距董村一里 姚氏七戶男十七女十三

大巖下向西北 距董村二里 竺氏董村派十七戶男四十四女三十七

巖下山向東 距董村三里 竺氏董村派十二戶男三十三女二十二

劉家田向西南 距董村三里半 姚氏遷自慈谿六戶男二十四女十七 竺氏董

村派三戶男七女三

擦樹岡向東北 距董村五里 竺氏董村派二十八戶男七十女四十六

徐鼻 張氏十八戶男四十二女三十五 方氏五戶男十四女十

直畧 方氏二十一戶男五十女四十 張氏一戶男四女三 以上三村戶寄隸五十二都

小麥地向東 距董村十里 竺氏董村派九戶男十八女十三

三折嶺腳 竺氏董村派八戶男十二女八 樊氏一戶男女各二

龍潭院向東 距董村十里 王氏遷自鎮海五戶男十一女九 王氏遷自仙居

五戶男十四女十

冷水孔 三折嶺腰側 姜氏遷自鄞之姜山四戶男十七女十三

三十六灣 距董村十五里 竺氏董村派十戶男二十五女十九 傅氏三戶男

七女五

棲霞院 王氏明中葉遷自定海金塘山歷十七世儒二戶四品封二員同知一員

州同一員附生一名儒童一名餘一百四戶男三百二十女二百九十二 周氏

明季自廣渡遷東畧復遷於此歷十二世四十六戶男一百二十六女一百六

何氏一戶男三女二 竺氏董村派一戶男四女三 樂籍一戶男女四

以上隸四十八都一圖

篁竹 篁俗作甄接嵯縣葛竹 徐氏遷自徐家步頭十一戶男十七女十二

西晦溪 半屬嵯縣嵯志都里列其名 單氏宋時遷自南安儒一戶儒童一名餘

四十七戶男一百三十七女一百九 王氏遷自巖阨三戶男六女五 洪氏遷

自鄞邑一戶男三女二 徐氏遷自永康一戶男女各二 許氏遷自嵯之溪

西二戶男四女二 蔣氏遷自黃巖一戶男女各一 王氏遷自嵯之東林一戶

男四女二 周氏遷自嵯之湖潭五戶男九女十一 俞氏遷自沈家巖二戶男

五女三 張氏遷自東陽一戶男女各三 徐氏遷自嵯縣三戶男十女五 樂

籍二戶男女五

應家山 嵯志都里列其名距西晦溪五里 應氏遷自日嶺三十三戶男九十一

女七十七

大繞 距西晦溪五里 趙氏遷自仙居十七戶男三十八女三十一 蔡氏一戶

男四女二

北溪

北向

接鄞餘姚上虞三縣界

盧氏南宋時遷自盧步頭即泉口歷三十世儒

二戶附生二名儒童一名餘一百七十三戶男四百一十一女三百三十九 樂籍

三戶男女十六

茶焙 距北溪八里三折嶺北 盧氏北溪派二十九戶男八十四女八十一

梨洲 梨洲山麓距北溪十里接嵛縣界十里內總名梨洲 廟下王氏遷自新昌

琅溪歷二十五世三十一戶男一百十五女七十五 寺前王氏十戶男三十二

女十九 大畧王氏三戶男十七女十 溪下王氏三十七戶男八十五女六十二

二 巖下山王氏十二戶男五十一女二十七 蓮花唐氏六戶男十八女十一

靈溪盧氏六戶男十八女十四 畝孔盧氏三戶男九女十一 蜈蚣塗董氏

四戶男七女六 大茅畧唐氏三戶男十女四

平阮 接嵛縣界十里內總名平阮 楊氏十五戶男四十四女三十五 陽溝阮

楊氏六戶男二十八女十六 跳阮項氏先世由城裏遷居董村後復遷於此十



楊氏六戶男二十八女十六 跳阮項氏先世由城裏遷居董村後復遷於此十  
四戶男三十六女三十一 前阮唐氏遷自嶸之唐田十戶男十七女十一 下  
慈阮唐氏遷自唐田七戶男十四女十二 大巖下盧氏北溪派十一戶男二十  
五女十七 板阮單氏遷自嶸之石門五戶男十三女十一 龍巖岡陳氏五戶  
男女各十三 後湖陳氏三戶男十女九 湖裏盧氏北溪派十戶男二十九女  
二十一 前路山唐氏遷自唐田九戶男二十一女十四 油竹坪王氏遷自棲  
霞阮十一戶男二十六女十七 大樹秧王氏遷自棲霞阮七戶男十五女十

以上隸四十八都二圖

以上後路通共儒四十四戶舉人一名拔貢一名訓導一員廩附生十七名佾生  
一名儒童二十八名四品封二員同知銜一員州同銜一員從九品銜二員鄉試  
監生四名農工商三千四百四十三戶男八千六百五十九女七千一百九十一  
客民二十五戶男女一百三十六樂籍三十二戶男女一百三十七

前後中三路通共儒一百四十八戶職附一員訓導二員舉人一名武舉一名拔  
 貢一名歲貢一名廩增附六十二名佾生三名儒童一百四名四品封二員同知  
 銜一員州同銜一員從九品銜二員例貢一名鄉試監生十四名農工商八千九  
 百二十四戶男二萬二千四百七十女一萬七千九百五十七客民三十三戶男  
 女一百六十五樂籍一百十四戶男女四百三十二

寺僧

法喜寺二口 淨慈寺六口 孝義菴十口 靈泉菴二口

西峯寺一口 靈鷲菴一口 淨土菴二口 雲溪菴二口

東嶽宮二口 伏獅菴二口

前後中三路通共僧三十口

長男文衡校字

剡源鄉志卷五

奉化趙霽濤 醉仙甫纂

村景

徧觀剡源譜牒大抵一村之中硬分八景或十景各系以詩其詩拉雜敷陳者居多率皆屬余探入鄉志余謂曾樂剡源八景詩序通觀一邑而言剡中並無一景而皆足以增剡源之勝且我剡村落大者不下五十若一村八景猶剡源有四百景矣不太多乎茲擇宋元以來詩詞之顯豁呈露風物宛然在目者列為村景

宋陳著三石村景四首

南陌耕雲脈脈東風吹雨斜斜流水滿郵春事炊烟隔岸人家 春

田舍灌苗戽水店家汲水施漿穉子清溪浴午老樵綠樹休涼 夏

風生老樹飛葉雨過殘雲帶霞禾場牛臥落日漁郵鴉起平沙 秋

雪霽山屏可畫風高雁字難書訪梅橋斷呼渡芟麥天寒倚鋤 冬

陳著筠溪八景詩

巧奪西湖五姥峯架中時見挂長虹近聯霞彩箋呈錦遙對巖牙筆露蹤翰墨雲烟



窗談巧風捲塵嵐士口勤口見雞人口口隴漏殘驚起侍朝臣

金雞報曙

口口口口口口評巖供詩料鷺飛形口口口口口口片片白雲兩翼輕渚水靜觀

清且淺蘆花口口口還興鳶魚活潑天空闊信足長飛萬里程

玉鷺迎暉

陳著次韻載帥初村園雜興二首田不充耕漫墾山焦勞新做鬢毛斑牛歌方見平生戚魚釜何曾餓死丹

新園本是無多地幾步低平幾步高已逝江湖分雁啄且從溪谷到龜毛

元戴表元山中玩物雜言十首

時露下百草流螢此飛翻初如灰燼微忽作秋星繁念彼生育處回光照其根君莫輕流螢流螢尙知恩

青橘霜露時英英秀中園問訊訊居人今歲胡不蕃云有孤兒來手觸枝上丸嗚呼此義木痛感在吾言

野果散高林雀鼠食之宜設非人所殘一顆不敢窺寧由網罟防亦無神物司食道

固當爾雀鼠猶有知

見狗須不走見蛇須拱手不走爾非偷拱手亦相厚無欺物自信能勝誰肯負不見吳山虎郭文探其口

烏有反舌者自古比讒人時氣一朝遷此舌竟不伸衆鳥莫不然更鳴以存身如何能言士聒聒無止辰

犁牛有土德體厚靜綏綏豈無牝牡情不自求其雌終朝草棧閒若忘渴與飢嗟彼位兒高乃爾難自持

精衛勇填海鷓且苦求明明尙可得求填海何時成我觀飛鳴族一一各有營但爲口腹謀遂爾遺其名

燕是孝義烏常棲孝義家堂簷白日暖上下靜無譁以此託軀羽禍福審不差誰云知數歷俗士義之夸

圃人憂孽虫爲蔬畜雞雛小雞擇蟲啄大雞遂喙蔬蟲去蔬亦盡對之可歛歔昂昂

高冠幘反不雞如

蚯蚓食土壤蚩蚩何所爲  
蜩蟬飲風露蛻上高高枝  
卑者慕其仙飄飄安可追  
倘令智相極無羨亦無悲

又村莊雜詩十絕

牛腰草深沸殘蛙鳥背天  
青明淡霞水村不知秋  
早晚層層高樹芙蓉花  
過時晚禾霜下白無數  
秋菊雨中黃借我山蔬酌  
清晝輸他溪蓼作重陽  
海魚油油腥且鮮江魚一  
舫三十錢野翁自漁溪浦  
上亦有白鱗鋪滿船  
沙鷗野鷺滄江千秋風  
條條烟水寒不辭低飛養  
羽翼且莫忘戲翻波瀾  
籬底碧玉數千根屋頭野  
花張錦雲安知爾非龐居  
士不問我是李將軍  
前村楮錢襪訓狐後村竹  
弓彈老鳥道人無心問巫  
卜任爾朝暮更嗚呼  
看晴看雨早霞天占飽占  
飢秋月弦南翁糴糧議牛  
具北客傳炊裝馬鞍  
山村健婦勝丁男黃菊堆  
叢亦懶蓂自春粟糝供母  
彘旋摘桑葉飼原蠶

鄞塘烏菱刮勝酥龍潭紅薑如瓠壺水西社長時釀熟有粟無粟且來沽

春山苗長雉朝飛秋林葉稀烏夜唳去年穀多窮次骨今年穀少醉如泥

耕桑詩耕桑詩本是閒居事學得耕桑事轉多失曬麥叢憂出蝶遲繅蠶繭怕生蛾

調停寒暖春移苧偵候陰晴夏插禾衣飯為誰忙不徹醉來乘興作勞歌

清全祖望湖語節錄

若夫古今之評水者多矣其尚赤者我蓋未之前聞獨剡源之五曲忽孕為丹霞之

古文迅流成雷來歸於三石之邨嫻然其色幾疑流火之可捫更有石壁之遙映儼

若剡羊之痕殺羊巖下有石壁即所云小赤壁也此亦大造之奇不可以常理論而於湖則稍遠矣剡源

九曲其第五曰丹山即今之三石邨也赤水絕頂有朱書丹霞二字其流赤其聲如雷豈意循城而左忽復遇之有流朱殷和

以焉支其光綺麗不可度思吾聞水流之伏行能潛出而默移是南湖之涓涓者抑

猶之金庭洞口之駢支耶金庭丹池說者以為剡源之伏流南湖亦然

毛潤石門竹枝詞

...光好開匾... 剡曲草堂印行



瓦屋高低兩岸遮，四山影落半溪斜。  
人烟起處春光好，開遍牆頭蝴蝶花。  
馬陸阬茶真個良，蘭花顏色茉莉香。  
風爐瓦鼎清宵煮，呼取鄰家阿姆嘗。  
合邨婦女養蠶忙，自去園林採嫩桑。  
採得桑歸煮鴨卵，背人偷祭馬頭娘。  
青黃梅子暖涼天，七姊妹花開得鮮。  
大麥已收收小麥，低田未種種高田。  
火斗松明猛似爐，溪頭照得石斑魚。  
魚儘肥鮮滋味好，賽過松江闊嘴鱸。  
八月小筍出短籬，稻花葦子半沾泥。  
斷來稚葛長如藕，啖取黃瓜爽若梨。

鄧郭晚香孝廉傳璞巖頭村景詩

靈叟同化工，兩山巖然峙。其一肖獅形，鬚目圓視。其一作象狀，矜矜露石齒。突兀鎖錢溪，莊嚴有如此。近接東嶺濤，吼聲中夜起。高挹瑤光精，勢鬪成巒嶷。金峨雪竇外，秀靈獨鍾是。村仗雄踞威，蹄跡遁虎兕。陳戴鄉先生，遷勝定陟彼。何時棹剡川，杖策搜清綺。  
獅象對踞

我聞掘金牛，鄴侯惠普洽。茲井利吾鄉，相沿幾塵劫。蟲蟲炎歎蒸，縉綆濟困乏。活水

涵真源苔花古甃夾耿恭拜辭勞梁鴻汲許狎品作中冷泉旗槍蕘如法滌我煩惱  
襟清風袖低嚼古井靈泉

巖石嶙峋峙獅形誰削槩淙淙匯細流併響入空嵌罡風搏碎訇濤聲動地撼奔湍  
激餘怒相將勢欲啖始歎造化奇文章謝彫鑿一邱與一壑勝概有兼肇幽人此結

廬雅懷獲沖澹獅巖吼濤

烟火萬家村村繞花與木一碧瀉中流截割魚鱗屋探梅沾春客胡以通往復雁齒  
雙橋橫倒沉虹影覆瀲灩流不去似弓驚鷗鷺紅雨落飛花波紋皺霧縠駕空旁柳

陰鶯歌送馳逐知有題柱者到此住車輻雙橋壓虹

趙霏濤剡源竹枝詞三十首

雍乾嘉道溯康熙士樸民龐極盛時一到咸同風氣變綺羅花樣鬪新奇  
小晦北溪法喜山年年禮拜似循環迎神賽會例常禁官府原來作等閒  
頭牌月鏡最當先絃管聲繁聽畫船十八聯燈增廿四從今難道再多聯

紛來串客有高曉將去復回步步搖妾捉牙蟲郎勿顧大家莫肯念奴嬌

頭牌月鏡最當先  
紅管聲繁聽畫船  
十八聯燈增廿四  
從今難道再多聯

扮來串客有高蹻將去復回步步搖  
妾捉牙蟲郎勿顧大家莫肯念奴嬌

燒香入廟本來多也有儒家老太婆  
郎愛讀書儂念佛夫綱如此奈妻何  
自稱妻曰內子謙稱

曰賤內我刺士子四十以外竟有稱妻為老太婆者非祖母而妄尊之曰婆非曾祖母而妄尊之曰太婆而復效孔子之稱商賢大夫曰老不通甚矣

禱雨桑林被澤均  
虺蛇底事當龍神  
堪嗤鄉曲蚩蚩者  
簇擁聖樽數百人  
我刺請龍以蝦蟇田

鷄陂蟹與蛇名之曰龍置於樽中曰聖樽

秋收糯稻靠蓬窗  
無數農家酒一缸  
酌注杯中如白水  
客來勸飲語雙雙

打降擒詐竹扛鼓  
數十成羣似虎跑  
偏是讀書家子弟  
一拳一骸會開交  
新奉之交凡各村有

事招之即來每名給錢四五百文來則動以數十計

客作黃巖力不懦  
音其人飯量本來麤  
一餐若煮蘇州米  
反道不如陸穀糊  
黃巖短幫動謂

蘇州米不如陸穀糊之煖肚

山居勤儉問何如  
半夜黃昏是起居  
赤豆粥兼蕎麥麪  
晚餐還有烤番薯

一罇芋苽喫完添  
陸穀糊中不放鹽  
問道君家何食淡  
重頭二字莫憎嫌

閩幫台民上路停闔鄉底事逐羶腥草能算命人人識與也澱青敗也青

不過三世三四十年前我刻絕無種青者以後愈推愈廣幾乎無村不種每致折  
闔大抵中路自柏院以上前路深院石門界嶺等處後路巖院住嶺沈家巖等處  
猶可種之以其天氣較冷也此外  
慎無效尤○澱青俗名算命草

花迎十月亦奇哉號斗都吹擡閣來最是憲綱神轎後跟隨八九武秀才

故家門第舊烏衣累葉素封未式微多少聰明佳子弟詩書不讀太奇希

剡源曲曲有留題廟號如何額九溪試聽文昌高閣上讀書聲裏夕陽西

居住無僧善慶菴有時權作玉龍龕沈香菩薩稻花會每在閏年六月三

最好生涯是布弓一心想射大毛蟲自傷又屢傷人命可惜蚩蚩在夢中

貨郎擔子本輕鬆婦女叢中稱我儂擺尾搖頭多作態最難觀看是裁縫

五十年前忠厚家而今刻薄作生涯其中幸有扶持力絲忽毫釐計較差

百家相約好撐簾水路生涯日日佳最壞兩三鴉片店慣收賊貨住當街

泉流瀑布破聲聲血雪書虛話不清缺米一升一升出店家買主苦相爭

高隱人云走到血

山等一升跌雪都倒出了其補是云出而店為家以爲既出一升下羅米至家得

山等一跌雪都倒出了因其雪讀爲血血讀爲雪也昔有人向亭下糴米至家量過缺一升復至米店欲其補足云出一升而店家以爲既出一升是你運氣何得饒否此云出彼云出兩字不下旁有聞之者曰彼地人讀缺爲出也或以爲飲千丈巖水所致其水破碎故話不靈清耳

幾村牌九久名揚近日翻爲碼帳場可惜聰明皆誤用不然一覺醒黃梁

堂建八元氣勢高當年士子亦文豪五場縣試留佳話竹扁擔堪挑宋毛當年縣試前茅每列

毛竺宋三姓曾有竹扁擔挑松毛之諺

自春雲確接紛紛竹價一斤祇半文食客座中常不斷他鄉人說孟嘗君盧宗孝先生性慷慨

食客數十人鄞慈鎮人稱爲小孟嘗

巖院貓竹鬱森森早午負來松樹林兒在旁邊娘劈篾阿爹打簞到更深

文昌傑閣鎖深巖一入其中地不凡前輩書名傳兩浙自題伴石散人銜毛玉佩先生匾字爲

兩浙之冠其書聯往往自署伴石山人

石門種植賽淇園最大值銀七八元尺六寸名棲鳳竹五枝價作一枝論棲鳳竹每枝銀一元

四五角最大者新昌人買去作旗桿銀七八元

元代文章第一流剡源著作炳千秋而今質野堂何在蔓草荒烟片土留  
相傳花會出長興舉國若狂害不勝安得嚴明賢宰執一番處置一番懲  
宋元人物盡衣冠不道至今繼起難小學幼時都不講伊誰大力挽狂瀾

旅亭附茶亭

入山亭 白沙隄往雪竇嶺之路自此始

宋僧鑿詩荒蕪行盡處幽亭聊  
暫止帶雨策孤筇登高從此始

明宋琰詩一亭西入梵王家百折千盤路  
轉除山鳥似知來客意數聲啼上石楠花

清江迥入山亭觀羅公題額詩羅公隱吾鄉耿耿有奇節我來入山亭舉首見遺  
迹想見百憂時風骨猶雄傑恐來此避地否或曾遊歷大筆揮淋漓光彩照善息

至今留此山千秋不可滅  
姓氏著煌煌傳聞嘖燕說

嵩東亭 在後董清光緒二十一年邑人凌科三募建夏秋施茶 衆濟亭 在徐

家步頭衆濟橋下與橋同建四季施茶

康嶺茶亭 休休亭 在西隅嶺麓清道光中建置有田十畝光緒二十三年重建

夏秋施茶... 四年康才膠張文標於亭外又建路亭二間

夏秋施茶二十四年康才穆張文標於亭外又建路亭三間

兩湖路亭 夏秋施茶 上蹕駐茶亭 存心亭 近上蹕駐清同治初趙月明募

建夏秋施茶

六詔茶亭 水碓頭茶亭 謝婆嶺路亭

衆樂亭 近斑溪 董家鑿路亭

化紙爐路亭 在榆林巖頭之閒 榆林茶亭

賽棠亭 距石門五里 霓橋路亭 在石門 周家嶺路亭 銀院嶺路亭 竹

嶺路亭 清光緒九年張家阮毛恭寬恭元建

巖頭茶亭 張家嶺路亭 界嶺即寒峯嶺路亭

以上前路

高畧茶亭 會江亭 在亭下覆屋三間清光緒八年里人沈賢卿張永清募建夏

秋施茶

隱雪亭 午雷亭 距亭下三里

樂水亭 在俞村

同善亭 在三折嶺之麓清光緒二十二年里人沈賢卿張永清募建夏秋施茶

棲霞阮路亭

白壁嶺路亭

大晦嶺路亭二一在嶺巔一在嶺麓

住嶺茶亭

龍泉亭 距沈家巖五里

晦溪路亭 晦溪茶亭

梨洲路亭

以上後路

剡源鄉志卷五終

次男文量校字



剡源鄉志卷六

奉化趙霈濤 醉仙甫纂

田賦

明

剡源鄉民田 一等每畝科米三升八合三勺六抄鈔四文六釐二毫二絲

二等每畝科米三升二合八勺三抄六撮鈔三文九分四釐三毫二絲

三等每畝科米二升六合八勺一抄

四等每畝科米一升六合七勺二抄五撮鈔二文七毫

五等每畝科米六合六勺三抄鈔七分八釐二毫六絲

八鄉同科 民田每畝科麥七合三勺

民地 每畝科麥五合三勺

僧舊有田 每畝科米六升二合九勺七抄五撮

僧舊有一等田 每畝科米七升一合三勺三抄七撮

經社田 二等每畝科米一斗九升九合五勺九抄三撮

三等每畝科米一斗八升八合八鈔九撮

四等每畝科米一斗七升九合六勺九撮

平地 每畝科米二升五合五勺五抄一撮

斜地 每畝科米一升七合三勺三抄三撮 以上嘉靖志

清

順治九年頒定額賦

剡源一鄉民田共二百五十五頃三十八畝五分四釐六毫 每畝徵銀六分二釐

六毫 米一升一合一勺 康熙志○乾隆志一勺作二勺

蠲荒

一鄉田五頃二畝五分八釐二絲 康熙志

康熙五十年為續報奉邑田禾被水沖淹情形專案內蠲田八頃十九畝一釐六

康熙五十一年為續報奉邑田禾被水沖淹情形事案內蠲田八頃十九畝一釐六絲 又乾隆元年二年共陞墾田六十七畝四釐五毫七絲五忽

實存田二百四十二頃八十四畝九絲五忽該銀一千五百二十兩一錢七分八厘該米二百七十一石九斗八升八勺 乾隆中畝徵銀七分二釐一毫

一升一勺二抄 今銀一兩徵制錢二百二十文米一斗徵制錢四百文

僧田縣志祇有一縣總數而無八鄉分數 每畝徵銀七分七釐一毫米一升九合九勺康熙志 乾隆中

畝徵銀八分八釐八毫米一升八合

上岸官田同 每畝徵銀一錢三分三毫米五升八勺康熙志 乾隆中畝徵銀一錢

五分三毫二絲米四升五合八勺九抄

下岸官田同 每畝徵銀一錢二釐五毫康熙志 乾隆中畝徵銀一錢一分四釐二

毫米六勺六抄

地同 每畝徵銀九分二釐九毫米八合七勺康熙志 乾隆中畝徵銀六分一釐米

七合九勺

官山

同上

每畝徵銀四釐九毫米四勺七抄

康熙志

乾隆中畝徵銀五釐一毫一絲

米四勺

民山

同上

每畝徵銀一釐五毫

康熙志

乾隆中畝徵銀一釐五毫一絲

遇閏每銀一兩加二分五釐

案丁口攤入田畝不知始自何年據鄞志引浙江通志丁賦攤入田畝在雍正

四年查浙志引賦役全書並無年分象山志丁口隨田地起科自雍正六年為

始然鄞志仇兆鼇傳言併丁於糧後來恐別增力役以病民是時無田之民羣

聚兆鼇宅毀其外牆而持議不肯少變其事列於康熙三十三年乞假歸田之

後又似丁口攤入田畝在康熙中何以乾隆縣志鄞縣新志定海廳新志均無

一語提及耶

需濤

家遺有乾隆時舊戶管一本乾隆二十三年實在下猶繫丁

口銀米數目此後七年並無過割至三十年過割時祇列田山而無丁口銀米

以科則算之前之一田適符六分之二釐六毫之數前之民山適符一釐五毫之

口銀米數目此後七年並無過割至三十年過割時祇列田山而無丁口銀米

以科則算之前之一田適符六分二釐六毫之數前之民山適符一釐五毫之

數如米亦是後之一田適符七分二釐一毫之數後之民山適符一釐五毫一絲之

數然則丁口攤入田畝當在乾隆二十二年以後三十年以前亦一確證也若

合各鄉之舊戶管一一對勘不難埒指其年分然博雅君子必有知之者

又案經世文編各省州縣攤入年分不同

鄉民人口 每口徵銀二分二釐八毫米八合七勺

人丁 每丁徵銀一錢四分八釐

外賦

契稅每買產銀一兩徵稅銀三分

案稅銀本無額之款儘收儘解銀一兩徵三分猶錢一千徵三十道咸間猶如

此同治以來稅書每產錢一千徵三十六七文不等稅尾每紙索錢二百四十

文而莊書往往作難不令花戶自行投稅每千索徵錢四十文稅尾每紙索錢

四百文稍遲數年即以漏稅稟縣必令業戶花費三四千至七八十千滿其欲壑而後止鄉民畏莊書如虎狼安得良有司為之痛懲也哉

光緒二十二年徵銀米數

- 四十七都一圖 銀二百一兩九錢 米二十九石四斗
- 四十八都一圖 銀二百八十八兩 米三十八石六斗
- 四十八都二圖 銀二百六十六兩二錢 米三十七石九斗
- 四十九都一圖 銀三百二兩五錢 米四十三石
- 四十九都二圖 銀二百四十五兩二錢 米三十六石一斗
- 四十九都三圖 銀一百六十二兩一錢 米二十三石
- 五十都一圖 銀四百七十六兩一錢 米六十九石四斗
- 五十一都一圖 銀二百九十九兩三錢 米四十四石五斗
- 五十一都二圖 銀三百二十四兩 米四十六石

五十一都一圖 銀三百四十四兩八錢 米五十九石九斗

五十二都一圖 銀三百四十兩八錢 米五十石九斗  
光緒二十七年徵銀米數

四十七都一圖 銀二百一兩九錢 米二十九石五斗

四十八都一圖 銀二百九十兩八錢 米四十一石二斗

四十八都二圖 銀二百六十八兩七錢 米三十八石二斗

四十九都一圖 銀二百九十七兩四錢 米四十二石

四十九都二圖 銀二百五十兩五錢 米三十六石八斗

四十九都三圖 銀一百六十四兩九錢 米二十三石五斗

五十都一圖 銀四百七十三兩一錢 米六十八石五斗

五十一都一圖 銀二百九十兩九錢 米四十三石五斗

五十一都二圖 銀三百二十八兩九錢 米四十六石七斗

五十二都一圖 銀三百四十二兩四錢 米五十一石一斗

案銀米數廿二廿七兩年並列者可以徵各圖之盛衰

寧波府正堂宗 爲出示永禁事照得民間買賣田產例應過割即所謂推收也定例有不過割者田卽入官所以清戶名而重糧賦第本戶不過割罪在本戶而莊戶書恣意勒索致本戶不得過割則罪在莊戶書同治六年寧紹台道文曾經申明浙省前奉撫憲批定舊章刊入治浙成規推收戶糧紙筆費田產每畝給錢十文地山蕩每畝給錢五文槩由買戶出給不許向賣戶需索出示通諭乃本府訪聞寧屬各縣書於推收仍任意浮索每畝或數百或數千有營造墳墓及屋宇基地更無底止因此致有數大弊業戶不堪其索於契買後糧不過割私自幫貼仍寄原戶完納年深日久忘其所自子孫凋零致成賠糧貽害通莊攤賠今寧屬無一縣一莊不有賠糧之累者其造端半由乎此大弊一也契稅攸關課賦買產者登時過戶按照糧冊催稅本不費手乃因浮索致推收不時而縣催稅契致有稅書下鄉硬派橫催多方逼擾者大弊二也定章推收紙筆不准向賣戶索取乃因莊戶各多索致買主預將

此欺縮抵買實乃與欺之賣戶無異而貧民售產愈難大弊三也有此數大弊而田



此款縮抵買價仍與取之賣戶無異而貧民售產愈難大弊二也有此數大弊而田賦之混淆更無論矣除札各縣加意稽查嚴禁浮費並飭取各書遵結送府有犯必懲外合亟出示永禁爲此示仰各業戶暨莊戶書人等知悉推收紙筆費歷年以來各大憲二令五申自應凜遵定章田產每畝十文地山蕩每畝五文不准稍有浮多倘有書吏浮索徇勒准買賣戶鈔錄此示立赴府縣衙門將該莊戶等書斥革治罪如賣戶再有私留原戶匿不收除者一經查出或被告發田產卽照例入官各宜凜遵此示准紳衿耆民泐石縣前邑廟並鄉間廟宇涼亭永遠遵守特示光緒五年十月發

案此碑向在九溪廟門右後移至廟中

廩糧

廩生二十名每名廩糧一十二石每石折銀八錢共銀一百九十二兩  
廩糧銀六十四兩除棄置蠲荒銀外實徵銀三十三兩一錢三分九釐

康熙志  
乾隆志

膳夫八名每名一十兩共八十兩內四十兩廩生支領四十兩解部充餉閏月加六

兩六錢六分六釐六毫

康熙志

廩生膳銀四十兩除棄置蠲荒銀外實徵銀二十六兩八錢八釐

乾隆志

案廩糧康熙志與乾隆志大不相符其何年裁減未曾叙明照康熙志計算廩

糧折銀連膳夫銀每名當得一十一兩六錢嘉慶初曾叙明祖藜堂公補廩時尙

有制錢一十二千文錢糧可以匯劃今制錢不滿六千矣

按此條事關通縣存此以備攷查

社倉

光緒四年邑侯蕭公世楷奉各大憲轉奉部文勸捐積穀

四十七都一圖

亭下八十八石七斗 麻廠三石 畧底五石三斗 毛家灘二十二石 斑竹園

四石 住嶺下一十五石 沈家巖一十三石 開清寺一十二石五斗 共一百

六十三石五斗 每石以一百斤為率

四十八都一圖

董村七十三石五斗 俞村二十一石七斗 棲霞院二十六石六斗 唐田三十六石 共一百五十七石八斗

四十八都二圖

西晦溪三十石 北溪五十八石五斗 黎洲三十石 巖下山八石 共一百二十六石五斗

四十九都一圖

康嶺六十二石 西隅一十八石七斗 馬村八十石加捐三斗 西山頭一十一石 大嶺嶺四石二斗 環潭四石五斗 白壁一十石 巖院五十九石五斗 共二百四十九石九斗加捐三斗

四十九都二圖

斑溪三十六石 董家畧二十三石 二村加捐四石八斗 許家岸四十八石五

六十三石五斗 每石以一百斤為率

斗 茅渚一十三石 二村加捐一石 榆林三十石 樟墅二十五石 楊墅七石 共一百八十二石五斗加捐五石八斗

四十九都三圖

三石陳姓十五石何姓十石趙姓十五石 塔下四十石五斗

因光緒二十二年經承莊書送結錯誤三十五石七斗至二十五年委員查倉陳姓加捐十二石何姓加捐二石七斗趙姓加捐三石塔下加捐一十八石 共八十石五斗加捐三十五石七斗

五十都一圖

柏院六十石 下蹕駐一百三石 上蹕駐一十九石二斗 六詔三十五石 晚響嶺一十石 水碓頭五石 剡界嶺五石 西畧八石 石橋頭四石 黃沙院一十四石 大院七石 共二百七十石二斗

五十一都一圖

巖頭等共捐銀二百八十五石

巖頭等共捐穀二百八石五斗

五十一都二圖

石門一百二十八石九斗加捐一十一石四斗 張家院四十六石八斗 大山一十一石 販頭六販田八石二斗 三村加捐二石 共一百九十四石九斗加捐一十三石四斗

五十二都一圖

董家橋一十石一斗 沙隄七十六石九斗 徐家步頭一十石 後董六石 公塘八十七石四斗 高畝四十五石 共二百三十五石四斗

剡源鄉通共捐穀一千八百六十九石七斗共加捐穀五十五石二斗

案唐田屬縣嵯張家院等三村屬連山鄉董家橋屬禽孝鄉

族塾

元世祖二十八年每村五十家立一社擇社長以教耕桑此鄉鄙之社而未嘗有學

卷之六 刻曲草堂印行

明初詔天下每五十家設一社學延生員有學行者訓軍民子弟以正月開學臘月止正統景泰間御史許士達復檄諸郡邑選良士主社學以訓蒙童實力奉行亦三代小學之遺也

象山縣志

案明社學想是天啟朝毀天下書院并社學而廢之也

### 沙隄文昌殿

陸燿文昌祠說文昌之祀儒者不取而為之說者其別有二一謂文昌天神也天官書斗魁戴匡六星一上將二次將三貴相四司命五司中六司祿大宗伯以禋燎祀司中司命祭法王為羣姓立七祀諸侯五祀其一曰司命屈原九歌又有少司命大司命者是也一謂文昌人鬼也在周為張仲在漢為張良在晉為涼王呂光五代為蜀主孟昶姚秦之世又為越雋人張惡子立廟梓潼嶺唐明皇西狩追封左丞僖宗入蜀封順濟王宋咸平改封英顯者是也二說皆出於道士冢元世袁清容桷始載於符臺集文昌之祠遂徧天下尊之曰帝君甚而闌入學宮焉士

會讀書月理皆均然印其非禮往往因為碑記之文而昌言排之至朱檢討竹垞

稍讀書明理皆灼然知其非禮往往因爲碑記之文而昌言排之至朱檢討竹垞  
且爲諧辭以寓譏竊謂古之祀文昌者司中司命而今之號爲帝君者蓋司祿也  
世之享厚祿者不皆善文之人則司祿亦無事於文才者不必祿祿者不必其才  
帝君進退之權不已重乎近人又因文昌之社而有惜字之會推其所以惜字之  
故仍不出媚神以求富貴則其所宜深惜又有在字外者毗陵相國劉文定公言  
掉弄楮墨詐欺官師纂輯淫詞狎侮經傳是敗壞文字之大原雖綿襲奔藏其戾  
滋甚故吾謂祀文昌不若惜字紙惜字紙不若慎筆墨使文昌天神耶大夫以下  
不敢妄干爲人鬼耶非其子孫理不歆享其祀之而不效也固宜抑求名干進之  
徒毋乃實有所闕不能自慎於文字之間而非鬼神之不靈與余足跡所至往往  
有以文昌惜字之說屬爲序記者旣已槩謝弗應而復著此文以爲將來塞請之  
地明理君子其必有以鑒之

惲敬文昌宮碑陰錄古者天子祀天地社稷宗廟五祀而已祭法有天下者祭百

神山林川谷邱陵是也周官大宗伯以鬯辜祭四方百物八蜡是也漢用方士之說祀典多無稽後世佛氏日昌所祀神皆託之西域及所謂四天下焉道士生中土祖方士之言效佛氏爲誑誘陶宏景寇謙之杜光廷諸人妄構真靈紀官簣職復舉中土君臣之名迹及叢祠淫鬼錯入徵之其說至後世益乖歧無可信考者文昌帝君之祀不知其所始崔鴻後秦錄姚襄隨楊安伐蜀至梓潼嶺見一神人謂之曰君早還秦秦無主其在君乎襄請其姓氏曰張惡子也後據秦稱帝卽其地立張相公廟祀之常璩華陽國志梓潼縣善版祠一名惡子民歲上雷杆十枚璩志終於永和三年在襄稱帝前五十餘年是襄之前已祀惡子矣唐封順濟王宋改封英顯王元以道士之說封輔元開化文昌司錄宏仁帝君於是山經地志稗乘外書附會不經之辭布滿天下道士悉刺取之以意牽合錄爲化書而學士大夫之好怪者竊其妄說捕聲附影瞶聽瞽說嗚呼可謂不祥也已在前明之季年大臣議禮者以爲宜罷其祀是又不然夫王者受命進退羣神之祀凡以爲民



已耳其合乎天神地祇人鬼之典法者秩宗之所掌縫掖諸生之所誦習百世不廢者也其不合乎天神地祇人鬼之典法而能見靈爽爲徵驗捍禦水旱兵革爲天下所奔走王者亦秩而祀之所以從民望也本朝承平既久上下以休養爲福愚氓積煽遂盜兵戈今全蜀就平楚陝亦靖皇帝以文昌帝君爲蜀之神歸功底定祇閱其祀有司考定禮樂頒之四埏意以天下之集甯則將士之宣力不暇百姓之效順也然以天下之大智者愚者皆赫然於天人之交際百神之呵護則國家之大社百世之所以治安也敬以愚瞽隨肩州縣下吏無所仰輔朝廷之制作竊以私見鄙識窺測萬一如此若夫道士所言如里巫巷祝視鬼造妖以惑蚩蚩者之視聽豈足信哉豈足信哉敬以其行世已久恐爲大蔽爰取其太甚者條辨之列於左方使天下知朝廷所以祀文昌帝君在彼不在此庶幾后夔伯夷之倫所是許焉

王氏見聞錄雋州越雋縣張翁畜蛇令欲殺之一夕雷電縣陷爲巨湫蛇爲陷

河神張惡子謹按梓潼嶺卽七曲山華陽國志五丁迎秦女見蛇捩之山崩卽其地也因五丁之說附會蛇爲梓潼嶺之神遂取邛都地陷之說益之卽見聞錄所傳是也考後漢書西南夷傳武帝初置邛都縣無幾而地陷爲污澤因名爲邛池無陷河神之說邛都至隋始改爲越雋縣見聞錄之言其出隋唐閒野人歟又明一統志稱神爲越雋人報讎避居梓潼蓋始以神附會爲蛇繼復以蛇附會爲人化書又託之戚夫人趙王如意皆可謂無忌憚也

太平寰宇記濟順王本張惡子晉人戰死而廟存文獻通考從之謹按華陽國志元和郡國志俱無晉人戰死之說是後人以秣陵尉蔣子文戰死爲神附會之無疑路史黃帝子揮造弓矢受封於張爲張氏詩傳張仲賢臣也箋吉甫之友也化書以張仲著於詩附會神爲張仲且以爲張宿之精謹按史記天官書張素爲廚主觴客晉書天文志張六星主珍寶宗廟所用及衣服於張氏何與耶於張仲之孝友何與耶酉陽雜俎天翁姓張名堅竊騎劉天翁白龍至元宮

易百官劉天翁失治爲太山守是張角謀代漢之妖言也竈神姓張名單有六女皆名察以張爲廚故竈神張姓張六星故神六女皆妖言不可從

晉書天文志文昌六星在北斗魁前天之六府也四曰司祿司中司隸賞功進與天官書四曰司命五曰司中六曰司祿不同星經又言六曰司法蓋古之言天者以四獸配四時占生殺其附天樞者皆占宮廷命名徵驗取近是而已化書旣以文昌帝君爲魁前之司祿又以爲外垣之上相吾誰欺欺天乎蓋唐宋之時士大夫及進士過梓潼嶺得送者皆爲宰相得殿魁如鐵圍山叢談所記多矣妄者遂有司祿之說其尤妄者證以星之司祿并尊以星之上相以相煽動而不知二星之不相屬也本朝朱錫鬯氏求其說而不得謂文昌祀蜀之文翁何其益誕耶

說文魁羹斗也從斗鬼聲臣錯曰謂斗首爲魁柄爲標也蓋器名耳星象之故北斗南斗小斗中斗同名皆以首爲魁柄爲標於是轉訓爲首者爲魁漢書里

魁黨魁是也復轉訓試名之冠其曹者爲魁老學菴筆記宋元憲夢大魁天下揮塵錄呂文穆等以大魁至鼎席是也今乃以斗倚鬼爲魁星之神復以文昌在斗魁之前而祀之於文昌宮大可弑也其他如化書所言以白驃進傳宗乃因明皇青驃入蜀而附會之朱衣神則因歐陽文忠公而附會之不知鯨鱓錄所言乃刺關節者得售以誣文忠不可訓也

案右錄陸朗夫惲子居兩先生文以示世之篤信文昌者

趙氏義塾 三石趙氏立置田一畝入學者獎錢五千文補廩如之俟經費充足再議光緒二十四年購讀史方輿紀要一部天下郡國利病書一部海國圖志一部漢魏叢書一部二十五年購三通考輯要一部

柏阮文昌閣 士子讀書之所凡小試歲科試鄉會試均給發川資有差

書香會 下蹕駐宋氏天地人三房立道試入學獎錢十千補廩如之鄉試每名給川資錢十千中式者獎錢四十千會試每名給川資錢四十千中式者獎錢六十

千

育才義學 購書二千餘部

以上中路

許家岸文昌閣

巖頭文昌閣 士子讀書之所

陳唐房義學 榆林上舍陳日贊於光緒十五年建在中華巖等屋五楹兩廂各

兩楹一榭中間上祀關帝文昌財神下祀宋秘監陳著元教授戴表元置有田二十餘畝官民山一百畝凡子孫應縣試者給錢一千府試如之院試倍之入學者獎錢十千補廩如之恩歲兩貢亦如之優拔副三貢各倍之應鄉試者給錢八千中式獎錢四十千應會試者給錢二十千中式獎錢六十千優拔赴朝考者如應會試之式應殿試者倍之一甲一名獎錢三百千二百五十千三名給一名之半主事申書知縣各獎一百千

楊墅義塾

石門文昌閣 雍正間建

八元堂 董村竺氏建

董村文昌閣

剡曲草堂印行

以上前路

以上後路

剡源鄉志卷六終

四男文墨校字

剡源鄉志卷七

奉化趙霈濤 醉仙甫纂

壇廟

里社壇 坊隅鄉都設壇如里之數祀五土五穀之神嘉靖志遇春秋二社眾眾祭祀

其祭用羊一豕一酒果香燭隨用祭畢就行會飲會中先令一人讀誓詞畢長幼

以次坐盡歡而退見洪武禮儀乾隆志今廢

里社無壇而鄉各有廟謂之當境其即祀土穀神之遺意歟象山縣志

鄉厲壇 鄉都共一百四十三所嘉靖志今廢惟五十都一圖水碓頭卹下地八分遺

址尙在

剡源先正祠 在四十九都三圖五曲盡處西隅嶺麓光緒二十二年四月趙霈濤

合同志募資至八月上旬建堂三間中設先正神位四十三左設寓賢神位二十

七右設助主長生位九深三丈五尺有奇廣四丈三尺有奇天井深一丈四尺有

奇十月建前廳三間深二丈有奇廣如堂共深七丈二尺堂高二丈一尺六寸前廳高一丈七尺六寸右旁翼以廚房二間每歲春秋二祭詳見刊行先正祠全錄德清俞樾記韓文公稱古鄉先生歿而祭於社此語不知出何書昌黎之文當必有本文王世子篇凡釋奠必有合有國故則否所謂國故者國之先賢先聖釋奠於學則祭之今學校祀鄉賢當起於此而非祭於社也史記封禪書言毫有三社主之祠此三社主不知何人豈鄉先生之歿而祭於社者歟以是推之則上文言雍有九臣十四臣索隱以爲不見名數所出或亦其類歟夫過大梁者仁想於夷門游九京者流連於隨會庚桑子居畏壘之山尙有尸而祝之者況其人已往歟然則哀集其人合爲一祠而俎豆之固亦禮之所應有矣吾浙寧波所屬有奉化者縣境遼闊分爲八鄉剡源者八鄉之一也剡源溪自四明山來經由其地凡有九曲鄉之人有趙君霈濤者自號醉仙一鄉之望也以邑志久未修輯力所不逮乃自纂修剡源鄉志告成之後慨然曰吾鄉雖地瘠民貧而代有高人逸士縣學鄉賢祠闕略未備生其鄉



不爲表彰則年載既遠安知不付之湮沒乎乃糾合同志集貲建祠於丹山赤水洞天之麓名曰剡源先正祠其地在剡源之中介五六曲之間所祀自宋監察御史樊公良忠以下至國朝孝子張公立洎凡三十七人辜較所費洋泉六百有奇又捐田十五畝爲祭祀之用若節春秋潔治牲醴與鄉中父老子弟瞻拜祠下亦一盛舉也宋寶慶閒袁詔知臨安府建許由以下三十九人之祠事與此類然彼猶官爲之而趙君乃以鄉人力成其事可謂有志竟成者矣趙君有令子曰文衡字平之肄業詒經精舍言於余請爲記嗚呼方今風俗亦少漓矣苟能推此意而徧行之先正典型儼然未沫使鄉之人皆有所矜式薰其德而善良人人親其親長其長不讀非聖之書不爲高世之論庶可以樹吾道之閑而奪異端之幟乎古人祭鄉先生於社其意蓋在此孔子曰觀於鄉知王道之易易也吾於此祠徵之矣光緒二十二年十一月十一日光緒二十八年歲次壬寅正月初十日新昌俞鴻荃謹書

以上剡源之總  
俞太史作記之時擬祀先正三十七人後又續增五人費銀六百數十圓後又續

費銀四百餘圓捐田十五畝後又續捐田三畝八分辛丑八月五日霈濤識

西祠廟 在赤泥嶺山腰

啤潭廟 在沙隄 車嶺廟 在沙隄 鄒溪廟 在沙隄 烏巖廟 在沙隄北

關聖殿 在沙隄 順治間封為忠義神武大帝乾隆三十二年加封靈佑二字

嘉慶間加仁勇二字道光八年加威顯二字咸豐元年加護國保民四字六年加

精誠二字合之稱忠義神武靈佑仁勇威顯護國保民精誠大帝

鎮東廟 在徐家步頭祀宋撫州通判贈朝奉大夫劉濤與洪村廟神同

護法殿 在衆濟橋側邑人凌可三募資建

顯濟廟 縣西四十里至正續志九其神不知誰何嘉靖志宋寶祐四年賜額咸淳九年封

英祐侯至正續志九

關帝殿 在公塘 湖南廟 在後董

朱君廟 趙君廟 在小千畧

關帝殿 在康嶺之麓 湖南廟 在康嶺

關帝殿 在康嶺之麓 湖南廟 在康嶺

孫君廟 在西隅

關聖殿 在西隅嶺麓 下汪廟 在下汪

三石廟 神姓李

老九溪廟 在倪家畧 九溪廟 假溪住山時嘗立鄭忠定公祠 陳沆刻源其事

蹟詳見鄞新志人物傳

錢王祠 至正志十一 祀吳越忠懿王今改廟在下蹕駐 錢王廟 在上蹕駐

新興廟 在曹家地神姓李

錢王廟 在俞家畧

錢王廟 在六詔 大巖廟 在六詔村後 王右軍祠 在六詔 至正志十一 元戴表

元有代祭王右軍祠堂文 刻源集 今改廟 國朝邑侯韓培乾當咸豐末協守陳公

嶺過此撰聯云山色壯四明看此地嶺含萬象書名高兩晉願先生筆埽千軍

案嘉靖志誤屬三石村

歲表元代祭王右軍祠堂文維某年某歲某月某日遠孫某等謹以牲酒致祭於  
遠祖故晉右軍王公維公清風懿範繪在史冊俗情傳誇舉一遺百造意成書縱  
言為文殘珪斷壁千古難羣小者且然況乎精微青山白雲魂來是非谷禽弄吟  
澗卉晴秀庶幾揮毫尙想舒嘯樹愛召伯繡在平原名賢之光被于遠昆某等懸

視新像故祀山塾瓣香  
矢辭炯炯心目尙享

周鎮南六詔尋右軍廟舊址詩青山對立夾清溪淡上人  
左右貓頭箭長舍東西淺流屈曲浮花鴨濃樹周遭叫竹雞丁步枯筇筇容我過苔

錢滿泥

樸樹廟 在水碓頭神姓劉

行者廟 關聖殿 在黃沙阮

金井廟 石橋頭老廟 真君廟 在石橋頭

關聖殿 平山廟 在西畧

水丹廟 距南塢阮四里

王漢廟 在撓阮

上興廟 在大院

湖山廟 剡界嶺四堡新邑張家車二堡 眞武殿 在剡界嶺

以上中路

茅洋廟 在斑溪 趙君廟 在董家畧

澤溪廟 在許家岸

趙需濤記許岸之澤溪廟不知建自何代神亦不知是何姓氏簡里而或者必以張武子實之誣矣致剡源集武子自拱遷鄞子孫未再世即棄邱壟廬舍去而信游康熙邑志流寓無武子名乾隆志列武子於流寓忽云其子孫居高畧殆誤信高畧之譜牒而牽合之與然則究何神乎曰是里社之神也明制凡鄉村每里立壇一所以祀土穀神象山志云邑里社無壇而鄉各有廟謂之當境即祀土穀神之遺意也澤溪之廟亦如是而已必欲究神爲何人試問我郡之神果何人乎竊謂四明之山之神果何人乎我郡之川莫大於鄞江之川之神果何人乎竊謂有天地即有山川有山川即有山川之莫大於鄞江以前澤溪之神自若也既建廟以後澤溪之神亦自若也古與今無二神奚必實之以武子哉況查許岸張氏譜其先遷自新昌之拔茅更與武子無涉抑嘗讀周頌詩載芟爲春祈良耜爲秋報噫嘻爲春夏祈豐年爲秋冬報後世土穀神之祀不外成周祈報之禮而復何疑於澤溪之廟之神去冬其村人新其廟貌并爲神設煖閣頗極一鄉之壯觀張君文綱請爲文以勒於屏辭之不獲遂記如右光緒庚子仲春

玉泉廟 關帝殿 在楊家地

剡原鄉志 卷七 壇廟 四 丹山赤水洞天

袁君廟 戴表元有祭告榆林廟文又有榆林瓦嶺廟上梁文

集 刻源

戴元表祭告榆林廟文某流連之人自癸酉以家東行即有兵禍脫命生還顛危  
益甚六年之間奔走九郡十五縣之地二千里之遠心未嘗一日寧而刻者固吾  
疇昔所卜以藏吾親墓念所加非他處所比也夫豈人力所能至斯是敢以民禱告  
於神惟神不賜簡薄於不肖躬惟先之動罔不裕亦惟我子孫承厥則共子孫庶克  
用康將施福其孥以昌其家綏安惠和動罔不裕亦惟我子孫承厥則共子孫庶克  
事無敢以俾  
其報焉敢告

又榆林瓦嶺廟上梁文天開地闢山川忽屬於神靈歲改星回祠宇自闕於氣運  
踰精神數十里之趨迎生齒累百家之環擁祭則受福久無螟蝗水旱之災過者  
下車真有社稷尸祝之愛逮於近歲尤著陰功間亦避兵候朝傳而不至人方  
憂盜里門夜啓以無驚駭之賜既多崇飾之嚴未稱遂恢新構益聳瞻良家  
輸杞梓之材千章以輻輳巧匠獻般垂之技百堵朋興日吉辰良人懽神悅修梁斯  
宜舉善頌

兒郎偉拋梁下此村今是平安社驅將虎豹不窺山護使牛羊長蔽野  
兒郎偉拋梁上吉善之人所相期心莫向廟中來且勸鄉鄰與遜讓  
兒郎偉拋梁北匝連葦如拱極人行畫靜少呼犬臥清宵無盜賊  
兒郎偉拋梁南積翠前峯手可探事少自然富宜耕宜畜無盜賊  
兒郎偉拋梁西榆柳堤平馬不嘶從此太平無閔訟村化作好山溪  
兒郎偉拋梁東好把詩書變土風看取黎洲文筆樣峨高插萬人中

陸坡廟 在樟墅 石溪廟 關聖殿 在楊墅

南溪廟 在石門

趙青照記石門在大雷山之麓四面青山壁立環衛其間中有一溪自南而來故曰南溪里人毛氏相宅於溪澗而廟焉嗟夫奉之有廟夥矣若資福若靈昌若景祐以暨廟之顯濟其年代姓氏功烈並載邑乘而南溪廟無聞其探錄者之不及歟抑食其力而忘所自耶為訪諸里老里老告余曰我神最靈歲康熙甲寅有小醜倡逆寇唐田北溪逼處奉壇掠柏坑焚康嶺劫業村跨連山而南邑侯曹公宴毛氏人為練長號毛家兵帶除寇氛闔邑乃非神力陰相不及此故郡侯邱公嘉矣旌其廟曰助順職逆惜當其時弗之額也而額於獅巖錢潭廟者亦其明證甚矣吾神之靈也余聞之舉然以為其靈若此宜乎祈禱雨救火弭災求無不應里人毛氏欲擴其宇而無基適於廟陽梯雲橋畔開山鑿石復架四條合舊築而五墳以黃土其平如砥故得稱其丕基廟貌益駿非特鎮鎰毛氏村落已也時乾隆壬子年四月初二日之吉今當其族算乘屬余記之以為他年採錄邑志對揚神庥之一助云

崇興廟 在張家院 菱湖廟 在大雷山麓 新安廟 在周家嶺巔

西溪廟 巖頭老廟 關聖殿 錢潭廟 在巖頭

下堡廟 在界嶺 日生廟 在謝界山 上堡廟 在塔裏院

中堡廟 在大水院

以上前路

後湖廟 在高密

嵩溪廟 在亭下祀明邑侯錢公璠

趙需嵩重建嵩溪廟碑記嵩溪廟不知始自何時案寶慶四明志載剡源鄉管里  
 一村四嵩溪里其一三石村其二小晦村北宋時單氏自東陽來居之夫有村落  
 宜有神廟蓋唐宋刻源寺院森立豈古佛有棲止之龜而明神無憑依之地乎有  
 以知其不然矣然文獻無存難以臆斷其本主題曰錢公之神無名字爵里廟記  
 關如相傳公會為邑令攻縣志名宦有兩錢公一為宋康憲公諱億邑人祀於北  
 山於小晦無證且非邑令攻縣志列之名宦著書者之陋也一為明錢竹梧公諱於  
 字國用嘉靖癸巳履任居官六年忠誠廉潔留心民瘼善政不可枚舉第即其申  
 減四明驛借支水馬銀重修隱潭龍祠二端觀之小晦在四明之南隱潭即下意  
 其時民苦賠累久矣一旦公為裁減民之受其賜如何也其享祀於茲土也宜哉  
 禱重加修治雨暘時若歲卜有秋民之受其賜如何也其享祀於茲土也宜哉  
 不然而何以七鄉不祀公而劍源小晦單氏獨祀公也或曰然何紳乎曰顯濟廟英祐  
 神之故公之不名者蓋尊之也或曰然何紳乎曰顯濟廟英祐  
 侯見至正續志而嘉靖府志謂其神不知誰何況洪武禮儀鄉村每里立壇一所  
 祀五土五穀之神象山志解之曰里社無壇而鄉各有廟謂之當境是前此殆奉  
 土穀神也後見其廟已久其神不靈故祀錢公歟國初來屢修光緒辛巳  
 村民單魁等見廟貌之不足肅瞻視也於是拓其基址大其梁棟高其牆垣已  
 自茲以丹雘不一載而新廟落成洵極一鄉之壯觀而有以妥神之靈昭神之嚴矣  
 晦十五里同併聲靈赫濯行將如應作幸時澤徧仁湖豈獨小晦一宇巍巍迴異曩  
 昔瞻拜之餘愈仰聲靈赫濯行將如應作幸時澤徧仁湖豈獨小晦一宇巍巍迴異曩



志作廟之由并為參證舊聞以訊來者  
其同事諸人則另書左方光緒丁酉秋

### 東嶽殿 在小晦嶺

### 洪村廟 縣西六十里神姓劉名濤字致遠生有功德於民邑人祀之

乾隆

宋趙敦臨記生當封侯死當血食人生之志願也苟有功於民不封侯而廟食者  
今於劉公見之矣公姓劉氏諱濤字致遠世居四明之奉化幼孤歲冠始讀書一  
過目輒解大義及壯該貫經史中紹興五年進士第調嚴州壽昌縣尉兼主簿公  
至邑發摘無隱人皆驚服盜賊屏迹境內安堵歲滿閱陞從政郎授徽州黟縣令  
邑之小民舊苦浮費困惟甚公悉擢節靡奢倪蘇息襦袴歡謠聲溢於道任  
滿政宣教郎知處州龍泉縣土風吏滑民獷俗多詭訛公乃籍凶役為民害者摘  
而治之終公任無一敢肆惡者一邑皆稱奉為神明磨勘轉承議郎充淮東郡按撫司  
幹辦公事賜五品服皇帝登極覃恩轉朝奉郎磨勘轉承議郎充撫州郡按撫司  
疫民物故者衆不能具棺斂埋之野往風土不厚道旁白骨相屬間有未化者  
為犬豕所噬公過之惻然募民收掘得數千骸命浮圖氏作善果埋之義冢畢事  
者八十餘人一時懽呼歌舞道不騰誦公罷歸獄公臨決焚香羅拜越磨勘轉朝  
請部通判處州丁母憂遂不赴居邑比五日公棠蔭一廣尋二鮮登公乃捐已錢  
三百餘緡募民數百界市中鑿河直亘五千餘丈深尋一廣尋二鮮登公乃捐已錢  
二水灌漑民田一千餘畝映帶塵居二百餘家自茲稼穡屢豐剡挹咸復於鎮  
東建石橋開義井整關道途直踰晦嶺延袤二十餘里居民行客無不德之晦嶺  
之西土田尤廣公復捐己貲一百餘緡築王村之德立生祠於嶺巔思以報祀恩  
防損壤者悉加完補由是民富物饒益有感公之德

甚盛哉免喪通判漳州轉朝奉大夫行次臨漳俄感疾而卒實乾道八年六月初九日也享年七十有二以九年十二月庚午葬於剡源鄉張畧之原已而父老相與踵門而請曰劉公施惠吾民既溥且博念不著其功綿其祀能無愧於心乎矧先生知吾公出處為詳請記其事為不朽傳予考之祭法凡有功能於民者宜在祀典遂述其始末以昭後世迺作詩曰惟公蒞政廣明公勤歸於故鄉惠及生民生民如何立祠崇祀廟食一方千秋萬紀

顯靈廟 在董村祀宋邑侯綏寧王蕭公世顯曹家廟 在董村

顯應廟 在棲霞院祀宋邑侯綏寧王蕭公世顯廟前有大楓樹二大五圍高十餘

丈

天興廟 在北溪祀唐鄞令王元暉 東嶽宮 在北溪

上洋廟 在黎洲祀餘姚黃宗義

孫興公祠 黎洲自孫興公經始至今有祠其上剡源明全整又結廬以祀之  
集 結 亭 集

靈溪廟 在靈溪 太平廟 在平院

威靈廟 在大晦嶺裏王氏建

茶溪廟 在毛家灘祀唐銀青大夫王敬玘 文武殿 在毛家灘

菱池廟 在沈家巖 斑竹園住嶺一堡沈家巖一堡

關帝殿 在菱池廟後半山中

上祠廟 在巖阮

東皇祠 在西晦溪

應坡廟 在應家山

宗祠

啓我堂 沙隄樊氏總祠 養正堂 樊氏仁房派 承啓堂 樊氏後房

毓德堂 樊氏西房 人本堂 樊氏前房

承志堂 徐家步頭徐氏前房 積善堂 徐氏後房

報本堂 公塘唐氏總祠 滋本堂 唐氏新祠

承志堂 後董董氏祠

源遠堂 康嶺康氏總祠 承志堂 性熹松大房派 崇德堂 性熹松二房派

以上後略

歸厚堂 經德堂 貽訓堂 敦古堂 俱康氏老二三房派

葆性堂 茅渚張氏祠

叢桂堂 三石陳氏舊祠

宋臧元儒詩新秋花傍小山開自有淮南客  
履來莫更山中招隱士誰能花下日銜杯

本源堂 三石陳氏四房派 承啓堂 陳氏五房派 流慶堂 陳氏四五兩房

新祠

江迴記禮之起其於人情乎人無不有本人之情無窮禮之制有聖人於是推事生  
一廟皆為有爵者言之而庶人則無與是固禮之無可干越者也降及後世乃有  
祠堂本廟之遺制而變之通之卿大夫之講禮者猶止祀其高會祖考至庶人則往  
往合一族之主而祀之其禮簡而所及者天下郡國必藉紳之復為之程限蓋皆順  
乎人之情所謂仁之至義之盡也然予考天下貧瘠而於報本之禮若以資雄於鄉  
邑者始有盛者此而祠則支祠焉獨房祠即方貧瘠而於報本之禮若以資雄於鄉  
稍後族之盛者此而祠則支祠焉獨房祠即方貧瘠而於報本之禮若以資雄於鄉  
之所風俗之厚耶邑之別源陳氏始自五季其始相傳為奉化尉卜居刻源  
之茅渚後復遷三石族寢寢大而最著者為本堂先祖其相傳為奉化尉卜居刻源  
皆官尚書雖有疑之者而紀之通鑑載之郡縣志功名氣節亦終不可磨滅乃城  
至本堂之孫曰樸曰樞曰遷居蘇州三石之故居僅數家而蕃衍亦終不可磨滅乃城

縣尉觀之子孫也新城君於棠為十世孫實本堂之從弟宋亡歸隱與本堂挾幽探奇相唱和粹然儒者其詩書之澤所以承先世而貽後人者為無窮矣新城君慨然後又分四五兩房族既盛矣亦各有支祠以為報本之所其裔孫能厚茂才乃卜地宅之東鳩工庀材其制之而本堂之派向有祠曰羗桂堂乃并奉諸先生告成奉始遷祖以下之主而祀之而本堂之派向有祠曰羗桂堂乃并奉諸先生之主而與列焉此則孝子仁人之用心今而後有事於斯堂也衣冠濟濟拜跪趨踰將有念先澤而益思繼述者可不謂盛舉歟是時孫玉仙司馬方與鶴亭校刊本堂集因取集中語名其堂曰流慶閱辛丑鶴亭始書請予記之予檢本堂集喜弟觀得孫詩有深源出芳流盛德受豐報家慶三世圖人間如此少之句未知果否取此今司馬官越嵩相隔數千里不及問即以此當之而新城君之宜有後本堂固已預券之矣夫陳氏之先世秩皆卿大夫宜有廟今鶴亭之為此祠亦循世俗之制所謂通古今之禮而不費者歟嗚呼今之世景教流行方挾其摩醯之說以鼓動我人民而衣冠俎豆之典禮將弁髦而不知之仰然亦由我中國秦火之後典籍殘缺議禮者或徒知講求末節而先聖王之精意無十一之存故後世亦易厭棄而異說得而乘之竊謂言禮至今日不如去其繁縟一歸簡易庶幾輕而易舉約而易遵而千聖百王之當與鶴亭之意有合焉光緒二十七年八月朔

思本堂三石何氏新祠 光裕堂 三石趙氏總祠 四美堂 三石趙氏分祠

永思堂 塔下曹氏總祠 崇德堂 曹氏天地人三房派分祠

敦睦堂 塔下康氏總祠

敦本堂

柏阮陳氏總祠

裕後堂

下蹕駐宋氏舊祠

聚德堂

宋氏天房新祠

樹本堂

下蹕駐王氏總祠

餘慶堂

上蹕駐陳氏總祠

永和堂

上蹕駐樂戶仇氏總祠

燕翼堂

六詔孫氏總祠

務本堂

六詔應氏總祠

報本堂

晚響嶺趙氏總祠

仁德堂

晚響嶺王氏總祠

春暉堂

水碓頭竺氏總祠

繩武堂

水碓頭夏氏總祠

順德堂

剡界嶺張氏總祠

順思堂

剡界嶺許氏總祠

恆德堂

黃沙阮丁氏總祠

聚義堂

黃沙阮戴氏總祠

緒誌堂

石橋頭汪氏總祠

敦本堂

大阮金氏總祠

鼎新堂 斑溪董氏裏宅總祠 潮水祠 董氏裏宅舊祠 滋本堂 董氏裏宅

新祠 樹德堂 董氏外宅總祠 百歲堂 董氏外宅中房分祠 餘慶堂

斑溪田氏總祠

承德堂 董家畧康氏總祠

永思堂 許家岸張氏總祠

戴氏祠堂 榆林今尚有祠屋小間

戴表元遷奉祠堂文維大德五年歲辛丑十二月丙寅朔越九日甲戌孝嗣孫戴表元謹以清酌時差之薦昭告於戴氏初祖九府君以下列廟之靈古者將營宮室宗廟為先表元來居剡源餘二十載而新寢未築願嘗規購先祠奔馳之煩莫克就緒深懼遲遲愈滋不虔爰涓吉日祇遷神主宅茲上游位惟辰巳北上西向初祖以下在北室高祖六四府君在中室五祀諸神附南室惟土地之神在下室遷奉之後庶幾妥靈陰陽相家用和康以延於子子孫孫無墜厥祀敢告

永仁堂 榆林陳氏總祠 仁美堂 陳氏新祠 懷敬堂 陳伯旺派分祠

崇本堂 上陳陳氏總祠 聚星堂 上陳陳氏福珍派分祠 深遠堂 上陳陳

氏寧九派分祠

報本堂 巖頭毛氏總祠 崇本堂 毛氏國正新祠 桂馥堂 毛氏東房一柱

派分祠 永明堂 毛氏東房一柱派分祠 崇德堂 毛氏分祠 穀貽堂

毛氏西房派分祠 五美堂 毛氏東房五柱派分祠 三裕堂 毛氏東房五

柱派分祠

追遠堂 謝界山陸氏總祠

溯源堂 老界嶺毛氏總祠 育德堂 樟墅毛氏舊祠 裕後堂 毛氏新祠

式穀堂 毛氏梅房派分祠

敦厚堂 楊墅徐氏總祠

世義堂 石門毛氏總祠 承恩堂 毛氏東西房派分祠 佑啓堂 毛氏西房

派分祠 見山堂 毛氏東小房派分祠 維新堂 毛氏份房派分祠 敦仁

堂 毛氏元瓊派分祠 毓秀堂 毛氏分派新祠 擁翠堂 毛氏松涯派分

祠 紹裕堂 毛氏龍巖派分祠 勛忠堂 毛氏剡溪派分祠 紹先堂 毛



紹裕堂 毛氏龍巖派分祠 勛忠堂 毛氏剡溪派分祠 紹先堂 毛

氏善繼派分祠 務本堂 毛氏下宅派分祠 世澤堂 毛氏嘉君派分祠

迎曦堂 毛氏嘉巽派分祠

駿惠堂 張家阮毛氏總祠 地屬連山

敦本堂 高畧張氏總祠 垂裕堂 高畧張氏西房派分祠

孝思堂 亭下單氏總祠 尙志堂 亭下單氏梅房下奇珂派分祠

趙需講記吳可舟廣文創纂忠義鄉志孫玉仙內翰謂余曰剡源多人物古蹟亦何可以無志余承其教搜羅圖經參考鄉先進遺集梗槩竊具慮見聞之未廣也去夏探訪至小晦亭下讀單氏家乘知孝思堂為閩族之總祠梅房下奇珂公分祠有堂而無名其裔孫紹萊請余名其堂余惟奇珂公高祖為道寧先生元季邑侯季元中有題刻麓小隱詩因擬其名曰高隱今年秋其族重輯家乘延余纂修前擬之名羣嫌其不愜當紹萊復請易之并屬余為記余曰士所尚者志耳易以孟子所謂尙志何如僉曰善余考孝思堂重建於道光二十年紹萊之曾大父納庵太子伯先生實幹其事明年與族姪仁祐復建是堂衆資告罄募捐不足則各出已資以補之稍有贏餘俾仁鈞等權其子母而祀田日以增矣於是冠婚之禮出於斯喪祭之禮習於斯自正以至除日薦羞受胙莫不畢會於斯一遵朱子家禮而無所於愆先生與先叔祖五鳳公同為督學朱文定公所取士余幼時見先叔祖崇尙實行不背繩墨先生乃亟亟以宗廟為先非其志量之遠且大歟且孟子尙志云者本於易之高尙其志與孔子之言隱居求志同大學之修齊治平此志中庸之化育參贊亦此志特曾子思渾不而不發至孟子發之而其旨彌

以上前略

宗祠 十 丹山赤水洞天



以養其心則所以養德者正窮而不屑於陟蹠達而不至於素餐則所以養身者  
正此詣非聖賢不能到然古者五十養於鄉六十養於國七十養於學後世有其  
名而無其實想敦學公當日黃髮給背蘭桂盈庭頤指如意撰杖屨以優游殆於  
所謂壽考維祺者歟抑又考之春秋繁露壽者壽也壽有短長由養有得失觀於  
此而公之所養可知公之自養更可知矣然余更有進焉得相得佑二公子孫三  
四百人凡瞻拜於斯堂者追養繼孝母以衆暴寡母以強凌弱人各以養志為  
心將孝子順孫萃於一堂庶有合余  
名堂之意也夫光緒丁酉十月朔

虬祠 亭下單氏裏宅派分祠在馬村虬嶺

德涵堂 亭下沈氏總祠

德興堂 麻廠嚴氏總祠

敷訓堂 馬村張氏總祠 垂裕堂 張氏小房派分祠 餘慶堂 西山頭陳氏

總祠 善慶堂 西山頭胡氏總祠

三槐堂 環潭王氏總祠

汝南堂 白璧周氏總祠

燕貽堂 斑竹園俞氏總祠

彝倫堂 毛家灘王氏總祠

追遠堂 沈家巖俞氏總祠

樹德堂 住嶺胡氏總祠

永言堂 巖底俞氏總祠

敦敘堂 俞村俞氏總祠 崇德堂 俞氏前房派分祠 聽彝堂 董村竺氏上

宅分祠 傳德堂 竺氏下宅分祠 明德堂 竺氏前宅分祠 永德堂 竺

氏前宅分祠 本姓陳 端本堂 竺氏後宅分祠

積善堂 董村宋氏總祠

敦倫堂 棲霞阮王氏洪文派總祠

式穀堂 棲霞阮王昌法光緒二十二年建

孫鏘記天下世系之繁莫盛於王氏世之言王氏者媯姓子姓芊姓外惟姬姓自周靈王太子晉者為最盛彼畢公高後不及焉太子晉之後分二派曰太原曰琅那而三槐又琅那之別也吾奉王氏其卜居連山者大都為琅那之裔而刻源棲霞一族同之余考慈谿王簡侯先生所輯通譜述棲霞所自始云著作郎分支吉

生公派下有諱銘者於太子晉為六十五世孫明初由萬竹嶼遷居源鄉棲霞  
阮蓋由來舊矣惜其後皆略而弗詳耳至七十五世諱世金者有子尚道妻未  
育而卒其仲弟季弟嗣少不能歸其輪值蓋取風詩螟蛉有子果贏負之仁當時議者  
固謂世金公以上祀火一皆歸其輪值蓋取風詩螟蛉有子果贏負之仁當時議者  
自別尚仁公之裔譜焚如一世系遷流漸不可考後司馬以勤起家志在尊祖不忍  
區別尚仁公之裔譜焚如一世系遷流漸不可考後司馬以勤起家志在尊祖不忍  
無以揭虔妥靈爰乃度地於居室之東量材鳩工擲題其門曰棲霞望族而以宗  
尚仁公之派見異同族既於光緒庚寅春別立支譜矣又以累世栗主不有宗  
名詢余且屬為文以記之余謂王氏得姓最古誠不一其族矣後世僭偽之朝其  
不幸有賜姓者若漢劉閔劉嘉等之遇新莽五代宗信宗侃等之遇前蜀是也若  
夫避宋藝祖諱去匡之三垂而為王者見弇侍郎春融一堂集二公著述冠當世皆不  
宋初從外家王姓見述菴侍郎春融一堂集二公著述冠當世皆不肯支離其詞以南  
欺罔天下然則棲霞王氏若向仁公一派雖出自盧氏庸何傷乎且盧王兩家為  
唐初四傑之二歷世通好非尋常泛泛者比茲既以盧氏庸何傷乎且盧王兩家為  
秩然不誣不背由前而論則教誨爾子式穀似之之道也由後而觀則先河後海  
飲水思源之意也司馬屬余書飲水思源四字為後人告余遂名其堂曰式穀亦  
使後人知今之席豐履厚者皆先世飲食教誨之所致也登斯  
堂也孝悌之心其有不油然而興起也哉光緒二十年孟春

口口堂 棲霞阮周氏總祠

崇德堂 巖阮王氏總祠 垂裕堂 巖阮單氏總祠

追遠堂一 北溪盧氏一為舊祠一為新祠

本源堂 梨洲王氏總祠 追遠堂 梨洲溪下王氏總祠

敦叙堂 西海溪單氏總祠 溯源堂 單氏新祠 懷本堂 單氏國盈派分祠

敦本堂 應家山應氏總祠

寺菴

鎮寧菴 西山菴 在沙隄

妙香菴 在公塘申明亭故址側光緒初建

五經山堂 縣西四十里乾康二志元至元中建康熙志○今莫詳其故址

佛照寶蓮堂 縣西四十五里至元二十年士人丁氏捨宅爲之至正二年燬至正續志十

案至正續志既云燬而康熙志又云元至元中建舊名寶蓮乾隆志又出佛照堂

豈後人重建歟抑已圯而不註明歟今莫詳其故址

法喜寺 縣西五十里唐咸通九年寶慶志十五僧照建康熙志名永泰院宋治平二年改

法喜院寶慶志十五後爲寺明永樂年廢成化三年重建浙江通志

法喜院 十五 後為寺明永樂年廢成化二年重建

宋舒宣詩抱山重屋兩迴廊松檜如雲百尺長香火他年誰第一老僧辛苦頂如霜  
了無情解作攀緣一鉢三衣只兀然坐對青天不知老學人休問祖師禪  
元戴表元詩野火煙雲窟春溪風日朝花遲年有閭樹密地  
無徭山鼓通荒戍庭碑認往朝客言僧可隱勝似隱農樵

### 上乘院 縣西南五十里唐咸通五年置名乾符宋治平二年改今額 十五 久圯

○案延祐志作縣西五十里為是康乾二志不載想因已圯而削之與

宋陳著次韻上乘寺主僧如岳詠菊詩萬紫千紅各炫名紛紛兒女哄春榮屈園  
秋種無入顧獨遇陶潛氣始平又四月八日携子姪到上乘偶成詩白首猶堪數  
里行相過一笑見山堂殘僧門徑靜於夜新夏林塘暖自涼且借吟林娛半日  
妨歸笠戴斜陽我來豈敢辭筋力先隴松楸倚寺榜又上乘方丈詩石邊流水竹  
邊松中有十年前好風悠然自得忽自笑今日河日此山中又上乘展墓詩吾行  
荷謝老天公不放南來送雨風筇杖步前皆雅興梅花香底欠詩工塵埃辟易青  
山外邱壘凄凉落日記衰翁  
心分付處兒孫他日記衰翁  
陳著代上乘寺僧募修大殿疏伏以上乘院無多基業專靠衆緣中央殿好個規  
模知更幾代來者付日月於玩愒聽其為風雨之震陵上漏旁穿幾莫容於金像  
西撐東柱豈不玷於寶坊如更苟偷儘見狼狽今將發頭修造亦曾到底思量  
鼓裏百應百酬已難日給瓶鉢中一點一滴那得河成能無方外信心要做佛前  
勝事然使我明以告則在人如可得知善果善因切勿當面蹉過大根大莖  
即開手鈔題或倒藥金或捐廩粟便可尺水起丈量何妨把衆毛為一裘畫棟  
朱薨將飛騰於天半丹楹刻榜當新美於日前庶無負布施之喜歡有不可  
思議之功德古茂林改觀諸檀家皆有品光老闍黎報恩一粒飯亦須回響

原郡志 卷七 寺苑 十三 丹山赤水洞天

又留上乘寺主僧如岳書某薄宦於遠久不致問曾大父慕依慈雲以安感不容  
 聲古道場願願力以修以完贊不容語忽聞近為洪水後有外魔瓢笠飄然已在  
 雪溪左右固足以見無貪戀心無住著相但某未能逐禮非其時會即有歸守墳  
 與老松修竹清泉白日相與幾更時某亦山林人也逐禮非其時會即有歸守墳  
 慕之日卻不妨送詩撥出寺以別敢望渡口船回勿使盡請或山門外他有為梗  
 當相維以障塞之不必過慮併祈困照又書某日望渡口回船之報飛帖劃來  
 不諗寄錫猶在雪溪深處諾以近吉東還甚慰山林如舊羅鼓又新園昔有緣先  
 隴有託無量功德也山下小魔當隨緣鎮壓彼又何能為哉道惠茶櫃多感但未  
 有以回供略  
 此不他及

永固院 縣西五十里唐光啓二年置名三石院宋天聖十年改今額寶慶志十五後為

寺乾隆久圯○案延祐志云唐光啓以王仁紹建靈石山菴宋咸平閒改永固教

院與寶慶志微異

末陳著宿靈石方丈詩偶因塵隙遊靈石不覺夷猶到夜深坐對半窗山月影參  
 成一片白雲心寒整著露更相調老葉無風也自吟分得僧牀伴僧夢夢闌詩料  
 滿山林又游永固院詩晴行不自覺又入此山來失笑谷聲應坐迎僧戶開簷風  
 數行竹窗日一枝梅歸策休催發得閒能幾回又到永固寺訪曹約齋詩本是塵  
 埃客齋緣到上方茶嘗新雨味酒吸綠陰香半日清風古百年佳話長悠悠一古  
 仰我欲慙斜陽又醉書永固方丈示東隱詩西麓與東峯前緣得二翁雅心千古  
 上慈福詩偶乘暇隙又過古禪林白日鐘魚外清風竹樹陰無言自有趣得句  
 僧惠



丹霞菴 在丹小山丹霞洞前宋時名丹山精舍後改今名嘉道咸同至今里人相

繼重修以爲讀書之所

亦何心相見不相問老僧知我深又似永固寺主僧可恭詩天女多年爲散花晚  
年來此寄年華貧因好客甘如養詩解聽人苦似茶僧室漫爲雲作主開窗惟許  
月通家有時得句忙題處滿壁淋漓字溼一鵝又似前人詩老友姑從方外求危時  
亦可少紓憂笑陶難資餘人契病室應關一世愁淡飯是緣終有味故山雖好莫  
回頭滿航雪意元無  
價住色空中足應酬  
元戴表元宿永固寺詩小寺如山艇坐來風雨宵榻分樓樹影  
帶刺花苗親近談難褻孤馴聽不妖許由渾秋達嫌到野中瓢

宋陳著丹山主者恭雪航年七十餘清苦善吟八句以似詩本是住林深浮雲載  
出林蹕跚多病腳避近十年心破鼓飢甘飯殘鑿老醒吟我來相訪外梅竹是知  
音又送丹山主者周東隱詩飛來峯頭飛錫一坐八載丹霞岑山林成陰鑿眼  
淺議論近古咻機深白雲泊對不留迹明月行空是歸心可無坡翁挽戒老試聽  
重新鐘鼓音又弟觀爲衆奉里神於丹山僧舍有五絕因趁韻詩一入丹崖第一  
約幽然此意已有巢吸泉煮茗濡吟吻洗盡人閒血肉庖趁韻詩一入丹崖第一  
從時好答人心堪憐寒露冰壺拜舞薰風面舜廊老我今年七十二已無半念到  
濁變清瀟喚醒心下十年夢拜舞薰風面舜廊老我今年七十二已無半念到  
窮通北窗一枕羲皇上日自流成鬼市不妨安醒服農忙  
塲權禁方嚴樽有坊幸免叫囂成鬼市不妨安醒服農忙  
清陳錦見丹霞菴就犯有感詩古剎依山歲月長殘垣破壁奈淒涼爨煙絕迹苦  
生窳經梵無聲草滿堂昔日蓮臺留古蹟他年衣鉢付何鄉遊人到此應增慨空

有林花  
冷自香

陳育姜丹霞庵有感詩赤水丹山古洞天荒庵十笏鎖寒烟袈裟僧去誰參佛蔬  
筍人來願習禪風過巖頭如虎嘯泉生石罅有龍眠滄桑世變今猶昔陳迹依稀

問寓賢○國初周靈  
雲先生嘗往來此山

### 下菴 丹霞菴下院在丹小山麓道光時圮

### 碧雲菴 在丹小山之陰曰後洞咸豐時圮

明周齊曾訪丹霞後洞滿德禪長詩宿記曾於此無多霜影圍十年重一過密竹  
欸雙扉不見主人老獨添山色肥健偏欣接客頻挽欲歸衣又丹霞後洞訪滿德

禪長詩但遮癡骨三間草足洗塵心萬斛泥迹印兩沙人亦鳥香分泉石筍為齋  
香浸煙深花後徑人來綠上雨餘蘿種成多樹皆能口口出新禪號橐駝雨

餘樹色連峯住石底灘聲出葉飛未  
及嶺已雲送客不須溪始口催歸

### 石蓮菴 在三石場巖山中其菴不知建自何時順治丙戌周貞靖齊曾祝髮於此

### 至丁亥秋始去霜聲集今圮

明周齊曾石蓮採茗記茶盡無以佐渴同自牧和尙拉得八足走石蓮峯頂搜採  
茗葉時秋多半草木翳藪細路斷續殺不可下脚斬刈而上人負一囊入萬崑紛

雜中稿隔數武即不相見然不隔呼應聲各以聲相顧以耳代目或遠或近不啻  
觀面採無多葉日已西下急返步囊雲次早圍坐地上出葉片片截去兩頭併中

間一綠梗炒三四回香已溢目色且撲鼻候水數沸入瓦注飲之絕無粗澀氣涼  
滲肌骨使但以其味誰知是秋露下來非春雨甲摘得也人自生分別舌亦隨之  
癸巳秋分後三日時

清梁頃詩精靈高寄翠巖巖隔岸紅塵路杳然地勝每多僧作佛山深常有樹  
參天白雲入戶尋幽舍明月當庭伴老禪聞道昔年龍聽法嘯天龍在此菴前

又祝髮石蓮詩猶有空山一片地似誰留此待孤蹤眠唯折脚牀偏穩坐只低頭  
屋儘容葉密樹何不是雪花稠人豈便非蜂會思問道無如石卻好芙蓉霜後逢

涼依樹綠難分雪瘦倚山青欲傲冰莫漫別尋乾淨地江城咫尺有東陵  
趙需濤三石趙譜石蓮菴書後菴在三石廟後場慶不知何年所建乾隆間尼初

明末進士順德合周唯一先生名濟曾字思沂因事挂冠甲申之變即禪隱石蓮  
菴至國朝順治四年丁亥秋遂去石蓮復建菴於白坑樞樹灣名曰雲雲即其別

號也著有霜聲集四卷康熙辛亥卒年六十有九吾鄉相與私諡曰貞靖先生常  
余未定論以石蓮與囊雲均祇存故址故也考邑志囊雲菴註云縣西北六十里

初無定論以石蓮與囊雲均祇存故址故也考邑志囊雲菴註云縣西北六十里  
周貞靖先生隱居建石蓮為一亦欠分析及觀霜聲集石蓮菴確在三石場巖雲石

運以自胸直混囊雲石蓮緣盡別覓住處於白坑樞樹灣之語是則先生始居石蓮  
雲菴確在白坑樞樹灣蓋集中有祝髮石蓮詩二首又有築瓢白坑樞樹灣詩二

音且其無髮譜叙石蓮緣盡別覓住處於白坑樞樹灣之語是則先生始居石蓮  
四年後構囊雲居二十年鑿鑿可考者也先生所為詩文其一種忠義之氣淒涼

之况直可感天地而泣鬼神今不及詳載選有關於三石者附焉使讀者想見其  
高風亮節為不可及

云光緒辛巳九月

善慶禪院 在塔下久無僧住雖有古佛數尊已為村人公用之所

寶明菴 在周家畧僧則峯居此今圯 倪畧菴 在倪家畧道光初圯

宋陳著詩聯袂西菴去行清不厭深爾芳泛幽谷松翠引長林石路傍山磴澗源何處尋歸途無所有時聽一猿吟 又夜宿倪菴坐雨二首一自入菴來翛然百念灰松風晴後雨澗水靜中雷鄰所蠶母樵翁挾雉媒若無山外事何必過天台連朝雲靄靄一夜雨颺颺漲戶霧黑天曉洗山黃澗流澗深麻長骨溼重麥垂頭春水可農事只愁兵未休 又六月六日倪畧菴坐雨詩山外黃塵不到門南風松竹翠紛紛暗中有虎村噪 夜半聞鷄老睡分帶得兒來同坐雨飛歸家去欲排雲收書忽報今朝 喜疇女加餐藥奏勳

聖跡菴 縣西五十里乾隆志在塔下之南畧○案五十里當作六十里

廣福菴 在塔下大箸阮山今圯

淨慈寺 縣西六十里唐乾符六年建六志校勘記一名仁王院宋治平二年改今

額寶慶志十五 沈端憲公煥有記延祐志十七 陳著有重修記中有慈雲閣本堂集明洪武初

改寺康熙志今俗稱為柏阮寺邑人蕭湘題其山門之額曰剡上名山

陳著代淨慈寺修屋千波董伯和鈔助疏丹山西畔是小淨慈最為佳處翠堂後人是棧越况有夙緣一入寺門便見功迹眼中突兀百尺樓壯觀無前耳根分

大... 淨... 寺... 風... 千... 一... 蓋... 寺... 門... 便... 助... 疏... 丹... 山... 西... 時... 是... 百... 尺... 樓... 壯... 觀... 無... 能... 前... 處... 耳... 翠... 松... 堂... 分...

明萬石... 類蒼甚... 昔左邊... 誰顧菟... 他人不... 可開手... 遊如袁... 起廢之... 善哉如... 宋沈煥... 又謂始... 流傳不... 老走告... 山無常... 中告語... 囊負担... 業不孚... 惠一方... 通選一... 與畢力... 以休處... 達雖天... 類蒼甚而為荒基為廢圃法雨堂最廣已岌岌乎支撐慈雲閣頗高亦僅僅乎完  
昔左邊日用等屋右邊荷班諸寮三百年圖畫之區半為狐穴四五替住持如客  
誰顧菟裘苾芻承乏此來擔子推去不得硬欲為祖師爭氣自與伽藍合謀豈無  
他人不如此熟悉做因果事但是一家繼繼承承發布施心便是十分歡歡喜喜即  
可開手鈔注免得回頭較量白頭僧鼓舞而東黃面老證明於上雲斤月斧立須  
遊如袁蒙齋與陳習庵留題不妨鏤齊名之版如沈端憲為宏虛谷著語當再立  
起廢之碑善哉  
善哉如是如是  
宋沈煥記奉化縣治之西六十里有佛宮焉按圖志唐乾符六年所建院有故  
又謂始於石晉天福五年他無考証然自天福庚子逆數而上適周一甲子圖經  
流傳不應無據院初號仁王其錫名淨慈者本朝治平二年也淳熙戊申里之父  
老走告於州曰淨慈為利實明越天台三郡田夫野婦遠近老穉奔走徼福之地  
山無常產而地少朝晡稻蔬之供未始告匱者實賴山王陰率潛化若有人從空  
中告語相勸導者凡粟米豆麥布帛絲麻薪炭菜果隨闕而應不求自至傾囊倒  
囊負担挾篋牽聯號呼業業而來拾其有而求所欲無不響答比年主文至者行  
業不孚禱祝弗應里多疵癘人心累驚願更擇有道人者居之以安慰山靈而加  
惠一方邦君吏部侍郎岳公從之悉召州之名剎育王天童而下十有六老首厚  
通選一人得今住持師宏臨江人嗣法佛照禪師始至周視庭宇喟嘆荒蕪衆相  
與畢力支傾補繕規恢隘重期月百堵徐興去堂靖殿以祇潢佛事僧堂奧敞  
以休處明徒且過接待之寮關而新之以安適來者度僧有庫會浴有室鐘魚震  
響草木蔥茂叢林規制大略具禮宏師以書來乞記其事余觀人之一心精誠所  
達雖天高地厚豚魚細微金石無情有感必通况數椽之興廢乎是心苟存鬼神

其相之矣雖然天下之事其將興也責於已求於心其將壞也聽諸神歸諸天古  
 今一軌宏師能充此心不倦則道俗不重應興起法席蓋未艾也不然徒日然重  
 淪供而神不我孚吾恐山王去之遠矣書以遺之使刻之山中若夫自漢以後佛  
 法入中國四民風靡競求福利上之人往往多倡導之其來已久豈特一淨慈而  
 已哉民生不及三代遠甚其本安在宏師不求余言姑置  
 勿道獨識其所以振作頹廢之概如此紹熙改元八月

陳著重修淨慈寺記余家西蓮葉峯下禪刹曰淨慈林麓茂悅風月清美擅里中  
 遊觀勝地比鑿者狎尸丈室苟且暮慶率闕去山空屋壓惟殿一閣二鐘樓僅完  
 古佛殘僧幾與孤鬼爭席歲辛巳法椿以公選住持周視奮誓迹其舊而經而營  
 量其力而緩而急謂寺初興山君發靈日用飲食實微福以贖而祠庭老且隘所  
 以尊本安神依未稱首撤而新之既次第重建祖堂齋堂庫院口閣皆高亢軒豁  
 衆寮客館浴院西廊皆深而徹回而便庫堂庖若潤則繕修覆甍必堅必緻四十  
 年來過者誰目規復不十年類立廢與於前有光寺產素薄非施助奚給自忝竊  
 者居神問惠顧昔所謂世俗祈求一徑湊其埽影况遺道山積執券索償踵相  
 如承乏辦事何法椿乃斥巾鉢備開人信嚮冥冥與知相其來源也間且並溪  
 木時節錄鼓屢更饑饉一如今日胸中無私白需自應神固弗能違也間且並溪  
 隄田寬為衆計松竹環四山蔥翠秀擢精神運量有餘如此古道散失人隨  
 所入用心安問殊歸成皆可紀法椿功等開山將紀其績不以他屬而屬之余然  
 余所欲言已老還住淨慈寺後山青巘既忽如憚悴忽又開容顏寺前灘聲  
 濕浚忽枯澀忽起波瀾知為誰乎醜或妍只在主者往與還思疇昔狎牽  
 擾痛卷無餘遺百難山林頽矣囊外棟宇委之荆棘閒飛錫一來重悲慨張翥  
 勇欲興廢積勞成逾一紀大書記實光下載彼物何有怪不怪當自壞胡  
 乎罵蟻將撼木不自分犬或見雪從他吠無辯之辯如我何有怪不怪當自壞胡

爲鐘擊鼓辭上方若曰挑包頂笠皆吾鄉戲衫脫了因甚快大權契合終難忘  
風會相送迎亦好雲與俱出歸何妨兩不著相是去住一撥便轉無思量人生忽  
忽夢幻身世界茫茫戲劇場我老不覺八十三師今亦且半百強石塔重來我愧  
不是蘇玉局茅屋可賦詠卻自愛杜草堂又到淨慈展墓詩有客旨尋僧新吟  
沈刻藤交情自秋月浮世看春冰猶願慈雲榻相期元夜盡我來當付約樓上看  
陳登藤又同離孫童蒙遊淨慈詩三月第三日又來遊梵林醉言驚俗耳貧趣契  
僧心犬吠落紅外鳥啼空翠陰一年最佳處分付老齡吟又遊淨慈道中詩衰  
年少出門信步過冬隄黃葉問梅路青煙芟麥危時一自適造物萬相口試與  
松約尚堪  
來幾番

清宋聲震淨慈寺松題詩寄意已有棟梁器巍然能獨存不知歲寒  
意會共幾人論勞我思看木清陰滿故園題詩報者舊此日客平原

清宋聲震淨慈寺詩不到蓮峯二載餘重來豈忘舊樓居牆間半漬僧徒墨架  
上猶存父老書落日倒懸三石影晚風吹入一簾虛同遊不減登臨興又約中秋

看月時綠蘿陰下倒蒲團茗葉松花進午餐近水雲霞晴亦雨傍巖樓閣書常  
寒月旅懷寥落詩嫌冷禪機空虛話不酸一榻茶煙篋般若人生到此卽邯鄲

江迴遊淨慈寺詩舊時遺蹟問仁王蓮葉峯前卽上方曲澗流通初過雨好山積  
翠未全霜談經共惜高僧去盤蓋長留古木蒼欲覓遺碑無處所千秋世事感滄

桑

孫昭謙詩蓮峰五葉鎖晴空中有仁王數畝宮老屋連雲滋閑寂古書滿壁愛  
精工品茶雖乏龍山味采菊猶存栗里風好景此時須飽看楓林遙映剡溪紅

定水菴 在柏阮九溪廟側

元戴表元拜袁越公墓因遊定水寺有懷源老詩乃翁已作飛仙去猶得潭潭好  
 墓田老樹背風深拓地野雲依澗細分天青峰曉接鳴鐘寺玉井秋澄試茗泉我  
 與源公舊相識遺言瀟灑有人傳

囊雲菴 在柏阮樵樹灣順治四年周貞靖齊會築瓢於此自為之記今圯

囊雲記至刻曲曰阮出人家屋角東行數百武望隔水衆山如海波從風起伏一  
 峯逆奔注西去作旋渦狀摺處分數股中股一澗下送至溪頭入瓢須從溪溪  
 須筏須舟須梁筏須竹舟須板須篙楫梁須架木須編柴即負以涉須人肩背脚  
 力或呼不至須待吾有脛豈不便如山人幾寸骨況除雨漲甚一日半日即石出  
 深不過蹀以上淺僅沒胫吾不惜吾脛自不懼水懼冷懼沙石齒齧吾足板不  
 莫不便於有所須有所須有所須有所須有所須有所須有所須有所須有所須  
 如梁不人止用吾脛從驚濤濺中行數十武即山脚一徑漸次轉摺上有石如屋  
 徑盡乃抵瓢瓢所有草不栽而花或出石罅或雜叢綠裏如繡如抹如潑  
 供沐供浴為墨汁供口寫龍為雷聲光百出然則吾自奉雲為息勝夫餘石在月  
 夕時幻帶疎出沒在雨為龍為雷聲光百出然則吾自奉雲為息勝夫餘石在月  
 口木石作座下大衆以口側不常住惟覓雲之無非木石木石之無非雲一  
 不來雲去不去木石常住不常住惟覓雲之無非木石木石之無非雲一  
 始許 共住

又木爐說於囊雲得朽株概狀似爐然不止兩耳三足又腹穿無底雖似爐不甚  
 似也不甚似曷謂之爐呼虎或以於菟以大虫呼后或以胆呼矢或以箭射射又



呼活東布穀又呼鬪驕是一物固無定名且呼劍以惹鐵而草矣呼螽斯以春窠  
蟲而器矣呼蟻以養鴻蟲而禽矣呼竹籠以夫人呼湯壺以婆子器而人矣是一  
人矣呼白鷺以碧繼翁禽而人又呼種種何不可總謂之木爐鳥乎似爐不甚似  
名更無定物如是則凡滿世界所有種種何不可總謂之木爐鳥乎似爐不甚似  
爐如是則何必向木爐裏竊盡梅檀香氣纔塞到人多  
多鼻孔但投著莖草忽地一縷無烟篆燒天下人

又囊雲漫興詩三首猶餘此地可彷彿小幽樓石作房雖午人如曾幾到似相  
識卻偶然忘腸應一片花俱冷身以數聲鳥暫涼祇為深雲間料理將無一事更  
生忙雖接村煙隔灘隨松幾摺到雲山名盤谷人非李序擬昌黎送孰韓  
有水流堪引作枕無鹽梅已種成醞長時合眼蒲團坐且作癡癡睡裏看漫說  
山容淡欲妝得水逾香獨抒心冀人相識六詔今誰舊姓王又元且囊雲口占  
自醉煮來茶得水逾香獨抒心冀人相識六詔今誰舊姓王又元且囊雲口占

如花影落日去來雲一巖我無年可拜不用惜婆衫又囊雲夜詩心難忘所至  
涼聚語耐茅柴聲一屋茲山即老菴又除夕囊雲雪中煮蔬分歲詩晨炊己有  
餘新歲又何如即此和冰煮曾經候雨勸將勤供客莫以褻嫌余孰記山頭老  
先通花外車又開得囊雲新路答解齊大師韻一日路從心想入果然是處有  
行窩難分石即眠雲古不必人如語鳥多花襯壁分天作影溪隨樹出徑為波山  
情曲曲誰酬價贏

周志寧入囊雲訪周唯一先生詩羊腸九轉隨溪曲鳥道千盤隱落暉黃葉滿山  
堪謝客白雲無日不知君開題尺素邀松子漫倚孤桐數鹿羣楚使來尋那得見  
有時清嘯  
月中聞

孫士价坐囊雲卷詩縱目青山外山與客心閒與來輕獨步日午猶閉關路  
隨石壁斷風帶水聲潺湲主人不輕出下士絕躋攀一卷楞嚴罷山中樵者還

明倫菴 在兩湖

孝義菴 在筠塘塢距縣七十二里鼎革之際僧超觀建觀本高街孫氏子字水定

號位之幼習經書從周貞靖先生入山祝髮聚茅為廬母妻死葬於廬側人因名

之參康乾二志互詳仙釋○案康乾二志作西北六十里誤

清宋聲震孝義庵懷故明周貞靖先生詩夙慕先生是假僧囊雲遺跡到今稱自  
慚養拙當高隱只愛談禪作小乘看竹有人聊免俗安心無法敢傳燈從前虛度  
如春夢學佛心癡老益增又孝義庵山房漫興詩一囊收得  
出山雲歸臥茅廬正夕曛不是荒鷄催夢醒遠林殘雪鳥呼羣  
孫鏘尋孝義菴遺蹟詩并序乙未春仲同慈谿孝廉馮夢香先生遊筠塘觀囊雲  
香爐適普航上人以前生諱日問余答以黃黎谿先生誌文既嘉其追念先賢又  
足為剡源存掌故焉率成一律用誌雪泥鴻爪之緣云爾○剡源岑寂一囊雲來  
訪筠塘塢裏春朽木已無養和具○囊雲先生嘗得懸崖奇木製為養和坐臥其  
間見黃黎谿墓誌及全謝山記文遺磁猶動瓣香人○菴內有靈雲香爐上銘  
康熙己巳慈谿裘濟章敬助小字○天荒地老風波遠○先生以區難隱孫氏夫  
婦以家難傳法焉○林密山深世界新麥飯願存先覺祀當家原  
是在家民○先生之卒以康熙辛亥三月二十日享年六十有九

九龍菴 在下蹕駐

慶雲菴 在上蹕駐 龍慶寺 在上蹕駐俞家畧

福德菴 在六詔茅塢初名陳成菴咸豐間改今額 永鎮菴 在六詔廟下

法通菴 在剡界嶺

廣福菴 在黃沙院

報本教寺 縣西五十里元大德五年僧正思建康乾二志。久圯

以上中路

元戴表元天壽報本寺記奉化剡源之山起會稽路天台穿連山界嶺石門南東  
 行累十百千折然後達於斑溪堂皇曠夷扈衛偃伏行道之人皆以為宜棲禪林  
 梵坊而未有領會之者余近過其地則風煙林莽間朱碧鞏鐘魚有聲問其廬  
 曰天壽報本也問其剡之僧曰正思也問規構曰剡荒萊揭隆棟有若幻成凡室  
 之於殿堂廊廡帑廡庖湍像之於繪塑器之於食用諸物無不具也問產殖曰田  
 之可稼者為畝二百陸地山林之可藝可薪者通為畝百五十朝夕之饋粥公私  
 之靡費可不至缺乏也問歲日經始於大德癸卯而慮久是何不動聲色而倏忽變  
 乎據形勢之不擅工能之巧謀敏而業宏心精而慮久是何不動聲色而倏忽變  
 化魁偉不常如此哉世儒多言浮屠法能絕私去累無愛惜戀慕於心故遇事往  
 往堅決不就又所與遊盡江湖之交多關於土風而熟其向背逆順故所為  
 而成所成而善是不盡然思師自其幼年母即氏即割愛命之薙髮易服復與之經營  
 少者亦為僧曰清瑞思師自其幼年母即氏即割愛命之薙髮易服復與之經營  
 之資曰他日我老願汝築一庵以養我師受其言庵未成而即氏及日師念之不  
 能忘於懷清瑞師懷之為助鄞田若干以起其役功用克集庵之考卜師耳目所

自悉其初本以居室之名名靜山師以庵善皎之奉化凡四五區今存者纔什  
 一非壞於故家子弟則同門僧袂強懷妬以破蕩之遂以公檳上開乞易庵為寺  
 而得今額其名義蓋上申華封之祝下存凱風之思云寺僧相傳甲乙思  
 師之下曰拱辰曰自端其世世以次謹持之俾勿替至大改元孟夏七日記

迴龍菴 在斑溪 國朝康熙時建 茅泮菴 在斑溪 大山菴 在斑溪大山

上國朝光緒初改名靈泉

明王鈞大山庵記距縣城西北六十里有山曰雪竇形勝不一巖泉邱壑皆殊  
 尋幽者多託足焉而得憩息盤桓者賴有一寺廊廡宏敞殿宇巍我真山中不  
 可少者過東十餘里為斑溪竹樹茂密落英滿地其谷窅而深其溪清而曲難  
 桑麻宛若桃源佛世界外又一仙世界焉詢其居人盡皆董氏復行七八里流  
 盡山徑高登峯陟嶽隱見一庵題其門曰大山菴蓋因此山而得名焉住僧與  
 宇不及雪竇百一而藤蘿樹石宛肖斑溪之幽邃焉入門升堂額書宋忠臣董公  
 祠中有塑像狀貌奇偉令人肅然起敬閱其第二額蟲食剝落隱見不可卒讀其  
 大意蓋備錄董公盡節殉難事并伊嗣奉祀之由乃知董公為宋室郡馬國亡殉  
 難者宜其子孫之不忘而世祀之也宋史不之載豈稗官野乘當日有未詳歟何  
 以赫烈如郡馬者而願竟略之哉余為之感嘆不置還過斑溪遇老友茂堅係董  
 菴迄今無記今幸遇君求君一表章之余曰君祖郡馬公在宋為魏科高第而其  
 仕也又政蹟可觀及夫宋亡不忍背國而必殉難此純臣也忠烈為第一大山  
 有君祖火遠勝雪竇之供佛火者矣余何可不為之記因索筆據案而記一大嘉靖  
 戊壬

善贊菴 在董家畷 瑞峯菴 在許家岸

定山菴 在榆林釋奇僧奇夢建互詳仙釋

奇僧卸定山菴詩兄弟叢林四十秋歸來祖道肯重修定山荆棘和根出饒舌老僧暗點頭

西峯禪寺 縣西南八十里唐咸通九年寶慶志僧卓菴建康熙志名西峯院寶慶志宋

嘉祐間真禪師重建延祐志治平二年名圓覺院寶慶志明洪武初改寺國朝康熙

中僧通記重修康熙志

宋陳著到西峯寺見弟蒙所與僧屋詩因次韻橄便入雲山相逢話晚年慣吟岳  
屋下時打葛藤前應世未頂覺無識聖顛滔滔女兒境猶抱穎師弦又次韻如岳  
醞飲西峯寺分韻詩十四首人世浮風裏塵不須更問果何人苦問功名事笑  
處流水青山便是親天地中間浩浩歌從他鳥兔健飛過旁人苦問功名事笑  
指南柯蟻一窠春逐夏交承紅與綠歲寒三友松與竹我是蟾宮老桂枝獨爰上  
大風霜足天街追逐塵亂更點聽殘鐘鼓院歸舟偏覺昔年非高枕已忘前  
日倦蕭蕭四壁住殘生近多空書友詩朋亦閒逢只有漁樵是知已也嫌老似雪中松  
分書生他未暇物外人來偶清話老聃主見一字虛莊叟寓言專是化正覺不留題久  
峯寂此後此意誰知得老僧披入廊東頭摩挲石刻令人憶小杯盤共話情茲行  
殘廊腳下草光浮誰能飢坐蘆穿膝莫問神通石點頭小杯盤共話情茲行

聊爾過浮生瘦吟學士如工部楷法書來近率更  
歌者半薄雲疏雨且早歸杜鵑自催鶴自怨  
日太白儘可詩百篇堯夫卻有四不出遊了南山山外山北山下住更幽間消  
磨永日何妨睡受用清風不用還又釀飲於西峯寺分韻詩牢穿不借踏青晨信  
與林泉有宿因忙裏偶成真率會醉來不省亂離身歸途西嶺  
何妨晚吹雨南風正送春燒筍煮茶須再到一山古意要詩人  
宏智正覺禪師詩水流百折山蒼蒼古寺形容橫野航明月初濡寒露白籬花似  
趁重陽黃道人心已老松石學子膽須磨雪霜默默澄源生兀兀游魚沙鳥靜相  
忘

元戴表元遊西峯余兒時讀書其旁詩山迴水抱西峯寺二十年來日來一出  
居然負邱壑深藏還此遠塵埃農樵識面逢多問魚鳥知心見不猜家世刻人須

住剡相尋未  
識百千回

清毛鐘西峯聞濤詩間遊西峯下小立石上苔洪濤松頂壓疑是海門來一聲  
天欲震萬壘山欲搖西峯非海島濤聲吼巖腰又西峯竹浪詩微風動金影此君

惜不定夜來明月  
中韻和西峯磬

毛遇清西峯寺詩幾叢修竹護西峰古寺翛然  
俗慮空讀罷楞嚴聽好鳥何煩攜酒綠陰中

太平菴 在巖頭之董家坪 靈鷲菴 在巖頭之東阮國初時諸生毛與蘭因葬

有曾祖墓建菴僧招以奉祀事

翠微菴 距巖頭七里塔裏院

清涼菴 在謝界山

鎮福菴 在楊墅 淨土菴 在楊墅

舒其宏宿淨土菴詩竹院偏宜靜僧愁不下牀呼童覓石乳為客理茶鐘日暮蚤能語秋深花更香相過塵慮息莫問世炎涼

梯雲菴 在石門本孝思祠後改今名毛階六梯雲菴梵王宮詩梵唱聲聞聽欲

來千里差帝宮西時古叢林精舍荒涼碧清隱菴 清涼菴 在石門今均圯

雲溪菴 在石門玻杯山有饅頭山塔高三丈餘咸豐二年重修○案以上三菴乾

隆志作縣北誤

法雲菴 縣南六十里乾隆志銀阮嶺○案南當作西

福善菴 在張家院

以上前路

龍泉菴 在嵩溪廟側 象峯菴 在馬村西畝

大智院 縣西七十里延福志唐咸通十一年寶慶志僧乾奉建名大智菴康熙志宋

大中祥符二年賜今額寶慶志今改寺康熙志同治初為竊賊潛身之所邑令鄒侯

錫淖拆而燬之人人稱快○案寶慶志云縣東誤

西峯菴 在西山頭 巖下菴 在馬村 廣福菴 在環澤 寶蓮菴 在白壁

證道院 縣西七十里唐光啓二年置名靈橋宋治平二年賜今額寶慶志明洪武

初改為寺嘉靖志寺西登山半里有龍湫為鄉民雩禱之所南百步有巖穴深不可

測習習風生寒氣襲人曰風谷谷下泉流寒甚於冰曰冰鑑路轉縈廻巉巖虎踞

前有方丈之地足以憩息曰振衣巖又數步列嶂前橫晚霞舒錦如對畫屏曰宜

晚攝裳而升漸入平夷多景所聚有堂曰蘊秀端憲沈公煥撫少陵剡溪蘊秀異

之句名之又築清心亭於冰鑑之左臨淵疊磯垂釣榜曰桐廬古意渭水遺風云

寶慶志久圯○案故址距董村里許

元戴表元詩彎環青徑斜自是野僧家滿澗瀉巖液插天排  
石牙爐寒似柏子架靜落藤花記得逃兵日門多貴客車

長壽菴 在棲霞院 廣積菴 在沈家巖 雲鷲菴 在董村 水口菴 近董



村 永福菴 在桃花阮山下元孤峯德建

觀音堂 在三折嶺中北溪節婦盧唐氏建四季施茶

溪隱菴 在北溪 半嶺菴 在深阮嶺腰 伏獅菴 在烏巖頭距西晦溪十五

里

龍華寺 縣西八十里唐咸通六年寶慶志僧了悟建康熙志名凝光院宋治平二年

改龍華院寶慶志明洪武初改寺康熙志久圯

安隱院 縣西一百里唐咸通十一年置名聖壽宋治平二年改今額寶慶志久圯

○案安隱院莫詳其處寶慶志云縣西一百里當在黎洲今黎洲一故址階石尙

在切近一小村曰寺前想或是與抑即黎洲寺之故址與是處各村譜牒均未載

入父老亦無傳聞不可得而考矣

黎洲寺 唐咸通十一年僧曇遠建今廢四明山志

戴表元詩不知何處起道聲雲作樓臺霧作城洲上稻肥初發山中梨巨舊傳  
名林疏野地惟多石氣溼炎天亦少晴東畔有潭聞險絕巖前時現老龍精一

區雞犬白雲顛亂後來看意惘然劫火尚餘唐殿宇上瓦甍是管山川沿溪客散三州路並寺僧耕日畝田欲訪蹤由題作句矮碑只在近時鑿 以上校路

舊案

公塘巡檢 在縣西四十里剡源鄉五十二都 延祐志八 宋熙寧二年置 寶慶志十四 元設巡

檢一員司吏一名 延祐志三 明革 康熙志

宋 唐嘉仲

案公塘唐譜嘉仲新昌唐家人授公塘稅課巡司因家焉自當不誣縣志職

官宜補

閻口口

案本堂集有代人送閻戎沁春園詞一首又有送公塘戎西江月詞一首豈即

閻戎與

元

張淮孫 沈世榮 宋 昇 楊世榮 趙 贊 潘文德

孫 海 潘 榮 劉 成 左文德 蕭 舉 密 蘭

金 貴 馬 麻 鮮于桂 王 昱 曾 鈞 沈 祐

倒刺沙 以上乾隆志

案乾隆秩官志元連山巡檢有王昱公塘司條亦列其名而任叔實送括蒼王實翁邏戍公塘序有往年王將軍邏戍連山越七八年復戍公塘之語疑實翁即王昱之字或其別號特序中不言其名耳然公塘司十九人列昱於第十五人之後似在有元之季叔實乃元初人則王昱亦為元初人知秩官序次不無顛倒矣

土軍官

宋寨額九十人今六十八人

寶慶志七元設兵二十名 延祐志十二至正志六

附人戶買撲酒坊 寶慶志十五

公塘坊 寶慶志十五

五男文尺校字



